

EJOLEKPA'N MƆ ZUAN HELELI'N

M'ɔ wɔ nun'n

Nwan sɔanlan diɛ y'ɔ le Zuan? Anin Zuan nun yí nianman bian Zɔaki, bɛ wɔ Zozi mmɔfɔɛ bulu nun nnyuan nin anun. Anin, bɛ nun bé sɪ Zebede, bɛ di asue nun junman bɛ cɪ ejue Galile asue nin anun. Ehi, mɔ Zozi feleli bé'n, bɛ yacili asue nun junman'n mɔ bɛ di'n bɛ sili yí sɔ. Ɔ fi ebele, bɛ kacili Zozi amanngɔn kpa. Ejolekpa'n mɔ Zuan heleli nin anun, ɔ mmɔ man yí muonun yí dunman, nan ejole m'ɔ kan'n y'ɔ le “sɔanlan'n mɔ Zozi kulo yí'n” (yí ti 13.23). Ɔ kan sɔ ɔ bebele yí nwɔn asɪ. Mele mɔ bɛ bɔbɔli Zozi kulɔwa nin asɔ'n, Zozi falɪ yí nin Mali ɔ wulali Zuan asa nun ke ɔ nian yí sɔ mán yí (19.25-27).

Ejolekpa ehi anun, Zuan le kele yé ke Zozi Kilisi tɪ Siɛ Nyanmian Bangɔb. Ɔ sɔanlin yí Wa Zozi asɪɛ nin asɔ ewa ke ɔ wú wɔ yé ete'n-mɔ dunman nun maan sɔanlan biala m'ɔ kɔ le yí kɔ li'n nyan nyanmiansɔ ngɔan m'ɔ le man ayueliɛ'n (3.16).

Zuan le kele yé ke Zozi kan yí “dɔɛ” nin anwɔn ejole (2.4; 7.30; 8.20; 12.23,27, 13.1; 16.32; 17.1). “Dɔɛ” sɔ'n y'ɔ le Zozi ewue'n nun yí anunmin-nyanmɔn eyiɛ tɛmɔn'n. Ehika ati, Zuan a hye yí Ejolekpa nin anun nnyuan. Alimɔa diɛ nin anun, ye nwun ninngɛ mɔ Zozi yɔli asannan nán yí dɔɛ nin a ju'n (yí ti 1-12). Zuan le kan Zuan Batisi adanzɪɛ'n m'ɔ lili yí Zozi anwɔn'n, ɔ nun ke ɔ kpɪnlin yɔli mɔ Zozi feleli yí alimɔa menian'n-mɔ nin anwɔn ejole.

Ye nwun yí ke Zozi hólí Zoluzalemón dǎun kpa mele mǎ Zufu'n-mǎ 'di bé feti'n-mǎ'n. Zozi nǎn menian'n-mǎ jǎjǎ, ǎ hehelelí bé ninngé m'ǎ sǎ ebué. Zozi yǎlí asinbenwǎn ninngé dǎun, nan Zǎan a kpa nun nzǎle nsǎ ala m'ǎ kele yé ke Zozi tí Nyanmian Awa sakpa.

M'ǎ tǎ sǎ nnyuan nun anun, Zǎan le kan ninngé mǎ Zozi yǎlí mele mǎ yí dǎe'n juli nun anwǎn ejǎle (yí tí 13-21). Nǎsǎba mǎ yí alíe cǎn an, bé 'kun Zozi'n, ǎ nǎn yí menian bulu nǎn nnyuan'n bé didíli, ǎ manlín bé afǎtu, ǎ yǎlí bé tí asǎnǎn. Ese Zǎan le kele yé ke Zozi kpúnlín wulí ǎ tinngelí, ese ǎ yǎlí yí nwǎn ǎ helelí yí menian'n-mǎ'n. Kalata nún agualie nun, Zǎan le kele yé ke ǎ kpúnlín yǎlí mǎ Zozi nǎn yí menian'n-mǎ yialí Galile asue nún anǎan'n.

Zozi Kilisi tí Nyanmian Anǎan Ejǎle

¹ Abǎbǎ nún anun, mǎ Nyanmian 'bǎ ninngé kǎalaatin'n, anun sǎanlan kǎn wǎ ebele. Sǎanlan sǎ'n, bé fele yí Nyanmian Anǎan Ejǎle. ǎ nún Nyanmian yê bé tí ǎ. ǎ tí Nyanmian sakpa.

² Abǎbǎ nún anun, sǎanlan sǎ'n nún Nyanmian yê bé tí ǎ.

³ Nyanmian nanndíli yí sǎ y'ǎ bǎlí ninngé kǎalaatin ǎ. Like fíí nnǎn man ebele mǎ Nyanmian a nnanndí man yí sǎ ǎ'a mmǎ man ǎ.

⁴ Ngǎan baka'n y'ǎ le yí. Yê ngǎan baka sǎ'n y'ǎ tí menian'n-mǎ kanlanníe nún ǎ.

⁵ Kanlanníe sǎ'n le ta awosin mân nún anun. Awosin'n nwan ǎ 'fia kanlanníe nún anyún. ǎ man-tanlín yí dede a, ǎ'a ngǎala man yí nýn fia.

Zǎan Batisi adanzíe m'ǎ lili'n

6 Ǿ wɔ ɛbɛɛ dede a, cɪan kɔn Nyanmɪan kɔ yɪ sɔanlan kɔn asɪɛ nɪn asɔ ɛwa kɛ ɔ lɪ adanzɪɛ. Sɔanlan sɔ'n, bɛ fɛɛɛ yɪ Zɔan.

7 Zɔan walɪ kanlannɪɛ nɪn anwɔn adanzɪɛ elie maan menian'n-mɔ kɔalaa nanndɪ yɪ sɔ bɛ de kanlannɪɛ sɔ'n bɛ di.

8 Nán kɛ yɪ y'ɔ tɪ kanlannɪɛ nɪn ɔ, nan ɔ walɪ kanlannɪɛ nɪn anwɔn adanzɪɛ elie.

9 Kanlannɪɛ kpa sɔ'n m'ɔ man menian'n-mɔ kɔalaa nwun asɪ'n lɛ ba mán nɪn anun.

10 Ǿ walɪ julɪ asɪɛ nɪn asɔ ɛwa. Yɪ yê Nyanmɪan man ɔ sesielɪ eyuadɪ nɪn ɔ. Kɔsɔ menian dɔɔn a mmu man yɪ like.

11 Ǿ walɪ menian'n mɔ Nyanmɪan falɪ bɛ yɔɪ yɪ dɪɛ'n-mɔ afian, bɛ kɔsɔ bɛ dɔɔn, b'a nne man yɪ.

12 Nan kɔsɔ mmie-mɔ leli yɪ. Menian sɔ'n-mɔ kɔalaa mɔ bɛ leli yɪ bɛ lili'n, ɔ'a man bɛ atɪn maan b'a kaci Nyanmɪan amma.

13 Nyanmɪan mma'n mɔ b'a kaci'n, nán kulo sɔanlan tunmin nɪn kɛ belenzua nɔn balasua bɛ wa mɔ b'a wɔ yɪ ɔ. Nan Nyanmɪan muonun yê ɔ'a fa ngɔan fɔfɔɛ sɔ'n ɔ'a man bɛ ɔ.

14 Nyanmɪan Anɔan Ejɔɛ nɪn a kaci yɪ nwɔn kulo sɔanlan, ɔ a a tanlan yê afian ɛwa. Ǿ'a nwun yê nwɔn anwunnvoe kpili kpa. ɛsɛ ɔ'a yɪ Nyanmɪan ɔ'a hele yê yuein. Y'a nwun yɪ anunminnyanmɔn'n, anunminnyanmɔn'n mɔ Sɪɛ Nyanmɪan falɪ manlɪn yɪ'n. Ǿ sanlɪn kɛ ɔ tɪ yɪ Bangɔɔ.

15 Sɔanlan sɔ nɪn anwɔn ejɔɛ yê Zɔan tɪanlɪn nɪn hanlɪn nɪn ɔ. Yɪ nwan: “Sɔanlan ɛhɪ yê n ganlɪn kɛ ɔ lɪ mɪn nzin ɔ lɛ ba nɪn ɔ. Ǿ tɪ kpili tala mɪn. Ǿ sanlɪn kɛ ɔ tɪ asɪ dahuu.”

16 Ehi, anwunnvoe baka'n m'ɔ ti nun ati, ɔ'a yeyila yé su. Eɛe bɔbɔ, ɔ te yeyila yé su kpili kpa.

17 Afi, daba Nyanmian nanndili yé nan *Moyizi asu yê ɔ falɔ yí mala'n manlin yé ɔ. Nan sian diɛ, Nyanmian nanndi Zozi Kilisi asu ɔ'a nwun yé nwɔn anwunnvoe ɔ'a hele yé ananhɔle atin'n.

18 Swanlan fíi nwunlin man Nyanmian lé. Nan Nyanmian Bangɔɔ Zozi m'ɔ ti Nyanmian'n, m'ɔ mantan Siɛ'n, yí y'ɔ man ye nwun yí ɔ.

Zvan Batisi 'ba hanyí muonun yí ewale nin anwɔn ejɔle

(Matie 3.1-12, Maaki 1.1-8, Luku 3.1-18)

19 ɔ 'ba yɔ sɔ'n, anin Zvan le sɔnin menian wɔ asue Zuludin nun anzin elɔ lika kɔn. Zoluzalemɔn Zufu mgbain'n-mɔ kɔ ti. Cian kɔn, be kɔ swan Nyanmian *teɛyifɔe mmie-mɔ nun *Levifɔe kɔsu mmie-mɔ, be kɔ a kɔ tɔ Zvan, bé nwan: “Zvan, wɔ muonun, nwan swanlan diɛ y'ɔ le wɔ?”

20 Mɔ be bisali kosuan sɔ'n, Zvan kpacili nun ɔ hanlin yí ananhɔle yuein heleli bé ke: “Nán *Kilisi'n y'ɔ le mín.”

21 Mɔ Zvan buali bé sɔ'n, bé nwan: “Se nán yí y'ɔ le wɔ a, anin nwan swanlan diɛ kpa y'ɔ le wɔ? *Eli y'ɔ le wɔ anaan?”

Zvan nwan: “Nán Eli y'ɔ le mín.”

Eɛe be kɔ bisa yí biekun ke: “Anin Nyanmian *Kpɔmanfɔe'n y'ɔ le wɔ ɔ?”

Zvan nwan: “Cɛɛɛ.”

22 Ejɔle ehi kɔ sin bé nwɔn, bé nwan: “A! Anin nwan swanlan diɛ bɔbɔ kpa y'ɔ le wɔ? Bua yé bie maan ye hó hán héle bé mɔ be swanlin yé'n. E bu wɔ nwɔn ke nwan y'ɔ le wɔ?”

23 Ehi a, Zvan nwan: “Svanlan'n mɔ Nyanmian Kpɔmanfue *Ezayi lili mɔa hanlin yí nwɔn ejɔle ke: *Svanlan kɔn le tian ewá nín anun elɔ ke:* ‘Emɔ sésie yé Min atin'n!’ svanlan sɔ'n y'ɔ le mín.”

24 Bɛ mɔ bɛ svanlin bé Zvan anwɔn elɔ'n mmie-mɔ ti *Falisifue.

25 Bɛ nwan: “Sɛ nán Kilisi'n y'ɔ le wɔ́, sɛ nán Eli y'ɔ le wɔ́, eɛe sɛ nán Nyanmian Kpɔmanfue'n y'ɔ le wɔ́ a, anin nzuke ati yê ε sɔnɔn menian'n-mɔ ɔ?”

26 Mɔ bɛ bisali kosuan sɔ'n, Zvan nwan: “Mín diɛ, n ne nzue yê mɔn fa mɔn sɔnɔn ɔ, nan svanlan kɔn wɔ emɔ afian ebele, emɔ nzi man yí.

27 Svanlan sɔ'n fi mín nzin ɔ le ba, mɔn nze nvata man ke mɔn nyannji yí ja mgbabɔa nyanman'n bɔbɔ mgban ɔ.”

28 Ejɔle ehi kwalaa sɔnlin Betanin, asue Zuludɔn nɔn ebue kɔn elɔ, lika mɔ anin Zvan sɔnɔn menian'n-mɔ'n.

Nyanmian Bɔa Baa'n y'ɔ le Zozi

29 Mɔ bɛ hanlin ehi yueli'n, yí alíe hinlin, Zvan 'tɔ yí nyɔn an, anin Zozi le ba yí nwɔn ebele, yí nwan: “E 'nwun Nyanmian *Bɔa Baa'n, Nyanmian 'ba fa yí yí mân nɔn ati tee ɔ tu yí ete'n kɔ.

30 Yí dein yê n ganlin yí ejɔle ke: ‘Svanlan kɔn li mín nzin ɔ le ba, ɔ ti kpili tala mín. ɔ sanlin ke ɔ ti asi dahuu.’

31 Mɔn nzi man yí daba. Nan kemɔ ɔ fata ke Izalayɛ amma'n-mɔ nwun yí'n, yí ti yê Nyanmian a svan mín ke m mála n vá nzue n zónɔn bé ɔ.”

32 Ehi, Zvan lili Zozi anwɔn adanzie ke: “Mɔn kan mɔn kele emɔ ke, m'an nwun ke Wawe Nwannzan-nwannzan'n fi nyanmiansɔ ke abubule ɔ'a ju ɔ'a tanlan yí sɔ.

33 Mín bəbə muonun, anin mun nzi man yí sʉanlan ehəle kʉn'n, nan Nyanmian a han a hele mín ke: 'Sʉanlan'n mə ε kə nwun ke mín Wawε Nwannzan-nwannzan'n kə ju kə tanlan yí sʉ'n, sʉanlan sə'n yê ɔ 'fa Wawε sə'n sənun menian'n-mə ɔ.'

34 Ejəle sə'n mə m'an nwun yí mín nyinsʉ nun ati, mun di yí nwʉn adanzie ke ɔ ti Nyanmian Awa sakpa."

Zozi 'ba fεle yí alimʉa menian'n-mə yí nwʉn

35 Ehi mə alie hɪnɪn'n, anin Zʉan nʉn yí menian'n-mə anun nnyuan jijin ebεle.

36 M'ɔ nwunlin ke Zozi le sɪn'n, yí nwan: "E'nwun Nyanmian *Bʉa Baa'n."

37 Mə yí menian nnyuan'n tɪli ejəle sə'n, bε yacili yí ebεle yê cuein, bε kə si Zozi sʉ.

38 Zozi həlɪ kaan, ɔ 'tʉ yí nyɪn yí nzin an, menian si yí sʉ. ɔ kə bisa bé ke: "Emə le kpʉnnde nzu?" Bé nwan: "*Labi" (yí bʉ y'ɔ le ke ngehelefʉε), "ye le kpʉnnde lika mə ε tɪ'n."

39 Ehi a, Zozi nwan: "Emə bála a nian."

Ebεle ala, bε kə si yí sʉ bε nʉn yí kə hɔ lika m'ɔ tɪ'n, bε nʉn yí kə tanlan ebεle dede sɛnzɛ'n kə tɔ. ɔ 'ba yɔ sə'n, mə Zʉan menian nnyuan'n 'si Zozi sʉ'n, anin b'a bə nəsʉba dɔε nnan.

40 Zʉan menian nnyuan sə'n, kʉn li Andele. Andele sə'n, yí nianman y'ɔ le Simʉn Pɪɛɪ.

41 Andele y'ɔ lili mʉa həlɪ tʉli yí nianman bian Simʉn an, yí nwan: "Mín nianman Simʉn, y'a nwun *Mesi'n." (Yí bʉ y'ɔ le ke *Kilisi, Izalayε Belemgbin Ngʉandefʉε.)

42 Mə Andele hanɪn sɔ yuelɪ'n, ɔ nʉn yí kə hɔ Zozi anwʉn εɔ ɔ kə fa yí kə hele yí. Zozi nianɪn yí a, yí

nwan: “Wó, be fεε wó Simón. Zwan awa y'ó le wó. Ɔ fi ενε m'ó k'ó'n, be 'ba fεε wó Sefasí.” (Sefasí'n tí *ebele aníε, yí *gεlékí nun an, anún ɔ lí Píεh. Yí bú y'ó le kε εbuε.)

Natanayε 'ba nwun kε Zozi tí Nyanmian Awa

⁴³ Εhí, mǎ alíε húnln'n, Zozi nwan ɔ 'kǎ Galile mân nún anún εbǎ. M'ǎ tuli yí bú mǎ ɔ 'kǎ'n, ɔ kǎ hǎ kǎ tú Filipú, yí nwan: “Filipú, sí mín sú!”

⁴⁴ Filipú nún Andele nún Píεh, be fi kulo kún. Be fεε kulo sǎ'n Bεtisayida.

⁴⁵ Mǎ Zozi hanln sǎ yueli'n, Filipú kǎ hǎ kǎ tú Natanayε, yí nwan: “Svanlan'n mǎ *Moyizí hanln yí nwún εjǎε *Mala Kalata nún anún, mǎ εεε Nyanmian mgbǎmanfǎε'n-mǎ kusú heleli yí nwún εjǎε'n, y'a nwun yí. Be fεε yí Zozi. Ɔ fi Nazaletí. Yí sí y'ó le Zozεfu.”

⁴⁶ Εjǎε sǎ'n mǎ Filipú hanln heleli yí'n sinlin yí nwún, yí nwan: “Nazaletí kulo εhí m'ǎ wǎ εbǎ'n, asú like kpa 'fite sú lé?”

Filipú nwan: “Bala, ba nian.”

⁴⁷ Mǎ Zozi nwunlin kε Natanayε ε ba yí nwún εbele'n, yí nwan: “Emǎ nían, Izalayε svanlan bǎkǎǎ y'ó le svanlan εhí, ɔ nni man ato fíí.”

⁴⁸ Εjǎε sǎ'n kǎ sin Natanayε anwún, yí nwan: “Nan ε sí mín nin?”

Zozi nwan: “Mǎ anún ε tí *figi baka nún abú, mǎ Filipú fεleli man wǎ'n yê n nwunlin wǎ ɔ.”

⁴⁹ Natanayε nwan: “*Labi, ε tí Nyanmian Awa, εεε ε tí Izalayε Belemgbin sakpa.”

⁵⁰ Zozi nwan: “Kεmǎ mín nwan n nwunlin wǎ figi baka nún abú'n, ɔ man a le a lí? Ε 'ba nwun ninngε dǎun mǎ be tala εhí.”

51 Ɛse yí nwan: “Mun kan yí ananhòle mun kele emò ke, emò 'ba nwun ke anwunno nun a buke yê nyanmiansu mmòfue'n-mò fi *Mân Baa nun anwòn asie nun asu ɛwa, mmie-mò le fu a, anin mmie-mò le ju.”

2

Zozi 'ba hò atònvòle kòn abv Kana kulo nun asu

1 Mò Zozi fèlèlì yí menian sò'n-mò yueli'n, yí nzin cian nsan, anin be le fa atònvòle kòn Galile mân nun anun elò kulo kòn asu. Kulo sò'n, be fèlè yí Kana. Anin Zozi anin'n wò ebele bie.

2 Atònvòle sò nun abv, be kò fèlè Zozi non yí menian'n-mò.

3 Be lili feti'n dede mò ò 'kò bie'n, bé nzan'n kò yue. Ehi a, Zozi anin'n kò hò kò tó yí, yí nwan: “Zozi, bé nzan nun a yue o.”

4 Zozi manlin yí nwan su a, yí nwan: “M mò, si abutamòn, nán mín *dòe di'e'n nyan juli man.”

5 Ebele ala, yí nin kò hò kò tó bé mò be le su nzan'n, yí nwan: “Like biala mò Zozi kò se ke emò yó'n, emò kpínlin su be yó.”

6 Anin, nyòbue été nsian jijin ebele, kòn kuala ke ò fa nzue elitili ɛya kòn. Nun nzue'n, Zufu'n-mò fa nwunnzin bé sa be tu bé nwòn efian be yò bé nwòn nwannzan-nwannzan, ɛse be fa be kputa bé ninngè. Afi, ò ti bé mala.

7 Zozi kò han kò hele bé mò be le su nzan'n ke: “Emò sá nzue be gúa été ehi-mò anun maan ò yí.” Mò Zozi hanlin sò hehelì bé'n, be kò sa nzue be kò gugua nun dede be kò yí títèkèè.

8 Zozi nwan: “Sian di'e, emò sá bie be hó mán feti nun asu kpain'n.”

ƐbeƐe ala, be kɔ sa bie be kɔ hɔ.

⁹ Feti nun asu kpain'n 'bɔ su o, nzue nun a kaci nzan. Bian'n nian an, ɔ nnwun man lika mɔ nzan sɔ'n fi ɔ, kɔsu bɛ mɔ be le su'n, be die, be si.

¹⁰ M'ɔ bɔli nzan nun asu yueli'n, ɔ kɔ fele atɔnvɔle bian'n, yɪ nwan: “Eja, mun 'yɔ wɔ mɔ kpa! A bɔ mɔndɪnlɪn sakpa! Menian'n-mɔ kwalaa, se be 'fa bɛ atɔnvɔle nun an, be di mɔa be su nzan'n m'ɔ yɔ fe kpa'n. Be nun dede be fe a, bele mɔ anɪn be le su m'ɔ nyɔ man fe kpa nun ɔ. Nan wɔ die, mɔ a su yɪ sian'n yɔ fe tala mɔ ɛ lili mɔa suli'n.”

¹¹ Anun ke ɔ kpɪnlɪn yɔli mɔ Zozi yɪ alimɔa asinbenwɔn like m'ɔ ti nzɔle nun anun. Ɔ yɪli yɪ wɔ Galile mɔn nun anun, kulo'n mɔ be fele yɪ Kana nun asu. Ɔ yɔli sɔ maan be nwunlin yɪ anun-minnyanmɔn'n. Asinbenwɔn like sɔ'n manlin yɪ menian'n-mɔ leli yɪ lili.

¹² Mɔ be falɪ atɔnvɔle'n yueli'n, Zozi nun yɪ nin nun yɪ nianman'n-mɔ nun yɪ menian'n-mɔ, be hɔli Kapɛɛnawɔmɔn kulo nun asu, be lili kɔ yɔ ɛle nnyuan kɔn ɛbele.

Zozi 'ba fɔvan bɛ mɔ be le di gua

Nyanmian awulo nun anun'n

(Matie 21.12-13, Maaki 11.15-17, Luku 19.45-46)

¹³ Kemɔ anun Zufɔ'n-mɔ fanwɔndi feti'n mɔ be fele yɪ *Paki'n ka kaan ju'n, Zozi kɔ hɔ Zoluzalemɔn.

¹⁴ M'ɔ juli ɛɔ'n, ɔ wɔlɔli Nyanmian awulo nun anun, ɔ 'kɔ a ju a, anun menian mmie-mɔ titi ɛbele, be le tɔnɪn bɛ nnale nun bɛ mmɔa ɔ nun bɛ mɔlɔnɔnman. (Be to ninngɛ sɔ'n-mɔ be fa be yɪ tee.) Ɔ 'tɔ yɪ nyɪn an, anun menian mmie-mɔ titi bɛ tɔbɪli nwɔn, be le di esika ekacie junman.

15 Mɔ Zozi nwunlin yí sɔ'n, ebele ala, ɔ kɔ hɔ kɔ fa nyanman ɔ kɔ nwɔn mgbele. ɔ kɔ fa kɔ fwan bé kwalaa kɔ fite awulo, bé nɔn bé mmɔa, nɔn bé nnalɛ'n-mɔ kwalaa. Bé mɔ be le kaci bé esika'n kɔsu, ɔ kɔ han bé esika'n-mɔ kɔ gua asɪ, ɔ kɔ kunnzun bé tɔbilɪ'n-mɔ kɔ gua asɪ.

16 ɔ kɔ han kɔ hele bé mɔ be le tɔnɪn mɔlɔnɔnman'n-mɔ ke: “Emɔ yíyɪ bé ninngɛ'n-mɔ kwalaa ewa, nán be fa mín Sɪ awulo'n be kaci gua elie lɪka.”

17 Mɔ Zozi hanlɪn ejɔle sɔ'n yuelɪ'n, yí menian'n-mɔ ati kɔ kpɪn *Ehele Ejɔle'n lɪka eɪɪ asɔ:

Mín Nyanman, wɔ awulo nɪn anwɔn ehulo

mɔ n ne yí'n, ɔ 'ba man mɪn wu.

18 Eɪɪ a, Zufɔ mgbain'n-mɔ nwan: “Nzu like dɪɛ kpa yê ε kwalaa yí yɔ m'ɔ kele ke ε le tunmin ε bɔ bala sua ɔ?”

19 Zozi nwan: “Emɔ búbu sua nwannzan-nwannzan eɪɪ, nan mɪn 'fa cɪan nsan mɪn si.”

20 Mɔ Zozi hanlɪn sɔ'n, Zufɔ mgbain'n-mɔ nwan: “An! *Sua Nwannzan-nwannzan eɪɪ, mɔ b'a fa afɔɛ abulanan nɔn nsian b'a si'n, wɔ dɪɛ, ε 'fa cɪan nsan kpê ε si yí fɔfɔle?”

21 Sua nwannzan-nwannzan'n mɔ anɪn Zozi le kan yí ejɔle'n y'ɔ le yí muonun yí sɔanlan baka'n.

22 M'ɔ fi ewue nun tɪngelɪ'n, yí menian'n-mɔ kacɪɪ ejɔle sɔ'n m'ɔ hanlɪn'n. ɔ man be leɪ *Ehele Ejɔle'n nɔn mɔ Zozi hanlɪn'n be lili.

23 Cɪan dɔdɔ mɔ Zozi lili yí Zoluzalemɔn ebele Zufɔ'n-mɔ *Pakɪ elie nɪn anun'n, menian dɔɔn nwunlin yí asɪnbɛnwɔn ninngɛ'n m'ɔ yɔ'n, be leɪ yí be lili.

24 Zozi diε, ɔ'a nva man yí ajɔnlɩn ɔ'a ndɔ man bé sɔ, ɔ sanlɩn ke ɔ sɩ bé ahɔnlɩn nɩn anun ejɔle'n kɔalaatin.

25 ɔ mgbɔndε man ke be kan kulo sɔanlan anwɔn ejɔle be kele yí bɔbɔ, afɩ yí muonun, ɔ sɩ menian'n-mɔ ahɔnlɩn nɩn anun ejɔle'n kɔalaatin.

3

Zozi nɔn Ninkodemɔn 'ba jɔjɔ

1 Anɩn Zufɔ'n-mɔ kpain kɔn wɔ εbele, be fele yí Ninkodemɔn. ɔ di *Falisifɔe'n-mɔ fâ'n bie.

2 Cian kɔn kɔngɔε, ɔ kɔ a kɔ tɔ Zozi. Yí nwan: “*Labi, y'a nwun ke Nyanmɩan a sɔan wɔ sakpa ke ε bála a hehele yé ninngε. Asinbenwɔn ninngε'n-mɔ mɔ ε yɔ'n kele ke Nyanmɩan jin wɔ nzin. Afɩ sɔanlan mɔ Nyanmɩan jin man yí nzin'n, ɔ ngɔala man bie yɔ.”

3 Eɩi a, Zozi nwan: “Mɩn kan yí ananhɔle mɩn kele wɔ ke sɔanlan biala mɔ b'a nwɔ man yí fɔfɔle biekun'n, yí nyun ngɔala mmɔ man Nyanmɩan Belemgbin Mân'n.”

4 Mɔ Zozi hanlɩn sɔ'n, Ninkodemɔn nwan: “Nan anɩn, sɔanlan mɔ ɔ'a yɔ kpain a yue'n, ɔ 'yɔ sε nán b'a wɔ yí fɔfɔle biekun? Asɔ ɔ kɔala ke ɔ sa kɔ yí nin akunnun maan be wɔ yí biekun ɔ?”

5 Zozi nwan: “Mɩn kan yí ananhɔle mɩn kele wɔ ke sɔanlan mɔ b'a nva man nzue nɔn Nyanmɩan Wawε'n b'a mman man yí ngɔan fɔfɔle'n, ɔ ngɔala man ke ɔ kaci Nyanmɩan Belemgbin Mân nɩn anun sɔanlan.

6 Sε kulo sɔanlan wɔ wɔ a, nwun yí ke ε di sɔanlan afile. Yê sε Nyanmɩan Wawε'n kɔsɔ wɔ wɔ a, nwun yí ke ε di yí Wawε nun afile'n bie.

⁷ Σε μιν καν μιν κελε wó κε ɔ fata κε be wó emɔ kɔalaa fɔfɔle biekun an, n'ε man ɔ sin wó nwɔn.

⁸ Lika mɔ anwɔnman'n kulo'n y'ɔ fita kɔ ɔ. Ε ti yí ngan, nan se ɔ fi nin e, se ɔ le kɔ nin e, ε nzi man. Awɔle fɔfɔle'n mɔ Nyanmian Wawe'n wɔ menian'n-mɔ'n, ke ɔ ti yí nin anin.”

⁹ Ehi a, Ninkodemɔn nwan: “Anin ɔ 'yɔ se kpa nán ɔ'a yɔ sɔ?”

¹⁰ Zozi nwan: “E! Ninkodemɔn, wó mɔ ε ti Izalaye mân nin asɔ kpain mɔ ε kekele Nyanmian anwan ejɔle'n, ε nzi man ninnye sɔ'n-mɔ ɔ?”

¹¹ Mun kan yí ananhɔle min kele wó κε ye le kan ninnye'n-mɔ mɔ ye si nin anwɔn ejɔle ye kele emɔ, εse ye le di mɔ y'a nwun yí nin anwɔn adanziε, kusɔ emɔ mmu man yí ananhɔle.

¹² Σε μιν καν asie nin asɔ ewa ejɔle min kele emɔ a, emɔ mmu man yí ananhɔle, nan se min kan nyanmiansɔ elɔ ejɔle min kele emɔ a, ɔ 'yɔ se nán emɔ a le a li?

¹³ Swanlan fíí fɔli man nyanmiansɔ lé, cele κε *Mân Baa'n m'ɔ fi nyanmiansɔ ɔ'a ju asie nin asɔ ewa'n.

¹⁴ Ke *Moyizi falɔ jete kɔkɔle'n ɔ bɔli owo kun ɔ sinnzeli yí baka ati ɔ kpanlanlin yí ewâ nin anin elɔ daba'n, ɔ di κε be fɔla Mân Baa'n kusɔ anwunno,

¹⁵ maan swanlan biala m'ɔ kɔ le yí kɔ li'n, ɔ nyan nyanmiansɔ ngwan m'ɔ le man ayuelε'n.”

¹⁶ Afi, Nyanmian Kpili a hulo eyuadi'n dede ɔ'a fa yí Bangɔɔ'n ɔ'a hye yí maan swanlan biala m'ɔ kɔ le Baa sɔ'n kɔ li'n, Nyanmian sikpe'n ngun man yí, nan ɔ nyan nyanmiansɔ ngwan m'ɔ le man ayuelε'n.

17 Nyanmian Kpili a nzwan man yí Wa'n ke ɔ bála a tua eyuadi nɔn ete nɔn anwɔn kale, nan ɔ swanlin yí ke ɔ bála a le yí ti ngwan.

18 Swanlan m'ɔ de yí di'n, be mmu man yí fuɔ, nan swanlan m'ɔ nne man yí nni man'n, b'a bu yí fuɔ dada angɔnmɔn. Ɔ sanlin ke ɔ'a nne man Nyanmian Bangɔɔ'n ɔ'a nni man.

19 Lika mɔ be 'fa be bu menian'n-mɔ fuɔ'n, y'ɔ le ke kanlanniɛ nɔn a a mân nɔn anun, nan kɔsu kemɔ menian'n-mɔ yɔ ete nɔn ati, be kulo awosin'n be tala kanlanniɛ'n.

20 Swanlan biala m'ɔ yɔ ete'n, ɔ kpɔ kanlanniɛ'n, ɔ nvite man nun, afi ɔ sulo ke be kɔ nwun yí nyɔɔɔ ete'n m'ɔ yɔ'n.

21 Nan swanlan m'ɔ yɔ nyɔɔɔ kpa'n, yí diɛ, ɔ fite kanlanniɛ nɔn anun, ɔ man be nwun yí fɔ́ɔn ke ɔ yɔ like mɔ Nyanmian kulo'n.

Zwan Batisi 'ba han yí nwɔn asɔ man Zozi

22 Ehi anzin, Zozi nɔn yí menian'n-mɔ fi Zoluzalemɔn be jasɔɔ be hɔɔɔ Zude mân nɔn akunnun eɔ. Ɔ nɔn bé kɔ li ebele kɔ yɔ eɛ nnyuan kɔn, ɔ kɔ sɔnɔn menian.

23 Ɔ 'ba yɔ sɔ'n, anɔn Zwan wɔ kulo'n mɔ be feɛ yí Enɔn nɔn asɔ. Kulo sɔ'n mantan Salimɔn kulo'n. Ebele lika'n ti asuma ngɔnmɔn. Menian dɔɔn kpa ba yí nwɔn ebele maan ɔ sɔnɔn bé.

24 Temɔn sɔ nɔn anun, anɔn be tɔɔɔ man Zwan fiadi.

25 Zufu'n-mɔ efiɛn etue ebialɛ nɔn anwɔn, Zwan menian'n-mɔ nɔn Zufu bian kɔn suli akpɔɔɔwa kpili kpa.

26 Be kɔ hɔ be kɔ tɔ Zwan, bé nwan: “*Labi, swanlan'n mɔ anɔn ye nɔn yí wɔ asue Zuludɔn nɔn

anzin elɔ mɔ ε hanlɪn yɪ ejɔle'n, sian'n, ɔ le sɔnɪn menian, bɛ kwalaa bɛ nyɪn le kaci yɪ nwɔn.”

27 Zu'an nwan: “Like mɔ Nyanmian a nva a mman man sɔanlan'n, sɔanlan ngɔala man ke ɔ nyan yɪ ɔ.

28 Emɔ muonun di mɪn adanzɪε ke mɪn nwan nán *Kilisi'n y'ɔ le mɪn, nan mɪn diε, b'a sɔan mɪn maan m'an li mɔa yɪ nyunnun.

29 Yɪ ti, mɪn diε, sɔanlan'n m'ɔ le ja bala'n, n di ke yɪ manngɔn m'ɔ yɔ biala maan atɔnvɔle'n yɔ kanlanman. Se sɔanlan'n mɔ ɔ'a ja bala'n bɔ yɪ amannɪε ke ajaa nun a yɔ kpa a, yɪ manngɔn'n di yɪ nwɔn fe kpili kpa. Mɪn kɔsɔ mɪn fe diε m'ɔ kun mɪn'n, ke ɔ ti yɪ nun anɪn.

30 Ehi ati, ɔ di ke yɪ dunman'n fɔ, nán mɪn diε'n hán asi.”

31 ɔ ti ananhɔle, sɔanlan m'ɔ fi nyanmiansɔ'n, ɔ ti kpili tala menian'n-mɔ kwalaaatin. Sɔanlan m'ɔ fi asɪε nun asɔ ewa'n, anɪn ɔ ti asɪε nun asɔ sɔanlan, yê asɪε nun asɔ ewa ejɔle y'ɔ kan ɔ. Nan sɔanlan m'ɔ fi nyanmiansɔ'n, ɔ tala kulo sɔanlan biala.

32 Like mɔ ɔ'a nwun yɪ nyanmiansɔ nɔn mɔ ɔ'a ti'n, bɛ nwɔn ejɔle y'ɔ kan ɔ. Yê yɪ ejɔle m'ɔ kan'n, sɔanlan fɪ nne ndɔ man nun.

33 Nan sɔanlan m'ɔ kɔ le yɪ nɔan ejɔle'n kɔ li'n, anɪn sɔanlan sɔ'n le kele ke mɔ Nyanmian kan'n ti ananhɔle sakpa.

34 ɔ sanlɪn ke sɔanlan mɔ Nyanmian Kpili a sɔan yɪ'n, Nyanmian Anɔan Ejɔle y'ɔ kan ɔ. Afi Nyanmian a fa yɪ Wawε nun a wula yɪ nun kpa bɔkɔɔ.

35 Siε'n kulo Baa'n, ɔ'a fa ninnge kwalaa ɔ'a wula yɪ sa nun.

³⁶ Svanlan m'ɔ kɔ susu yí ti kɔ gua Baa sɔ nɪn asu'n, ɔ le nyanmiansɔ ngvan'n. Svanlan mɔ ɔ'a nzusu man yí ti ɔ'a gua man yí su'n, ɔ nnyan man ngvan sɔ'n bie. Nan Nyanmian sikpe'n wɔ yí sɔ dahuu.

4

Zozi nɔn Samali balasua kɔn 'ba jɔjɔ

¹ Ehi, be wɔ ebele a, yé Mɪn kɔ nwon nun ke *Fal-isifɔe'n-mɔ a ti yí nwon ejɔle ke ɔ le sɔnɪn menian tala Zvan.

² ɔ ti man ke yí Zozi muonun y'ɔ sɔnɪn menian'n-mɔ aho, nan yí menian'n-mɔ yê be di junman sɔ nɪn ɔ.

³ Mɔ Zozi tɪlɪ yí sɔ'n, ɔ fi Zude mân nɪn anun ɔ kɔ hɔ Galile mân nɪn anun elɔ biekun.

⁴ ɔ fi Zude mɔ ɔ 'kɔ Galile'n, ɔ di ke ɔ sɪn Samali mân nɪn.

⁵ Ehi a, ɔ kɔ hɔ dede ɔ kɔ ju Samali kulo'n mɔ be fele yí Sisaa'n tiba, ebo'n mɔ daba Zvakɔbu falɪ manlɪn yí wa Zozeɔvɔ nɪn asu.

⁶ Ebo sɔ nɪn asu yê sikala'n mɔ Zvakɔbu funlin'n wɔ ɔ. Zozi nanndɪlɪ dede m'ɔ juli ebele'n, anɪn ɔ'a yue fe. Ehi, ɔ kɔ ha sikala nɪn anvan kɔ tanlan. Yí temvɔn sɔ nɪn anun, anɪn senze nɪn a jinlan bé ti afian.

⁷ Zozi ti ebele kaan, ɔ 'nɪan an, Samali balasua kɔn fi Sisaa kɔ a, ɔ le ba a sa yí nzue. Zozi nwan: “Mɪn nianman bala, sa nzue kaan maan n nɔn.”

⁸ ɔ 'ba yɔ sɔ'n kɔsv, anɪn Zozi menian'n-mɔ a hɔ kulo elɔ, be le kɔ a to like be 'ba li.

⁹ Ehi a, balasua'n nwan: “E! Anianman bian, e ti Zufv, mɪn kɔsv n di Samali balasua, nan ɔ yɔ se mɔ e le sele mɪn nzue'n?” M'ɔ man balasua'n le kan

sò'n, y'ò le ke Zufò'n-mò nòn Samali menian'n-mò nni man.

¹⁰ Zozi nwan: “Sε ò ti ke ε sι like'n mò Nyanmian fa ce menian, εε σε ε sι sɔanlan'n m'ò le σεε wó nzue nìn an, ahan wó lili wó yê ε 'σεε yí maan ò man wó ngvan nzue fe m'ò nzisan man lé ò.”

¹¹ Balasua'n tili yí sò a, yí nwan: “Yemɪnlɪn, ε le man bokiti, yê sikala εhɪ kɔsɔ abɔ hɔli, anɪn ninhan yê ε 'sa ngvan nzue fe sò'n man mín ò?”

¹² Yé nan Zvakòbɔ falɪ sikala nzue kpa εhɪ manlɪn yé nán εne bie ò. Yí bɔbɔ muonun, ò nòn yí mma'n-mò, nòn yí ayemvɔa'n-mò be nɔnlɪn nun nzue'n bie. Nan ε ti wó dɪε σε dede mò ε 'nyan nzue biekun kpa m'ò tala εhɪ asɔ man yé ò? E jɔnlɪn ke ε ti kpa tala Zvakòbɔ ò?”

¹³ Ehi a, Zozi nwan: “Sɔanlan m'ò nòn nzue εhɪ'n, nzuhoe 'kun yí biekun.

¹⁴ Nan sɔanlan m'ò kò nòn nzue'n mò n gò sa n gò man yí'n, yí dɪε, nzuhoe ngun man yí lé. O sanlɪn ke nzue sò'n mò n gò sa n gò man ò kò nòn'n, ò 'kaci asutile mò nyanmiansɔ ngvan'n fi nun fite ò.”

¹⁵ Ehi, Samali balasua'n manlɪn yí nvan sò a, yí nwan: “Yemɪnlɪn, σε yí sò a, anɪn man mín bie n nón nán nzuhoe a ngun mín kón. Yí dɪε anɪn cɪan fɔfɔle mɪn mma nza man nzue εwa kón.”

¹⁶ Zozi nwan: “Balasua, kò fele wó hun, ε nòn yí be bála εwa.”

¹⁷ Zozi hanlɪn sò a, balasua'n nwan: “N nja man bian.”

Ehi a, Zozi nwan: “Sε ε se ke ε ja man bian an, ò ti fón.

¹⁸ Afɪ mín sɪ ke a ja mmelenzua ngɔkɔn nnun a yila, yê nunhan'n kɔsɔ mò ε nòn yí be wò ebele'n, ò jalɪ man wó. Sakpa, a han ananhɔle.”

19 Mɔ Zozi hanlin ehi'n, balasua'n nwan: “Yemulin, m'an nwun ke e ti Nyanmian kpɔmanfue sakpa.

20 Yé nan-mɔ sɔli Nyanmian buka ehi asu, kusu emɔ Zufu'n-mɔ die, emɔ nwan lika m'ɔ fata ke be su Nyanmian'n y'ɔ le Zoluzalemɔn.”

21 Zozi nwan: “Balasua, de di ke ɔ 'ba ju mele bie, emɔ ngɔ su man Sɛ'n buka ehi asu kɔn, ɔ nun Zoluzalemɔn kusu kɔn.

22 Emɔ Samali amma, emɔ le su Nyanmian, kusu emɔ nzi man yí. Nan yé Zufu'n-mɔ, yé die, ye si yí. ɔ sanlin ke Nyanmian nanndi Zufu'n-mɔ asu yê ɔ de eyuadi nun ati nguan ɔ.

23 Nwun yí ke mele bie le ba, mele sɔ nun a ju a yue bɔbɔ, mɔ bé mɔ be su Sɛ'n kpa'n, be 'su yí wawe nun nun ananhɔle nun. ɔ sanlin ke sɔ menian'n-mɔ yê Sɛ'n le kpɔndɛ ɔ.

24 Nyanmian Kpili ti wawe. Yí ti, bé mɔ be su yí'n, ɔ fata ke be su yí wawe nun nun ananhɔle nun.”

25 Zozi hanlin ehi a, balasua'n nwan: “Mín die, min si ke *Mesi'n, (defue'n mɔ *geleki anie nun anun be fele yí *Kilisi'n), ɔ 'ba a. Nan se ɔ ba a, ɔ 'ba hehele yé ninng'e'n kɔlaatin.”

26 Zozi nwan: “Kilisi'n y'ɔ le mín, mín mɔ min kan ejɔle'n min kele wɔ ewa'n.”

27 Ke Zozi anuan 'tɔ ala, yí menian'n-mɔ kɔ ju ebele. Mɔ be nwunlin ke ɔ nun balasua'n le juɔ'n, ɔ kɔ sin bé nwɔn kpa. Kusu bé bie fíi a nguala man yí bisa ke: “E 'se bala'n se?” Anaan: “Nzu ejɔle die yê e le kan kele yí ɔ?”

28 Ehi a, balasua'n kɔ yaci yí bua nun ebele ɔ kɔ hɔ kulo. ɔ kɔ hɔ kɔ bɔ kulo mma'n-mɔ amannie.

29 Yí nwan: “Ebia-mə, emə bála a nian, bian kún jin yé nan Zvakəbu sikala nún asu ebə. Ǿ'a han mín ninng'e'n mə mún yə'n kwalaa anwəwən ejəle Ǿ'a hele mún. Asu bian sə'n, nán Kilisi nún Ǿ?”

30 Ehi a, bé mə be tili ejəle sə'n kwalaa, be fi kulo ebəle be kə kpu Zozi.

31 Ǿ 'ba yə sə'n kusə, mə bala'n həli kulo Ǿ 'kə a bə kpay'e'n, Zozi menian'n-mə fələli yí a, bé nwan: “*Labi, di like!”

32 Zozi nwan: “N ne mún alie kún mə mún di Ǿ, alie sə'n, emə nzi man yí.”

33 Yí menian'n-mə tili yí sə a, be kə bisa bisa bé nwəwən ke: “Asu swanlan bie a be le yí like a li Ǿ?”

34 Ehi a, Zozi nwan: “Mín alie'n mə mún di'n yə le junman'n mə mún Si swanlan mún ke m mála n ní'n. Ǿ ti kpa ke mún yə yí ehulo like, yí ti, junman'n m'ə fal manlan mún'n, Ǿ fata ke mún di yí kwalaa maan Ǿ yue.

35 Emə die, emə nwan be gua bé ninng'e nún an, Ǿ di sala nnan nán b'a ti. Ǿ ti man sə? Nan mún die, mún kan mún kele emə ke emə tó bé nyin be nían ebo ehi-mə, sə ninng'e'n-mə kwalaa a tin, bé etie a ju.

36 Swanlan'n m'ə le ti ebo'n, b'a bə yí bu be le tua yí kale dada angwəmmún. Ebo nún asu ninng'e'n mə be le hohuan yí nwan nán Ǿ'a nze ci man'n, Ǿ ti ke menian mə be le fəle bé maan be nyan nyanmiansu ngwan m'ə le man ayuelie'n. Ǿ man swanlan'n m'ə yəli ebo'n, Ǿ nən swanlan'n m'ə le ti'n, bé munnyuan be di fə kún.

37 Be kan ke: ‘Swanlan kún yə ebo nán swanlan fufəle a ti.’ Ejəle sə'n, Ǿ ti ananhəle.

38 Nan mún die, mún kan mún kele emə ke, nán emə yé b'a li ebo nún asu junman Ǿ, menian nɔvəle

yê b'a li sɔ junman ɔ. Nan m'an sɔan emɔ ke emɔ hó fá sɔ alɛ.”

³⁹ ɔ nun Zozi anɔan mɔ ɔ 'tɔ ala, Samali menian'n-mɔ kɔ fite fite ebeɛ. Kemɔ balasua'n hanlɔn ke Zozi a han yí ninng'e'n m'ɔ yɔ'n kwalaa anwɔn ejɔɛ ɔ a hele yí'n, ɔ man Samali kulo nɔn asɔ menian dɔɔn leɔ Zozi lili.

⁴⁰ Ehi ati, mɔ Samali menian'n-mɔ walɔ Zozi anwɔn ebeɛ'n, be butɔli yí ke ɔ tánlan bé nwɔn ebeɛ kaan. Mɔ be hanlɔn sɔ'n, Zozi nɔn bé ngɔ su yí nwɔn akpɔɔwa, ɔ kɔ li ɛɛ nnyuan bé nwɔn ebeɛ.

⁴¹ ɔ fi ejɔɛ'n mɔ yí muonun ɔ le kan nɔn ati, ɔ man mmiekun-mɔ dɔɔn kɔ le yí kɔ li.

⁴² Mɔ be tɔli ejɔɛ'n mɔ Zozi ɛ kan'n, be kpeli bé nyɔn balasua nɔn anwɔn ɛɔ a, bé nwan: “Sian dɛɛ, nán wɔ ejɔɛ'n mɔ ɛ hanlɔn nɔn ati y'ɔ man y'a le y'a li ɔ, nan yé muonun y'a tɔ yí nɔan nɔn ejɔɛ. Y'a nwun yí ananhɔɛ ke ɔ tɔ mân'n Ngɔandefɔɛ sakpa.”

Zozi 'ba man abiliba kpili kɔn awa nɔn anwɔn sa

⁴³ Ehi, Zozi kɔ li cɔan nnyuan Sisaa ebeɛ, ɔ kɔ tu yí bɔ kɔ hɔ Galile mân nɔn.

⁴⁴ Zozi muonun fa kan ke, “Nyanmɔan *kpɔmanfɔɛ biala le man anyɔnnzɔ yí muonun yí kulo.”

⁴⁵ Nan kɔsɔ, sian'n m'ɔ hɔli juli Galile'n, ɛɔ menian'n-mɔ sɔli yí nɔn kanlanman. ɔ sanlɔn ke mɔ be 'di Zufɔ'n-mɔ fetɔ'n mɔ be fɛɛ yí *Pakɔ'n wɔ Zoluzalemɔn'n, bé mɔ be hɔli ɛɔ'n, be nwunlin ninng'e'n kwalaa mɔ Zozi yɔli yí fetɔ nɔn anun'n.

⁴⁶ Mɔ Zozi juli Galile mân nɔn anun'n, ɔ hɔli Kana kulo nɔn asɔ ɛɔ biekun, lika m'ɔ falɔ nzue kacili nzan'n. ɔ 'ba yɔ sɔ'n, anɔn bian kɔn wɔ Kapɛɛnawɔmɔn kulo nɔn asɔ. Bian sɔ'n tɔ Galile

mân nun asu belemgbin nun abılıba kpili kòn. Yí wa belenzua kòn a fùkè.

⁴⁷ Mò abılıba sò'n tılı kè Zozi fi Zude ɔ'a a Galile'n, ɔ kò a kò tɔ Zozi Kana ebele. Ɔ kò sele yí kè yí wa'n ka kaan wu, yí ti ɔ bála nán ɔ mán yí nwòn sá.

⁴⁸ M'ò hanlın sò'n, Zozi nwan: “Emò diè b'a nnwun man asinbenwòn ninngè ɔ nòn nzòlè angònmmın an, emò nne nni man.”

⁴⁹ Bian'n nwan: “Yé Mın ajo! Man ye hó, se a mma man an, mın wa'n 'ba wu.”

⁵⁰ Ehi a, Zozi nwan: “Kò awulo! Nán wó wa nın anwòn a sa.” Bian'n kò le Zozi anwan ejòlè sò'n m'ò hanlın'n kò li. Ɔ kò sa kò hò awulo.

⁵¹ Mò ɔ 'kò'n, ɔ nòn yí ngua'n-mò kò yia. Bé nwan: “Yé mın, wó wa nın anwòn a sa!”

⁵² Ejòlè'n kò sin bian nın anwòn, yí nwan: “E! Anın dɔe benin asu yê yí nwòn salı ɔ?”

Ngua'n-mò nwan: “Anúnman eyua kò yò dɔe kòn yê ebunnun'n fi yí nwòn tuli ɔ.”

⁵³ Ehi, bian'n nwunlin kè dɔe'n mò Zozi hanlın kè: “Kò awulo nán wó wa nın anwòn a sa.” Dɔe sò nın asu yê yí wa nın anwòn salı ɔ. Ɔ fi mèlè sò'n, ɔ nòn yí awulo amma'n-mò kɔalaa bè kò le Zozi bè kò li.

⁵⁴ Kè Zozi fi Zude mân nun ɔ salı walı Galile mân nun'n, yí kpê nnyuan asu m'ò yò asinbenwòn like m'ò ti nzòlè nın anın.

5

Zozi 'ba man bubuluwafɔe kòn anwòn sa

¹ Ehi anzin, cıan kòn anın Zufu'n-mò le di bé feti bie Zoluzalemòn elɔ. Zozi kò hò bie.

² Zoluzalemòn kulo'n, b'a le yí nwòn. Yí nwòn anwan'n kòn li Mmɔa Anwan. Anın nzubula kòn wò mmɔa anwan sò nın anwòn ebele. Nzubula sò'n bè

fɛɛ yí *ebele anɛ nɪn anun Betesada. B'a sisi yí nwɔn abalanda nnun (m'ɔ tɔ sɔ nnun'n ce nzubula nɪn anun nnyuan).

³ Nwuluwafɔɛ dɔvɔn kpa lɪla abalanda sɔ'n-mɔ anun. Anyinsinlinwafɔɛ, nɔvɔn bɛ mɔ be tia be tɔ sɔ, nɔvɔn bubuluwafɔɛ, bɛ kɔvalaa be lɪla ebɛɛ. (Bɛ lɛ nwɔvɔnndɛ kɛ nzubula'n bɔ mgbaha.

⁴ ɔ sanlɪn kɛ ɔ ju mɛɛ'n bie a, nyanmiansɔ bɔfɔɛ kɔvɔn ju nzue nɪn anun ɔ bɔ yí mgbaha. Sɛ ɔ yɔ sɔ a, wuluwafɔɛ m'ɔ kɔ li mɔa kɔ tɔ nun'n, anɪn yí nwɔn a sa.)

⁵ Nwuluwafɔɛ sɔ'n-mɔ anun kɔvɔn wɔ ebɛɛ, ewue a bɔ yí dede afɔɛ abulasan nɔvɔn mɔɔvɛ.

⁶ Zozi nɪan yí nna m'ɔ la nɪn an, anɪn ɔ'a nwun kɛ ewue'n bɔlɪ yí nán ɛnɛ bie ɔ. Ɛhɪ a, ɔ kɔ bisa yí kɛ: “Ɛ kulo kɛ wɔ nwɔn sa ɔ?”

⁷ Wuluwafɔɛ'n nwan: “Yɛmɪnlɪn, mɪn kulo kɛ mɪn nwɔn sa ɔ, nan kɔvɔvɔ n ne man sɔanlan fíí mɔ sɛ nzue'n bɔ mgbaha a, ɔ fa mɪn tɔ nun ɔ. ɔ nɔvɔn mɔ mɪn 'yɔ dede mɪn 'kɔ a tɔ nun'n, anɪn sɔanlan fɔfɔɛ a li mɔa a tɔ nun.”

⁸ Zozi nwan: “Jasɔ, fa wɔ ebɛɛ'n, nanndɪ kɔ.”

⁹ Ebɛɛ ala, bian nɪn anwɔn kɔ sa. ɔ nɪanlɪn ebɛɛ ɔ falɪ yí ebɛɛ nɪn ala, ɔ lɛ nanndɪ kɔ.

Zufɔvɔn-mɔ *ɛnwɔvɔnmɪan ele cɪan nɪn anun yɛ Zozi yɔlɪ like sɔ nɪn ɔ.

¹⁰ M'ɔ yɔlɪ sɔ'n, Zufɔvɔ mgbain'n-mɔ kɔ han kɔ hele bian'n mɔ yí nwɔn a sa'n kɛ: “Ɛnɛ tɪ ɛnwɔvɔnmɪan ele cɪan, mala'n ngele man kɛ ɛ sɔa wɔ ebɛɛ nɪn ɛnɛ. A tɔvɔn mala.”

¹¹ Bian'n nwan: “Sɔanlan'n mɔ ɔ'a man mɪn nwɔn a sa'n, yí nwan n jásɔ n vá mɪn ebɛɛ'n, n nánndɪ n gɔ.”

12 Bé nwan: “Nwan yê ɔ seli wó ke e fá wó ebe'e'n e ná'ndi'n?”

13 Bian'n nnwun man sɔanlan ehɔle kɔn'n m'ɔ manlin yí nwɔn salí'n, ɔ sanlin ke menian sunlin ebele nin ati, Zozi kɔ jasɔ ebele.

14 Ehi anzin, Zozi non yí kɔ yia Nyanmian awulo nin anun. Yí nwan: “Nian, sian di'e, wó nwɔn a sa, yí ti n'e yɔ e'te fíí kón nán munnzue m'ɔ tala ehunlinka a ndu man wó.”

15 Mɔ Zozi hanlin sɔ'n, bian'n kɔ hɔ kɔ tu Zufu mgbain'n-mɔ ɔ kɔ han kɔ hele bé ke Zozi y'ɔ manlin yí nwɔn salí ɔ.

16 ɔ fi mele sɔ'n yê Zufu mgbain'n-mɔ mantanlin Zozi ejjɛ ɔ. ɔ sanlin ke enwɔnmian ele cian yê Zozi yɔ ninng'e sɔ'n-mɔ ɔ.

17 Nan m'ɔ yɔli sɔ'n, Zozi kɔ han kɔ hele bé ke: “En'e non en'e, mín Si te di junman, mín kɔsu, mín sa wɔ junman nwɔn.”

18 Ejɔle kpɔle kɔnmgba ehi m'ɔ hanlin nin ati, sian di'e anin ehuan bɔbɔ yê Zufu'n-mɔ kpɔnnde ke be kun yí ɔ. Nán like'n mɔ ɔ'a yɔ yí enwɔnmian ele cian kɔnmgba nin ala ati ɔ, nan ese ɔ'a han ke yí Si y'ɔ le Nyanmian. Anin ɔ ti ke ɔ le kele yí nwɔn ke ɔ non Nyanmian se.

Zozi 'ba han yí tunmin nin anwɔn ejɔle

19 Zozi kɔ han kɔ hele Zufu mgbain'n-mɔ ke: “Mun kan yí ananhɔle mun kele emɔ ke Baa'n, ɔ mmɔ man yí ti anun ɔ nyɔ man like fíí. Like m'ɔ kɔ nwun ke Si'e'n le yɔ'n, yí bie y'ɔ yɔ ɔ. Like biala mɔ Si'e'n yɔ'n, Baa'n kɔsu yɔ bie.

20 ɔ sanlin ke Si'e'n kulo Baa'n yê ɔ'a hele yí ninng'e'n-mɔ kɔalaatin mɔ yí muonun ɔ yɔ'n. Si'e'n

'ba fa ninngɛ mgbili mmiekun-mɔ mɔ bɛ tala ɛhɪka maan ɔ yɔ. Sian'n, ɔ 'ba sin ɛmɔ anwɔn.

21 Nan kɛ menian'n-mɔ wu a, Siɛ'n tinngɛ bɛ ɔ man bɛ nyan ngvan'n, yɪ sɔ kɔsɔ ala, sɔanlan mɔ Baa'n kulo kɛ ɔ nyan ngvan'n, ɔ 'nyan ngvan.

22 Yê Siɛ'n mmua man sɔanlan fɪí ndɛɛ. Nan ɔ'a man Baa'n tunmin kɛ ɔ búa menian'n-mɔ ndɛɛ

23 nán menian'n-mɔ kɔalaa anyɪn a sɔ Baa'n kɛ bɛ nyɪn sɔ Siɛ'n. Sɔanlan mɔ yɪ nyɪn nzɔ man Baa'n, anɪn yɪ nyɪn nzɔ man Siɛ'n m'ɔ sɔanlɪn Baa'n.

24 “Mɪn kan yɪ ananhɔɛ mɪn keke ɛmɔ kɛ sɔanlan biala m'ɔ tie mɪn ɛjɔɛ'n mɔ ɛɛ ɔ de sɔanlan'n mɔ ɔ'a sɔan mɪn'n dɪ'n, sɔanlan sɔ'n, anɪn ɔ le nyanmiansɔ ngvan'n. Bɛ mmu man yɪ fɔɔ kón. ɔ fi ewue nun ɔ'a fite ngvan nun.

25 Mɪn kan yɪ ananhɔɛ mɪn keke ɛmɔ kɛ mɛɛ'n ɛ ba, mɛɛ sɔ nɪn a ju bɔbɔ, mɔ bɛ mɔ b'a wu'n, bɛ 'ba tɪ Nyanmian Awa nɪn anɪn'n. Nan bɛ mɔ bɛ kɔ tɪ yɪ nɪn'n, bɛ 'nyan nyanmiansɔ ngvan'n.

26 Kɛmɔ Siɛ'n muonun tɪ ngvan baka'n, ɔ'a man yɪ Wa'n kɔsɔ a kaci ngvan baka.

27 ɔ'a man Baa'n tunmin kɛ ɔ búa menian'n-mɔ ndɛɛ, ɔ sanlɪn kɛ ɔ tɪ *Mân Baa.

28 Nán bɛ man ɛhɪ sin bɛ nɔwɔn. ɔ sanlɪn kɛ mɛɛ'n ɛ ba mɔ bɛ mɔ b'a wu'n, bɛ 'ba tɪ yɪ nɪn'n bɛ fi bɛ sɛka'n-mɔ anɪn bɛ fite fite.

29 Bɛ mɔ bɛ bɔlɪ bala kpa'n, bɛ fi ewue nun bɛ 'tinngɛ bɛ nyan nyanmiansɔ ngvan m'ɔ le man ayuelɛ'n. Nan bɛ mɔ bɛ bɔlɪ bala ɛtɛ'n, bɛ fi ewue nun bɛ 'tinngɛ bɛ tua bɛ nyɔɪɛ ɛtɛ nɪn anwɔn kalɛ.

30 Mɪn mmɔ man mɪn tɪ anɪn mɪn nyɔ man like fɪí, yê mɪn ndɛɛ'n mɔ mɪn bua'n kɔsɔ, mɔ Nyanmian nwan m múa'n yê mɪn 'bua ɔ. Mɪn ndɛɛ ebua'n

tɪ fɔ́ón, ɔ sanlɪn kɛ mɪn mgbɔ́nnɛ man mɔ́ mɪn muonun mɪn kulo. Svanlan'n m'ɔ́ svanlɪn mɪn'n, m'ɔ́ kulo'n yê mɪn yɔ́ ɔ.

Ninngɛ mɔ́ bɛ di Zozi tunmin nɪn anwɔ́n adanzɛ'n

³¹ “Sɛ ɔ tɪ kɛ mɪn ngɔ́nmɪn yê mɪn di mɪn muonun mɪn nɔ́wɔ́n adanzɛ a, ahan mɔ́ mɪn kan'n, mɪn kɔ́wala mɪn sɛ kɛ nán bɛ bu yí ananhɔ́lɛ.

³² Nan svanlan fɔ́fɔ́lɛ y'ɔ́ di mɪn nɔ́wɔ́n adanzɛ ɔ. Yê mɪn sɪ kɛ mɪn nɔ́wɔ́n ejɔ́lɛ'n m'ɔ́ hanlɪn'n tɪ ananhɔ́lɛ.

³³ Emɔ́ yɪlɪ menian bɛ hɔ́lɪ *Zɔ́an anwɔ́n elɔ́, yí kɔ́sɔ ɔ́ lɪlɪ ananhɔ́lɛ nɪn anwɔ́n adanzɛ.

³⁴ Mɪn dɪɛ, mɪn mgbɔ́nnɛ man kɛ svanlan lí mɪn nɔ́wɔ́n adanzɛ. Nan mɪn kan ninngɛ sɔ́'n-mɔ́ anwɔ́n ejɔ́lɛ mɪn kele emɔ́ maan emɔ́ nyan ngɔ́van.

³⁵ Anɪn Zɔ́an tɪ kɛ kanlannɛ mɔ́ b'a sɔ́ m'ɔ́ lɛ ta ɔ. Emɔ́ hulɔ́lɪ kɛ bɛ 'tanlan yí jawe nɪn anɪn nán bɛ di fɛ mɛlɛ kaan.

³⁶ Nan mɪn dɪɛ, n ne adanzɛ kɔ́n biekun m'ɔ́ tala mɔ́ Zɔ́an lɪlɪ'n. Junman'n mɔ́ Sɪɛ nɪn a fa a man mɪn kɛ n ní mɔ́ mɪn di'n, junman sɔ́'n bɔ́bɔ́ di mɪn adanzɛ kɛ Sɪɛ'n yê ɔ́'a svan mɪn ɔ.

³⁷ Yê Sɪɛ'n kɔ́sɔ mɔ́ ɔ́'a svan mɪn'n, ɔ́ di mɪn nɔ́wɔ́n adanzɛ. Emɔ́ tɪlɪ man yí nɪn'n lé, ɛsɛ emɔ́ nwunlɪn man yí nɔ́wɔ́n lé.

³⁸ Kemɔ́ emɔ́ nne man svanlan'n mɔ́ Sɪɛ'n svanlɪn yí'n nni man'n, ɔ́ man emɔ́ nva man yí ejɔ́lɛ'n bɛ nzɛ man.

³⁹ Emɔ́ suan Nyanmɪan *Ehɛlɛ Ejɔ́lɛ'n sɛlɛ, afɪ emɔ́ jɔ́nɪn kɛ nɪn yê emɔ́ 'nyan nyanmɪansɔ́ ngɔ́van nɪn ɔ. ɔ́ tɪ ananhɔ́lɛ. Ehɛlɛ Ejɔ́lɛ'n kɔ́sɔ, mɪn nɔ́wɔ́n ejɔ́lɛ y'ɔ́ kan ɔ.

⁴⁰ Nan kɔ́sɔ emɔ́ ngulo man kɛ bɛ ba mɪn nɔ́wɔ́n nán bɛ nyan ngɔ́van.

41 “Mun mgbunnde man ke swanlan bó mún dunman kpa.

42 Afi mun si emò, mun si ke emò ngulo man Nyanmian.

43 Mún Si yê ò'a swan mún maan m'an a ò. Kusu emò ngulo man ke be de mún. Nan kusu se swanlan bie bò yí ti anun ba a, yí die emò de yí.

44 Emò ngulo man ke Nyanmian angunmin cein yí emò ayé. Nan emò kulo ke emò muonun yi bé nwon ayé. Ò 'yò se nán emò a le mún a lí?

45 Nan kusu, emò nán be junlin ke mun 'ba bu emò fò wò mún Si anyunnun. Nan *Moyizi mò emò a susu be ti b'a gua yí sv'n, yí yê ò 'bu emò fò ò.

46 Afi se ò ti ke emò leli *Moyizi lili sakpa a, ahan emò 'de mún kusu be di. Ò sanlin ke mún nwon ejòle yê *Moyizi heleli ò.

47 Nan se emò nne man ejòle'n mò Moyizi a hele'n nni man an, ò 'yò se nán emò a le mún ejòle nin a lí?”

6

Zozi 'ba fa kpawn nnun non ejue nnyuan

man menian akpu nnun di

(Matie 14.13-21, Maaki 6.30-44, Luku 9.10-17)

¹ Ehi anzin, Zozi kò sa kò hò Galile mân nin anun elò. Cian kùn ò kò kpè Galile asue kpili'n mò be fèlè yí biekun ke *Tibeliadi'n, ò kò hò yí nzin elò.

² Menian dòn kpa kò si yí sv, ò sanlin ke be nwonlin asinbenwon ninngè m'ò yòli manlin nwu-luwafvè'n-mò anwon sal'i'n.

³ Zozi non yí menian'n-mò kò fò kò tanlan bukà kùn asv.

4 Ɔ 'ba yɔ sɔ'n, anɪn Zufu'n-mɔ *Pakɪ elie'n ka kaan ju biegun.

5 Ehi a, be ti ebele kaan mɔ ɔ 'kɔ bie'n, Zozi 'tu yɪ nyɪn nian an, menian dɔvɔn kpa le ba yɪ nwɔn, nɔn ɔ'a bisa Filipu ke: "Filipu, ninhan yê ye 'nyan like ye to ye man menian nwala ehi di ɔ?"

6 Ɔ 'kan sɔ nɔn ɔ nɪan mɔ Filipu 'ba bua'n. Ɔ sanɪn ke yɪ muonun ɔ si like mɔ ɔ 'ba yɔ ɔ.

7 Filipu nwan: "Se bɔbɔ ye fa jete fufue mma eya nnyuan ye to kpaɔn an, ɔ nza man fɪi mɔ bé nun kɔn biala nyan sin kaan sɔa di ɔ."

8 M'ɔ Filipu anɔvan tɔli'n, Zozi menian'n-mɔ anun kɔn, be fele yɪ Andele m'ɔ ti Simɔvɔn Pɪeli anianman'n nwan:

9 "Kpafele kaan kɔn wɔ ewa, ɔ le *ɔlizɔ kpaɔn nnun nɔn ejue nnyuan. Nan kɔsvɔ menian nwala ehi, nzuke ye ɔ 'sa yɪ yɔ ɔ?"

10 Zozi nwan: "Emɔ mán menian'n-mɔ kwalaa tétanlan asɪ." Lɪka sɔ'n ti tetele kpa, ndile dɔvɔn kɔsvɔ wɔ ebele. Mɔ Zozi hanɪn sɔ'n, bé kwalaa be kɔ tetanlan asɪ. Bé mɔ be wali ebele'n, mmelenzua mɔ be wɔ bé nun'n, be ju kɔ yɔ akpu nnun.

11 Zozi kɔ fa kpaɔn nnun'n ɔ kɔ la Nyanmɪan asɪ ɔ kɔ hye kɔ man bé. Eɛe ɔ kɔ fa ejue nnyuan'n ɔ kɔ la Nyanmɪan asɪ biegun ɔ kɔ hye kɔ man bé. Sɔvanlan kɔn biala nyanɪn mɔ yɪ kunnun jɔ yɪ nwɔn ɔ lili.

12 Mɔ bé kwalaa be yuelɪ didi'n, Zozi kɔ han kɔ hele yɪ menian'n-mɔ ke: "Emɔ sɪsa yɪ bu'n mɔ ɔ'a ha'n, nɔn be ju fɪi be tu."

13 Ɔlizɔ kpaɔn nnun'n, be lili dede m'ɔ halɪ yɪ bu mɔ Zozi menian'n-mɔ sɪsali'n, ɔ ti ece mma bulu nɔn nnyuan.

14 Mɔ menian'n-mɔ nwunlin asinbenwɔn like'n mɔ Zozi yɔli'n, bɛ nwan: “Nyanmian *kpɔmanfɔɛ'n mɔ bɛ kan kɛ ɔ lɛ ba'n, sakpa, yɪ y'ɔ lɛ bian ɛhika.”

15 Mɔ Zozi nwunlin kɛ bɛ 'kpɔnnɛ bɛ fa yɪ bɛ sie bɛ belemgbin'n, yɪ ngɔnmɪn ɔ tɪli yɪ nwɔn ɔ hɔli bɔka nɪn asɔ ɛlɔ biekun.

*Zozi 'ba nanndɪ Galile asue nɪn anyɪnsɔ
(Matie 14.22-33, Maaki 6.45-52)*

16 Mɔ alɛ'n tɔli nun'n, Zozi menian'n-mɔ hɔli asue nɪn anwan ɛlɔ.

17 Bɛ kɔ fɔ ɛlɛɛ kɔn anun bɛ lɛ kpɛ asue'n bɛ kɔ Kapɛɛnawɔmɔn kulo nɪn asɔ. ɔ 'ba yɔ sɔ'n, anɪn alɛ nɪn a muan sɔ a yue, kɔsɔ Zozi a mma ndɔ man bɛ.

18 Anɪn asutue kɔsɔ lɛ tu sɛlɛ kpa.

19 Bɛ hanlɪn ɛlɛɛ'n bɛ hɔli dede kɔ yɔ cilo nnun anaan nsian'n, anɪn Zozi nanndɪ asue nɪn anyɪnsɔ ɔ lɛ ba bɛ nwɔn ɛbɛlɛ. ɛbɛlɛ ala, esulo kɔ han bɛ, bɛ jɔnlɪn kɛ like bie ɔ.

20 Nan m'ɔ walɪ dede m'ɔ ka kaan tɔ bɛ'n, yɪ nwan: “Mɪn ɔ, nɔn bɛ sulo.”

21 Sian'n m'ɔ hanlɪn sɔ'n, anɪn bɛ kulo kɛ bɛ fa yɪ ɛlɛɛ nɪn anun. ɛbɛlɛ ala, bɛ kɔ si asi, bɛ kɔ ju lɪka mɔ bɛ lɛ kɔ'n.

22 ɛhi, meninsɔnman'n mɔ bɛ halɪ asue nɪn anzin ɛlɔ'n nwunlin kɛ mɛlɛ mɔ Zozi menian'n-mɔ 'kpɛ asue'n, anɪn ɛlɛɛ kɔnmgbɔ cein yɛ ɔ si ɛbɛlɛ ɔ. Bɛ sɪ kɛ Zozi a nɔv man nun bie, yɪ menian'n-mɔ angɔnmɪn ala yɛ bɛ fɔli nun bɛ hɔli ɔ. Kɔsɔ mɔ alɛ hɪnlɪn'n, meninsɔnman'n 'ba ju a, anɪn Zozi nnɔn man ɛbɛlɛ.

23 ɛlɛɛ mmie-mɔ kɔsɔ fi Tibeliadɪ kulo nɪn asɔ, bɛ kɔ a kɔ sisi m'ɔ mantan lɪka mɔ yɛ Mɪn lalɪ Nyanmian asi, ɔ falɪ kpaɔn'n manlɪn meninsɔnman'n lili'n.

24 Nan mɔ meninsɔnman'n nwunlin ke Zozi nɔn yí menian'n-mɔ nnɔn man ebɛɛ'n, bé kusɔ bɛ kɔ fa ɛɛɛ sɔ'n-mɔ bɛ kɔ hɔ Zozi ekpɔnnde Kapɛɛnawɔmɔn.

Zozi yê ɔ ti kpavɔn m'ɔ man

bɛ nyan nyanmiansɔ ngɔvan nɔn ɔ

25 Menian'n-mɔ kɔ hɔ kɔ tɔ Zozi asue nɔn ebue kɔn ɛɔ Kapɛɛnawɔmɔn kulo nɔn asɔ, bé nwan: “Labi, ɛ juli ɛwa cian benin?”

26 Zozi nwan: “Mun kan yí ananhɔɛ mɔn kele ɛmɔ ke nán ke asinbenwɔn ninngɛ'n mɔ ɛmɔ ti yí bu nɔn ati yê ɛmɔ le kpɔnnde mɔn ɔ. Nan kpavɔn'n mɔ ɛmɔ a lí dede bé kv a yí'n, yí ti yê ɛmɔ le kpɔnnde mɔn ɔ.

27 Alie'n m'ɔ sɛci'n, ɛmɔ nán bɛ di yí nwɔn junman. Nan ɛmɔ lí alie'n m'ɔ man bɛ nyan ngɔvan m'ɔ le man ayuelie nɔn anwɔn junman. Alie sɔ'n, *Mân Baa'n yê ɔ fa man ɔ. Yí yê Siɛ Nyanmian Kpili a man yí atɔn ke ɔ fá alie sɔ'n mán mán nɔn ɔ.”

28 Bé nwan: “Nzu yê ye 'yɔ nán y'a li junman mɔ Nyanmian kulo ɔ?”

29 Zozi nwan: “Junman'n mɔ Nyanmian kulo ke ɛmɔ di'n y'ɔ le ke ɛmɔ lé sɔanlan'n mɔ ɔ'a sɔan yí'n bɛ lí.”

30 Bé nwan: “Nzuke asinbenwɔn like diɛ yê ɛ 'yɔ maan ye nwun yí nán y'a le wɔ y'a li ɔ? Nzu junman diɛ yê ɛ kɔala yí di ɔ?”

31 Daba, ɛwâ nɔn anun ɛɔ, yé nannan-mɔ lili *mannan ke Eheɛ Ejɔɛ'n kan yí'n. Yí nwan: *Ɔ'a man bé nyanmiansɔ kpavɔn b'a lí.*”

32 Zozi nwan: “Mun kan yí ananhòle mun kele emò ke, krau'n mò *Moyizi falí manlín emò anan-mò'n, nán nyanmiansu krau'n kpa nún ò. Nan nyanmiansu krau'n kpa'n y'ò le mò mín Sì le fa man emò'n.

33 Ɔ sanlín ke, krau'n kpa'n mò Nyanmian fa man menian'n-mò'n y'ò le sɔanlan'n m'ò fi nyanmiansu ò'a ju así m'ò man mân'n nyan nguan'n.”

34 Ehi a, bé nwan: “Yemínlín, anún fa krau'n sò'n bie man yé cian daa e.”

35 Zozi nwan: “Krau'n m'ò man be nyan nyanmiansu nguan'n y'ò le mín. Sɔanlan biala m'ò kò a mín nwɔn'n, ehòe ngun man yí lé. Yê sɔanlan biala m'ò kò le mín kò li'n, nzuhoe ngun man yí lé.

36 Nan m'an han m'an hele emò, emò a nwun mín, kusú afí emò nne man mín nni man.

37 Sɔanlan biala mò Sié'n kò fa yí kò man mín'n, ò 'ba mín nwɔn. Yê sɔanlan biala m'ò kò a mín nwɔn'n, cian bie lé, mín nyí man yí.

38 Ɔ sanlín ke n vi nyanmiansu m'an mma man ke mún 'ba yò like mò mún kulo ò. Nan m malí ke mún 'ba yò like mò sɔanlan'n mò ò'a sɔan mín'n kulo'n.

39 Like mò sɔanlan'n mò ò'a sɔan mín'n kulo'n y'ò le ke bé mò ò'a fa bé ò'a man mín'n fíí n'ò minlín mín sa nun. Nan cian m'ò li sian nun anún, n dínge bé fi ewue nun maan be nyan nyanmiansu nguan m'ò le man ayuelié'n.

40 Like mò Sié'n kulo'n y'ò le ke bé kwalaa mò be kò nwun Baa'n mò be kò le yí be kò li'n, be nyán nyanmiansu nguan'n. Eɛe cian m'ò li sian nun anún, n dínge bé maan be fi ewue nun be jásu.”

41 Mò Zozi hanlín sò yueli'n, Zufu'n-mò kò fe yí nwɔn eya, be le jujó yí bé konvin abu ke yí nwan:

“Kpaɔn'n m'ɔ fi nyanmiansɔ'n y'ɔ le mɪn”.

⁴² Bé nwan: “Zozɪ sɔ'n muonun, nán Zozɛfɔ awa dɪɛ nɪn ɔ? Yɛ sɪ yí sɪ nɔn yí nɪn. Yê ɔ yɔ sɛ m'ɔ kan kɛ ɔ fi nyanmiansɔ yê ɔ'a ju ɔ?”

⁴³ Zozɪ nwan: “Ɛmɔ yáci bé konvin abɔ ɛjɔjɔlɛ'n.

⁴⁴ Sɛ ɛmɔ nwun kɛ sɔanlan kɔn lɛ ba mɪn nwɔn an, anɪn Sɪɛ'n mɔ ɔ'a sɔan mɪn'n y'ɔ nɔn yí a a ɔ. Mɪn kɔsɔ cɪan m'ɔ li sɪan nɪn anɪn, mɪn 'tɪnge yí maan ɔ fi ewue nun jasɔ.

⁴⁵ Afɪ b'a hɛlɛ wɔ Nyanmɪan mgbɔmanfɔɛ'n-mɔ kalata nɪn anɪn kɛ: *Nyanmɪan 'ba hehele menian'n-mɔ kwalaa nɪnge*. Yí sɔ atɪ, sɔanlan biala m'ɔ kɔ tie Sɪɛ'n kɔ fa yí atɪn dɪɛ nɪn asɔ'n, ɔ 'ba mɪn nwɔn.

⁴⁶ Nán kɛ sɔanlan bie a nwun Sɪɛ'n lé ti ɔ, nan sɔanlan'n m'ɔ fi Nyanmɪan anwɔn ɛlɔ ɔ'a ju'n, yí ngɔnmɪn ala yê ɔ'a nwun Sɪɛ nɪn ɔ.

⁴⁷ Mɪn kan yí ananhɔlɛ mɪn keke ɛmɔ kɛ sɔanlan biala m'ɔ kɔ le mɪn kɔ li'n, ɔ 'nyan ngɔan m'ɔ le man ayuelɛ'n.

⁴⁸ Ɔ sanlɪn kɛ alɛ mɔ bɛ di a, bɛ nyan ngɔan'n y'ɔ le mɪn.

⁴⁹ Kɛ ɛmɔ anan-mɔ lili mannan nɪn ɛwâ nɪn asɔ ɛlɔ'n, anɪn bɛ halɪ ɛbɛlɛ ɔ? Ɔ yɔlɪ dede bé kwalaa bɛ yuelɪ wu.

⁵⁰ Nan kpaɔn'n m'ɔ fi nyanmiansɔ'n dɪɛ, sɔanlan m'ɔ kɔ li bie'n, ɔ nwu man lé.

⁵¹ Ngɔan kpaɔn kpa'n m'ɔ fi nyanmiansɔ'n y'ɔ le mɪn. Sɔanlan m'ɔ kɔ li kpaɔn sɔ'n bie'n, ɔ le ngɔan cɪan daa. Kpaɔn'n mɔ mɪn 'fa mɪn man'n y'ɔ le mɪn nwɔnnaan'n. Mɪn 'fa mɪn man maan mân nɪn anɪn menian'n-mɔ nyan ngɔan.”

⁵² Ɛjɔlɛ sɔ'n m'ɔ hanlɪn nɪn anwɔn, Zufɔ'n-mɔ kɔ su akpɔlɔwa kpɪlɪ kpa bé afɪan ɛlɔ, bé nwan:

“Nan sʋanlan ehi muonun, ɔ 'yɔ se nán ɔ'a fa yí nwɔnnaan'n ɔ'a man y'a li?”

53 Zozi nwan: “Mun kan yí ananhɔle mun kele emɔ ke se emɔ a nni man *Mân Baa nun anwɔnnaan'n, ese se emɔ a nnɔn man yí moja nun an, anin emɔ le man ngʋan.

54 Sʋanlan m'ɔ kɔ li mín nwɔnnaan'n, m'ɔ kɔ nun mín moja'n, ɔ le nyanmiansɔ ngʋan m'ɔ le man ayuelie'n, ese cian m'ɔ li sian nun anun, mun 'tingge yí maan ɔ fi ewue nun ɔ jasɔ.

55 Afɪ emɔ nwún yí ke, alie kpa'n y'ɔ le mín nwɔnnaan'n yê nzan kpa'n y'ɔ le mín moja'n.

56 Sʋanlan m'ɔ kɔ li mín nwɔnnaan'n, mɔ ese ɔ kɔ nun mín moja'n, anin ɔ nun mín ti, mín kusɔ, mun nun yí ti.

57 Kemɔ Siɛ'n mɔ ɔ'a sʋan mín'n ti asɪ mɔ yí dunman nun yê mín kusɔ n di asi'n, yí sɔ kusɔ ala, sʋanlan m'ɔ kɔ li mín nwɔnnaan'n, mín dunman nun, ɔ 'nyan ngʋan.

58 Kpaʋn'n m'ɔ fi nyanmiansɔ'n, ke ɔ ti yí nun anin. ɔ ti man ke mɔ emɔ anan-mɔ lili be wuli'n. Sʋanlan m'ɔ kɔ li kpaʋn sɔ'n, ɔ 'nyan ngʋan ɔ tanlan asɪ dahuu.”

59 Temɔn mɔ Zozi 'kan ejɔle ehi-mɔ ɔ kekele menian'n-mɔ ninng'e'n, anin ɔ wɔ Kapɛɛnawɔmɔn, Zufɔ'n-mɔ asɔnin sua nun anun.

Zozi menian'n-mɔ dɔʋn 'bayaci yí tv

60 Mɔ Zozi menian'n-mɔ dɔʋn tɪli yí ejɔle'n m'ɔ hanlɪn'n, bé nwan: “Hei! Ejɔle ehi diɛ ɔ yɔ sɪ o! Nwan sʋanlan diɛ yê ɔ kʋala sɔ di ɔ?”

61 Mɔ Zozi nwunlin ke ehi anwɔn yê yí menian'n-mɔ le jɔjɔ bé konvin abɔ'n, yí nwan: “Yí ti, ehi yɔ sɪ man emɔ ɔ?”

62 Nan anun se cian bie emə nwun ke *Mân Baa'n le fu kə lika m'ə fi wali nin an, yí dié, emə 'yə bé nwun se?

63 Nyanmian Wawε'n yê ə man be nyan ngvan ə. Anwənnaan'n tɪ man like fí. Ejəle'n mə m'an han m'an hele emə'n, ə keke ke be kpɪn be nyan Nyanmian Wawε'n ə nɔn nyanmiansv ngvan'n.

64 Nan kʊsv emə anun mmie-mə nne nni man.” Zozi hanlɪn ke menian'n mmie-mə nne nni man, ə sanlɪn ke mə ə 'bə yí junman nin abv'n, ə sɪ menian mə be nne be nni man'n, εse ə sɪ svanlan'n mə ə 'kpe yí nwun atɪn maan be cɪ yí'n.

65 Mə Zozi hanlɪn sə yueli'n, εse yí nwan: “Ehɪka atɪ, svanlan biala mə mín Sɪ a nyɪ man yí ke ə bála mín nwun'n, ə ngvəla man mín nwun ba.”

66 Ɔ fi ebɛɛ, yí menian'n mmie-mə dəvɔn yacili yí tɔlɪ, b'a nzi man yí sv kón.

67 M'ə yəli sə'n, nán Zozi a bisa yí menian bulu nɔn nnyuan'n ke: “Nan emə lɪlɪ, emə dié be ngə man?”

68 Ke Zozi anvan 'tə ala, Simvɔn Pɪɛlɪ kukuli yí nvan sv a, yí nwan: “Yé Mɪn, anun nwan svanlan dié anwəvɔn yê ye 'kə ə? Wó yê wó nvan ejəle'n man be nyan nyanmiansv ngvan m'ə le man ayuelɛ nin ə.

69 Yé dié ye de wó ye di, εse y'a nwun ke Svanlan Nwanzan-nwanzan'n mə Nyanmian a svan yí'n y'ə le wó.”

70 Mə Simvɔn Pɪɛlɪ hanlɪn sə yueli'n, Zozi nwan: “Emə menian bulu nɔn nnyuan'n, asv nán mín yê n vɛɛlɛ emə ə? Nan kʊsv emə anun kɔn tɪ busvəfve.”

71 Svanlan sə'n mə Zozi le kan yí ejəle'n y'ə le Simvɔn Isikaliəti awa Zudasɪ mə cian bie ə 'yɪ Zozi man'n. Zudasɪ sə'n tɪ Zozi menian bulu nɔn nnyuan nin anun kɔn.

7

Zozi anianman'n-mə nne man yí be nni man

¹ Ehi anzin, Zozi kə hə mgbanza Galile mân nun anun kulo'n-mə asu. Mgbanza sə nun anun, ə'a nju man Zude mân nun, ə sanlin ke elə Zufu mgbain'n-mə le kpɔndɛ yí kun yí.

² Nan kemə anin Zufu'n-mə *Kpato Bu Fetɪ'n ka kaan ju'n,

³ yí nianman'n-mə nwan: “Zozi, jasɔ ewa kə Zude maan wó menian'n-mə mə be wə elə'n, bé kɔsu be nwún wó junman'n mə ε le di'n.

⁴ Svanlan m'ə kulo ke menian'n-mə nwun yí junman'n m'ə di'n, ə nni man yí nvialie nun. Ke wó lili ε di junman sva'n, kə li yí elə maan mân'n kwalaa nwún wó.”

⁵ Bɛ le kan sə'n, afi yí nianman'n-mə muonun, be nne man yí be nni man.

⁶ Zozi nwan: “Mín diɛ, mín meɛ diɛ kpa'n juli man, nan emə diɛ, meɛ kwalaa ti kpa man emə.

⁷ Emə diɛ, menian'n-mə ngwala man ke be kpə emə, nan mín diɛ, be kpə mín. Afi min kan ke bé nyɔliɛ'n ti etɛ.

⁸ Emə hó, be hó li fetɪ'n, nan mín diɛ, min nni man fetɪ sə'n bie. Ɔ sanlin ke mín meɛ diɛ kpa'n juli man.”

⁹ Ke ə hanlin sə heleli bé yueli'n, ə kə ha Galile.

Zozi 'ba hə Zoluzalemvɔn Kpato Bu Fetɪ nun avɔ

¹⁰ Mə Zozi anianman'n-mə həli fetɪ elie'n, sian'n yí kɔsu ə kə kpɔ bé. Nan kɔsu ə fiaki. Ɔ'a nyi man yí nwɔn ə'a ngele man menian'n-mə kwalaaatin.

11 Mɔ be 'di feti'n, anin Zufu mgbain'n-mɔ le kpɔ̀ndɛ yí. Eɛe anin be le bisa bisa: “Ɔ wɔ nin? Ɔ wɔ nin?”

12 Meninsɔnman nin anin, anin be le su yí nwɔn akpɔ̀bwa. Mmie-mɔ nwan: “Ɔ ti sɔanlan kpa.” Mmie-mɔ kɔsɔ nwan: “Cɛɛɛ, nán sɔanlan kpa ɔ, ɔ le laka laka menian'n-mɔ.”

13 Nan kɔsɔ kemɔ be sulo Zufu mgbain'n-mɔ nin ati, be ngɔala man yí jawe nun kan.

14 Mɔ be lili feti'n dede mɔ ɔ 'kɔ yí afian'n, Zozi kɔ hɔ Nyanmian awulo nin anin ɔ le kɔ a hehele menian'n-mɔ ninngɛ.

15 Yí like'n m'ɔ le keke'n kɔ sin Zufu'n-mɔ anwɔn, bé nwan: “Bian ehi mɔ ɔ'a ngɔ man sukulu fíí'n, ɔ yɔ se mɔ ɔ sɔ kalata kpili sɔa ɔ?”

16 Zozi nwan: “Ninngɛ'n mɔ mun kekele emɔ ewa'n, nán mín muonun mín ti anin ninngɛ yê mun kekele emɔ ɔ, nan ɔ fi sɔanlan'n mɔ ɔ'a sɔan mín nin elɔ.

17 Sɔanlan m'ɔ kulo ke ɔ yɔ like mɔ Nyanmian kulo'n, se ninngɛ'n mɔ mun keke'n fi Nyanmian elɔ a, anaan ɔ ti mín muonun mín ti anwɔn ninngɛ a, ɔ kɔala ɔ nwun yí.

18 Sɔanlan m'ɔ kan yí muonun yí nwɔn ejɔle'n, anin ɔ le kpɔ̀ndɛ yí muonun yí aninminnyanmɔn. Nan nunhan m'ɔ kpɔ̀ndɛ sɔanlan'n m'ɔ sɔanlan yí nin aninminnyanmɔn'n, sɔanlan sɔ'n, ɔ ti sɔanlan kpa. Ɔ nni man ato fíí.

19 *Moyizi yê ɔ falɔ mala'n manlan emɔ ɔ. Ɔ ti man sɔ ɔ? Kɔsɔ emɔ anin kɔn bɔbɔ nni man mala sɔ nin asɔ. Nzu ati yê emɔ kulo ke be kun mín ɔ?”

20 Meninsɔnman'n nwan: “Wó, e ti man sɔanlan kpa fififi, e le baye! Nwan yê ɔ kulo ke ɔ kun wó ɔ?”

21 Zozi nwan: “Like kɔnmgba cein ehi mɔ m'an yɔ'n, ɔ'a sin emɔ anwɔn. Ejɔle sɔ nun a lɔ emɔ ngasi. Cian daa emɔ bɔ sɔ.

22 Emɔ tíe, Moyizɪ a man emɔ mala ke be kpé mmelenzua'n-mɔ mmian nun. Sakpa kɔsɔ, mmelenzua mmian nun ekpe sɔ'n, emɔ anan-mɔ yɔ yí daba yí nzin nán b'a wɔ Moyizɪ. Kemɔ emɔ kulo ke be di mala sɔ nun asɔ nun ati, *enwɔnmian ele cian'n bɔbɔ, emɔ kpe mmelenzua'n-mɔ mmian nun.

23 Ke ɔ kɔ yɔ nán emɔ a nɔn man Moyizɪ mala nun ati, enwɔnmian ele cian'n muonun emɔ kpe mmelenzua'n-mɔ mmian nun. Nan se emɔ kpe mmelenzua mmian nun enwɔnmian ele cian nun an, anin nzu ati yê, se m'an man kulo sɔanlan dasannin kɔn anwɔn a sa enwɔnmian ele cian nun an, anin emɔ fe mín nwɔn eya sɔa ɔ?

24 Emɔ nán be nian sɔanlan anyunnun be bua yí ndeε, nan emɔ búá ndeε ananhɔle nun.”

Menian'n-mɔ 'ba bisa bisa bé nwɔn

se Zozi yê ɔ ti Kilisi nun an

25 Ehi, anin Zoluzalemɔn ebele menian mmie-mɔ le kan ke: “Sɔanlan'n mɔ yé mgbain'n-mɔ le kpɔndε yí be kun yí'n, nán yí ahi?

26 Be nían ke ɔ le jɔjɔ menian'n-mɔ anun ewa ɔ, kɔsɔ be nze man yí sa fíí. Asɔ yé mgbain'n-mɔ a nwun yí ananhɔle ke yí y'ɔ le *Kilisi'n, sɔanlan'n mɔ ɔ 'ba le yé ti nun ɔ?

27 Bian ehi dɪε, ye sɪ lika m'ɔ fi ɔ. Kɔsɔ bé nwan Kilisi'n dɪε, se ɔ 'ba a, sɔanlan fíí nnwun man lika m'ɔ fi'n.”

28 Yí sɔ ati, mɔ Zozi 'kekele bé ninnge wɔ Nyanmian awulo nun anun'n, ɔ kɔ tian nun, yí nwan: “Asɔ emɔ jɔnlɪn ke emɔ sɪ mín εε emɔ sɪ lika

mə n vi'n sakpa ɔ? Nán mín ti anwɔn atɔn yê m'an a ɔ, nan sɔanlan'n m'ɔ sɔanlɔn mín'n ti ananhələfɔe. Kɔsɔ emə nzi man yí.

²⁹ Mín diɛ mɔn si yí, ɔ sanlɔn kɛ n vi yí nwɔn ebɛlɛ yê m'an a ɔ. Yí dein yê ɔ sɔanlɔn mín ɔ.”

³⁰ Mə Zozi hanlɔn sɔ'n, bɛ 'kɔɔnndɛ kɛ bɛ ci yí ebɛlɛ ala. Nan sɔanlan fíi a ngɔala man yí ci, ɔ sanlɔn kɛ anɔn yí dɔɛ'n juli man.

³¹ Nan kɔsɔ meninsɔnman nɔn anɔn, menian dɔɔn lelɔ yí lili. Bɛ nwan: “Cɔan mə Kilisi'n kɔ a'n, asɔ ɔ 'yɔ asinbɛnwɔn ninngɛ m'ɔ tala sɔanlan ɛɔi diɛ'n-mə ɔ?”

Bɛ 'ba yi nzalafɔ'n-mə kɛ bɛ hó hyí Zozi

³² ɛɔi, Zozi anwɔn ɛjɔlɛ'n mə anɔn bɛ lɛ kɔkan yí nhun nhun menian nɔn anɔn'n, *Falisifɔe'n-mə tɔli yí kɔalaa. Nyanmɔan *tɛɛyifɔe mgbain'n-mə nɔn Falisifɔe'n-mə kɔ yi Nyanmɔan awulo nɔn anɔn nzalafɔ'n-mə kɛ bɛ hó hyí Zozi.

³³ Mə nzalafɔ'n-mə hɔli juli Zozi anwɔn ɛlɔ'n, yí nwan: “Mɔn nɔn emə yɛ 'tanlan mɛlɛ kaan biekun kɔalaaka nán m'an hɔ sɔanlan'n m'ɔ sɔanlɔn mín nɔn anwɔn ɛlɔ.

³⁴ Emə 'ba kɔɔnndɛ mín, nan kɔsɔ, emə ngɔ nwun man mín. ɔ sanlɔn kɛ lika mə mɔn 'ba hɔ'n, emə ngɔ hɔala man ɛlɔ kɔ.”

³⁵ Zufɔ'n-mə lɛ bisa bisa bɛ nwɔn kɛ: “Anɔn ninhan lika diɛ yê ɔ 'ba hɔ dede mə yɛ kɔɔnndɛ yí a, yɛ nnwun man yí ɔ? Asɔ ɔ 'ba tɔa Zufɔ'n-mə mə b'a tɔ b'a sanndɔ bɛ mə bɛ ti man Zufɔ'n mɔn nun'n nán ɔ kekele bɛ mə bɛ ti man Zufɔ'n ninngɛ anaan?”

³⁶ Afɔ yí nwan: ‘Emə 'ba kɔɔnndɛ mín, nan kɔsɔ, emə ngɔ nwun man mín. ɔ sanlɔn kɛ lika mə mɔn

'ba hɔ'n, ɛmɔ ngɔ hɔwala man ɛlɔ kɔ.' Ejɔlɛ ɛhɪ mɔ ɔ'a han'n, yɪ bu kele sɛ?"

Zozi 'ba han ngɔvan nzue nun anwɔn ejɔlɛ

³⁷ Zufu'n-mɔ fetɪ sɔ'n kɔsɔ, cɪan m'ɔ li sian'n yê ɔ tɪ fetɪ'n cɪan kpili kpa nun ɔ. Cɪan sɔ'n, Zozi jasɔli jinlanlun menian'n-mɔ kɔwala afian an, yɪ nwan: "Sɔwanlan mɔ nzuhɔe lɛ kun yɪ'n, ɔ bɔla mɪn nɔwɔn ɔ bɔla a nun nzue.

³⁸ Kɛ ɛhɛlɛ Ejɔlɛ'n kan yɪ'n, biala m'ɔ kɔ le mɪn kɔ li'n, ngɔvan nzue fufɔlɛ fi yɪ ahɔnlun nun anun ɔ 'sɪn wa wa wa."

³⁹ Ngɔvan nzue sɔ'n mɔ Zozi lɛ kan yɪ ejɔlɛ ɛwa'n y'ɔ le Nyanmɪan Wawɛ'n mɔ sɔwanlan biala m'ɔ kɔ le yɪ kɔ li nun asa 'kan yɪ'n. Yɪ tɛmɔn sɔ nun anun, anɪn sɔwanlan fɪɪ asa hanlun man Wawɛ'n bɔbɔ. ɔ sanlun kɛ anɪn bɛ wulali man Zozi anunminnyanmɔn.

⁴⁰ Mɔ Zozi hanlun sɔ yueli'n, meninsɔnman'n kɔ bu bɛ nɔwɔn nun. Mmie-mɔ nwan: "Bian ɛhɪ tɪ Nyanmɪan kpɔmanfɔɛ'n sakpa."

⁴¹ Mmie-mɔ kɔsɔ nwan: "Kilisi nun ɔ!"

Mmiekun-mɔ kɔsɔ nwan: "Heei! Anɪn, Galile mɔn nun yê Kilisi'n fi 'fite ɔ?"

⁴² ɛhɛlɛ Ejɔlɛ'n kan kɛ Kilisi'n, ɔ 'yɔ *Davidi abusuan nun anun sɔwanlan, ɔ fi Betelehɛmɔn, Davidi kulo nun asɔ."

⁴³ Kɛ ɔ yɔli mɔ Zozi dunman nun, meninsɔnman'n buli bɛ nɔwɔn nun nun anɪn.

⁴⁴ Mmie-mɔ kɔsɔ dɪɛ, anɪn bɛ lɛ kpɔndɛ yɪ bɛ cɪ yɪ, nan kɔsɔ sɔwanlan fɪɪ a ngɔwala man yɪ sa fa kan yɪ.

⁴⁵ Kɛ ɔ yɔli sɔ'n, nzalafu'n-mɔ kɔ sa kɔ hɔ Nyanmɪan tɛɛyɪfɔɛ'n-mɔ nun Falisɪfɔɛ'n-mɔ anwɔn

elɔ. Ke be 'ju ebele ala, mgbain'n-mɔ nwan: “Ɔ yɔ se mɔ emɔ a nji man yí a mma man ɔ?”

⁴⁶ Nzalafu'n-mɔ nwan: “Ejɔle'n m'ɔ kan'n, nyanmunsemun, ke ye wɔ ewa'n, swanlan fíí hanlin man bie lé.”

⁴⁷ Falisifue'n-mɔ nwan: “Yí ti, emɔ kusɔ, emɔ a man ɔ'a laka emɔ bie ɔ?”

⁴⁸ Asu ye mgbain'n-mɔ nunhan kun anaan Falisifue'n-mɔ nunhan kun leli yí ɔ lili man ɔ?

⁴⁹ Meninsunman ehɪ, bé die be nzi man *Moyizi mala'n, be ti menian mɔ b'a bɔ bé sasan!”

⁵⁰ Falisifue sɔ'n-mɔ mɔ be yialɪ ebele'n, Ninkodemun m'ɔ wali toli Zozi cian kun kongɔe'n, anin ɔ wɔ bé nun bie.

⁵¹ Yí nwan: “Yé mala nun anun, swanlan mɔ be nwunlin man like mɔ ɔ'a yɔ'n, be mmua man yí ndeε ke ɔ di fuɔ ɔ.”

⁵² Ejɔle sɔ'n mɔ Ninkodemun hanlin'n ngɔ yɔ man bé fe. Ehɪ a, bé nwan: “Yí ti, wɔ kusɔ wɔ ε ti Galile swanlan? Swan Ehele Ejɔle'n nán ε 'ba nwun ke Nyanmian kpɔmanfue fíí fi man Galile.”

[
⁵³ Ke ɔ yɔli sɔ'n, ehɪ jasɔ a, anin cuein ɔ'a hɔ yí awulo, ehɪ jasɔ a, anin cuein ɔ'a hɔ yí awulo.

8

Zozi nun balasua'n m'ɔ tunlin aja'n

¹ Ehɪ, Zozi fi Nyanmian awulo nun anun, ɔ kɔ fite kɔ hɔ *Olivu buka nun asu.

² Yí alíe hunlin, ngelemɔ tutun'n, Zozi kɔ sa kɔ hɔ Nyanmian awulo elɔ biekun. Ke ɔ 'wɔlv ebele ala, meninsunman'n kɔ hyun kɔ kpunnge yí. Zozi kɔ tanlan asɪ ɔ le kekele bé ninnge.

3 Ɔ wɔ ebele kaan an, Nyanmian mala nun asu mgbain'n-mɔ nun *Falisifue'n-mɔ nun balasua kun kɔ a kɔ tu yí. Balasua sɔ nun a tun aja. Be kɔ fa yí be kɔ sie menian'n-mɔ kwalaa anyunnun ebele.

4 Bé nwan: “Kpain, balasua ehi a tun aja. Be 'kɔ ju a, anin ɔ nun belenzua kun la.

5 *Moyizi kusu hanlin wɔ yé mala nun anun ke mmalasua sva-mɔ, ye tútu bé ebue ye hún bé. Nan wɔ kusu, wɔ nwan nze?”

6 Be 'kan sɔ be tetie yí nwan nun nán be jinlan su be se ke ɔ'a yɔ ete.

Mɔ be 'bisa kosuan sɔ'n, anin Zozi a si yí ti así. Ɔ le yí sa'n ɔ le kekele asie nun anwɔn.

7 Kemɔ anin be te bisa yí kosuan'n, Zozi kɔ kuku yí ti su, yí nwan: “Emɔ nunhan kun m'ɔ yɔli man ete lé'n, ɔ lí mva ɔ tú ebue bó balasua ehi.”

8 Ke ɔ hanlin sɔ yueli'n, ese ɔ kɔ si yí ti así biekun ɔ le kekele asie nun anwɔn.

9 Bé mɔ be nun balasua'n wali'n, ke be tili ejɔle sɔ'n, bé mgbain o, bé mgbafele o, bé kwalaa be kɔ yaci balasua nun ebele be kɔ hɔ. Balasua nun angɔnmɔn kɔ ha Zozi anwɔn ebele.

10 Zozi kɔ kuku yí ti su ɔ kɔ bisa balasua'n ke: “Balasua, menian'n-mɔ wɔ nin? Svanlan fíí a ndua man wɔ ete nun anwɔn kale ɔ?”

11 Balasua'n nwan: “Mín mɔn, svanlan fíí a nze man mín sa.”

Zozi nwan: “Se svanlan fíí a nze man wɔ sa a, mín kusu mɔn nze man wɔ sa fíí. Yí ti, kɔ, nan kusu n'ε yɔ ete fíí kún.”]

Mân nun anun kanlannɛ'n y'ɔ le Zozi

12 Anin Zozi te wɔ Nyanmian awulo nun anun ebele. Ɔ kacili yí nyin bagua nun anwɔn elɔ

biekun an, yí nwan: “Mân'n kanlannɛ'n y'ɔ le mɪn. Sɔanlan m'ɔ kɔ si mɪn sɔ'n, ɔ nnanndɪ man awosin nun lé, nan ɔ 'nyan kanlannɛ'n m'ɔ man ngɔan'n.”

13 *Falisifvɛ'n-mɔ nwan: “Wɔ muonun ɛ ɛ di wɔ nwɔn adanzɛ, yí sɔ ati wɔ ejɔɛ'n mɔ ɛ ɛ kan'n ti ato.”

14 Zozi nwan: “Se mun di mɪn nwɔn adanzɛ bɔbɔ a, mɪn ejɔɛ'n mɔ mun kan'n ti ananhɔɛ. ɔ sanlɪn kɛ mun si lika mɔ n vi m mali ɔ, ɛse mun si lika mɔ mun kɔ ɔ. Nan ɛmɔ dɛ, ɛmɔ nzɪ man lika mɔ n vi m mali ɔ, ɛse ɛmɔ nzɪ man lika mɔ mun kɔ ɔ.

15 ɛmɔ bua bé ndɛɛ'n kɛ kulo menian'n-mɔ bua yí'n. Nan mɪn dɛ, mun mmua man sɔanlan fíí ndɛɛ.

16 Se mɪn nwan mun 'bua ndɛɛ a, mɪn ndɛɛ ebua'n ti fɔ́n. ɔ sanlɪn kɛ nán mɪn ngɔnmɪn yê mun 'bua ɔ, nan mun nun Siɛ'n m'ɔ sɔanlɪn mɪn'n yê ye 'bua ɔ.

17 B'a hɛɛ wɔ mala nɪn anun kɛ se menian nnyuan adanzɛ elie'n yɔ kɔn an, bɛ fa bé ejɔɛ nun ananhɔɛ.

18 Mɪn muonun mun di mɪn nwɔn adanzɛ, ɛse Siɛ'n kɔsɔ m'ɔ sɔanlan mɪn'n di mɪn nwɔn adanzɛ.”

19 Bé nwan: “Wɔ si sɔ'n wɔ nɪn?”

Zozi nwan: “Sian dɛ, m'an nwun kɛ ɛmɔ nzɪ man mɪn, ɛse ɛmɔ nzɪ man mɪn Si. Nan se ɛmɔ si mɪn an, ahan ɛmɔ si mɪn Si kɔsɔ.”

20 Mɔ Zozi 'kan ejɔɛ sɔ'n, anɪn ɔ wɔ Nyanmɪan awulo nɪn anun lika mɔ bɛ tɔ ketɪ'n. Sɔanlan fíí a nze man yí sa, ɔ sanlɪn kɛ anɪn yí dɔɛ'n juli man.

21 Zozi kɔ han kɔ hele bé bieku kɛ: “Mɪn 'ba hɔ mun yaci ɛmɔ mâ'n mun man bé. ɛmɔ 'ba kpɔndɛ mɪn, nan kɔsɔ ɛmɔ 'ka bé ɛte nɪn anun bɛ wu. Lika mɔ mun kɔ'n, ɛmɔ ngɔala man ɛɔ bie kɔ.”

22 Zufv'n-mɔ nwan: “Bian ɛhɪ muonun, anɪn ɔ ɛ ba hun yí nwɔn anaan? Afɪ yí nwan: ‘Lika mɔ mun kɔ'n, ɛmɔ ngɔala man ɛɔ bie kɔ.’ ”

23 Zozi nwan: “Asi ewa yê emò fi ò, nan mìn dié, n vi anwunno. Emò ti mân ehí anun menian, nan mìn dié, n dí man mân ehí anun sʋanlan.

24 Ehíka ati yê mìn nwan emò 'ka bé éte nín anun bé wu nín ò. Afí mìn mò n dí asi dahuu'n, se emò a nne man mìn sʋanlan ehòle kʋn'n mò n dí'n b'a nni man an, emò 'ka bé éte nín anun bé wu.”

25 Mò Zufʋ'n-mò tili ejòle sò'n, bé nwan: “Wó ejian mò ε jin ebele'n, nzu sʋanlan dié y'ò le wó?”

Zozi nwan: “Kε m gbín n dí yí'n yê abubò nín anun n ganlín n geleli emò nín ò.

26 N ne emò anwun ejòle dòun kpa mò mìn kʋala mìn kan εse mìn kʋala mìn jinlan sʋ mìn bu emò fʋò. Nan kʋsʋ sʋanlan'n m'ò sʋanlín mìn'n, ò ti ananhòlefʋε. M'ò hanlín heleli mìn'n, yí ala yê mìn kan mìn kele mân nín ò.”

27 Ejòle sò'n mò Zozi hanlín'n, b'a ndí man yí bʋ kε yí Sɪ anwun ejòle yê ò le kan kele bé ò.

28 Εse Zozi kò han biekun kò tʋ sʋ, yí nwan: “Cian mò emò 'ba fʋla *Mân Baa nín anwunno'n, cian sò'n yê emò 'ba nwun mìn sʋanlan ehòle kʋn'n mò n dí nín ò. Emò 'ba nwun kε mìn mmò man mìn ti anun mìn nyò man like fíí, nan mò Sɪε'n heleli mìn'n, yí nwun ejòle ala yê mìn kan ò.

29 Sʋanlan'n m'ò sʋanlín mìn'n jin mìn nzin. O yili man mìn tʋli man, ò sanlín kε like m'ò kulo'n yê cian daa mìn yò ò.”

30 Ejòle sò'n mò Zozi hanlín nín ati, menian dòun leli yí lili.

Abalahamʋn amma kpa'n-mò

31 M'ò yòli sò'n, Zozi kò kpe yí nyin Zufʋ'n-mò mò b'a le yí b'a li'n-mò anwun εlò, yí nwan: “Ejòle'n mò

m'an han m'an hele emɔ'n, se emɔ sɔ nun kpa a, emɔ 'kaci mɪn menian sakpa.

³² Ebele nun anun yê emɔ 'ba nwun ananhɔle'n, nán ananhɔle'n kusɔ a man emɔ a nyan bé ti b'a ngaci man nganga.”

³³ Ejɔle sɔ'n mɔ Zozi hanlɪn nun a nyɔ man Zufu'n mmie-mɔ fe. Ke be tɪli ejɔle sɔ nun ala, bé nwan: “Yé dɪe, Abalahamɔn amma y'ɔ le yé. Ye kacili man sɔanlan fíi nganga lé. Nan ɔ yɔ se mɔ e le kan ke emɔ 'ba nyan bé ti ɔ?”

³⁴ Zozi nwan: “Mun kan yí ananhɔle mɪn kele emɔ ke sɔanlan biala m'ɔ yɔ ete'n, anun ɔ ti ete'n kanga.

³⁵ Nán daa yê kanga'n di afile'n bie ɔ. Nan baa'n mɔ be kɔ wɔ yí afile'n nun anun'n, ɔ di afile'n dahuu.

³⁶ Se Baa'n man emɔ nyan bé ti a, anɪn emɔ a nyan bé ti sakpa.

³⁷ Mɪn sɪ ke Abalahamɔn abɔsɔ menian y'ɔ le emɔ. Kusɔ emɔ 'kpɔnnde mɪn be kun mɪn, ɔ sanlɪn ke emɔ nne man mɪn ejɔle'n be nni man.

³⁸ Like mɔ mɪn Sɪ helelɪ mɪn nun anwɔn ejɔle yê mun kan ɔ. Nan emɔ dɪe, like mɔ emɔ asɪ nun a hele emɔ'n yê emɔ le yɔ nun ɔ.”

³⁹ Bé nwan: “Yé sɪ yɔ le Abalahamɔn.”

Zozi nwan: “Se emɔ asɪ y'ɔ le Abalahamɔn sakpa a, ahan yí ninngɛ'n m'ɔ yɔlɪ'n, bie yê emɔ yɔ ɔ.

⁴⁰ Nan kusɔ emɔ dɪe, sunnzun mɔ m'an han ananhɔle'n mɔ Nyanmɪan hanlɪn helelɪ mɪn'n m'an hele emɔ ɔ, emɔ 'kpɔnnde mɪn kun mɪn. Like sɔa, Abalahamɔn a nyɔ man bie lé.

⁴¹ Junman kɔnmgbɔ'n mɔ emɔ asɪ'n di'n, yí bie yê emɔ kusɔ di nun ɔ.”

Mɔ Zozi hanlɪn sɔ'n, Zufu'n-mɔ kɔ fɛ eya kpili kpa. Bɛ nwan: "Nán gua sɔ mma y'ɔ le yé ein! Yé Sɪ baa kɔnmɔgba cein'n y'ɔ le Nyanmɪan."

⁴² Zozi nwan: "Sɛ emɔ asɪ y'ɔ le Nyanmɪan sakpa a, ahan emɔ kulo mɪn ejɔlɛ. ɔ sanlɪn kɛ n vi Nyanmɪan anwɔn ɛlɔ yê m malɪ ɔ. Yê yɪ dunman nun ati yê n wɔ ewa ɔ. Nán mɪn ngɔnmɪn mɪn ti anwɔn yê m'an a ɔ. Nan yɪ yê ɔ sɔanlɪn mɪn ɔ.

⁴³ Nzukɛ ati yê mɪn kan mɪn ejɔlɛ dɪɛ a, emɔ ndɪ man yɪ bu ɔ? Afɪ emɔ ngɔala man kɛ bɛ ti yɪ bu.

⁴⁴ Emɔ asɪ y'ɔ le *Abɔnsanmɔn. Emɔ kulo kɛ bɛ yɔ like m'ɔ kulo'n. Kɛ alɔa bɔh'n, kodiawu junman y'ɔ di ɔ. ɔ hanlɪn man ananhɔlɛ lé, ɔ sanlɪn kɛ ananhɔlɛ nnɔn man yɪ nun. Atofɔɛ kɔn m'ɔ halɪ'n y'ɔ le yɪ. Ato nɪn a kaci yɪ abalabɔ, yɪ alɛ m'ɔ di nun anɪn. ɔ ti atofɔɛ'n-mɔ kwalaa asɪ.

⁴⁵ Nan kemɔ mɪn dɪɛ mɪn kan ananhɔlɛ'n, yɪ ti, ɔ man emɔ nne man mɪn bɛ nni man.

⁴⁶ Emɔ nunhan benɪn yê ɔ kwalaa ɔ se kɛ m'an yɔ ɛɛ ɔ? Nan sɛ mɪn kan ananhɔlɛ a, nzukɛ ati yê emɔ nne man mɪn nni man ɔ?

⁴⁷ Sɔanlan m'ɔ ti Nyanmɪan sɔanlan'n, ɔ tie Nyanmɪan anɔan ejɔlɛ'n. Nan kemɔ emɔ ti man Nyanmɪan dɪɛ'n, yɪ ti yê ɔ man emɔ ndie man mɪn ejɔlɛ nɪn ɔ."

Zozi ti kpili tala Abalahamɔn

⁴⁸ Zufu'n-mɔ nwan: "Yɛ hanlɪn kɛ ɛ ti man Zufu kpa, ɛ ti *Samali sɔanlan, ɛsɛ ɛ le baye, ɔ ti man ananhɔlɛ ɔ?"

⁴⁹ Zozi nwan: "Cɛɛɛ, n ne man baye. Mɪn dɪɛ, mɪn Sɪ yê mɪn kannɔ yɪ ɔ. Kɔsɔ emɔ ngulo man kɛ bɛ man mɪn anyɪnnzɔ.

50 Mín diε mίν muonun mún mgbɔnndε man mίν anunminnyanmɔn. Sɔanlan kɔn wɔ ɛbɛɛ m'ɔ wula mίν anunminnyanmɔn ɔ. Ɛsε yí yê ɔ bua ndεε nún ɔ.

51 Yí ti, mún kan yí ananhɔɛ mún kele ɛmɔ kε sɔanlan biala m'ɔ kɔ le ejɔɛ'n mɔ mún kan'n kɔ li'n, sɔanlan sɔ'n, ɔ nwu man lé.”

52 Zufɔ'n-mɔ nwan: “Kikaala diε, y'a nwun yí kε ε le baye. Ɔ sanlín kε Abalahamɔn a wu, mgbɔmanfɔɛ'n-mɔ kɔsɔ a wu. Ɔ yɔ sε mɔ afi ε le kan kε: ‘Sɔanlan biala m'ɔ kɔ le ejɔɛ'n mɔ mún kan'n kɔ li'n, sɔanlan sɔ'n, ɔ nwun man le.’

53 Yé sɪ Abalahamɔn mɔ ɔ'a wu'n, ε de di kε ε ti kpili tala yí ɔ? Mgbɔmanfɔɛ'n-mɔ kɔsɔ a wu. Ɛ ti wó diε sε?”

54 Zozi nwan: “Sε mίν muonun mún kannvɔ mίν nwɔn an, mίν nwɔn ɛkannvɔɛ'n ti mgban. Mίν Sɪ mɔ ɛmɔ nwan ɔ ti ɛmɔ Nyanmian'n, yí yê ɔ kannvɔ mίν ɔ.

55 Nan kɔsɔ, ɛmɔ nzɪ man yí. Mίν diε, mún sɪ yí. Sε mún kan kε mún nzɪ man yí a, anún m'an kaci atofɔɛ kε ɛmɔ. Nan mún sɪ yí, ɛsε mún de yí nɔan ejɔɛ'n mún di.

56 Ɛmɔ asɪ Abalahamɔn lili fε kε ahan ɔ nwunlín mίν ɛwale cian'n. Ɔ nwunlín yí kɔsɔ, ɛsε ɔ lili yí nwɔn fε.”

57 Mɔ Zozi hanlín sɔ'n, Zufɔ'n-mɔ nwan: “An! Ɛ lili man afɔɛ abulanun bɔbɔ mgban, wó nwan a nwun Abalahamɔn.”

58 Zozi nwan: “Mún kan yí ananhɔɛ mún kele ɛmɔ kε, asannan nán b'a wɔ Abalahamɔn'n, anún n wɔ ɛbɛɛ.”

59 Ɛhɪ a, bε kɔ sɪsɔ nyɔbɔɛ, bε 'tɔtɔ bε bɔ Zozi. Ɔ kɔ nwanndi kɔ fia, ɔ fi Nyanmian awulo nún anun ɛbɛɛ ɔ kɔ fite kɔ hɔ.

9

Zozi 'ba tike anyinsinlinwafue kon anyin'n

¹ Mɔ Zozi fi Nyanmian awulo ebɛɛ fiteli'n, ɔ 'kɔ kaan an, ɔ non bian kon kɔ yia. Bian sɔ'n, bɛ 'wɔ yí a, anin yí nyin a sin.

² Mɔ Zozi menian'n-mɔ nwunlin yí'n, bé nwan: “*Labi, ɔ yɔ sɛ mɔ bian ehi, bɛ 'wɔ yí a, anin yí nyin a sin'n? Yí muonun yí ete nin ati anaan yí sɪ non yí nin ete nin ati ɔ?”

³ Zozi nwan: “Nán ete mɔ ɔ'a yɔ ti ɔ, yê nán ete mɔ yí sɪ non yí nin a yɔ ti ɔ. Nan bɛ wɔli yí sɔ maan Nyanmian nanndi yí sɔ ɔ yi yí junman'n mɔ ɔ 'ba li'n kele mân'n.

⁴ Kemɔ alíe'n tɛ wɔ sɔ'n, ɔ sɛ kɛ yɛ lí sɔanlan'n mɔ ɔ'a sɔan mín'n junman'n. Nan alíe'n lɛ 'ba san mɔ sɔanlan fíi ngɔ hɔala man junman di ɔ.

⁵ Mɔ n dɛ wɔ mân nin anun ewa'n, mân'n kanlanníe'n y'ɔ le mín.”

⁶ Mɔ Zozi hanlin ejɔle sɔ'n yueli'n, ɔ kɔ tɔ ngɛsɛɛ asi, ɔ kɔ fa kɔ fɔtɔ ngɛtíe, ɔ kɔ han anyinsinlinwafue nin anyin nin asu.

⁷ Yí nwan: “Kɔ nwunnzin wɔ nyunnun Silowe asubula nin anun.” (Dunman Silowe'n, yí bu y'ɔ le kɛ b'a sɔan yí.) Anyinsinlinwafue'n kɔ hɔ kɔ nwunnzin yí nyunnun. Mɔ ɔ 'sa yí nzin ba'n, anin yí nyin nin a tike.

⁸ M'ɔ yɔli sɔ'n, bé mɔ bɛ non yí mantan mantan sɔ non bé mɔ bɛ sɪ yí daba kɛ yí nyin a sin nán ɔ seɛ seɛ di'n, bɛ kɔ nwun yí. Bé nwan: “Sɔanlan'n m'ɔ tanlan atin nin anɔan ɔ seɛ seɛ'n, asu nán yí ahi?”

⁹ Mmie-mɔ nwan: “Yí ɔ.”

Mmie-mɔ kɔsɔ nwan: “Cɛɛɛ, nán yí ɔ, nan ɔ soman yí hɔ ɔ.”

Mə bian'n tılı akpələwə'n mə be le su'n, yí nwan: “Mín ə, mín bəbə mín ahi.”

¹⁰ Ejlə'n kə sin bé nwə'n, bé nwan: “Nan anın ə yəli se kpa mə wó nyin nın a tike'n?”

¹¹ Yí nwan: “Bian'n mə be fəle yí Zozi'n, ə fətəli ngetie kaan bie ə falı ə kputalı mín nyin nın asu nán ə'a se mín ke: ‘Kə Siloe kə nwunnzin wó nyunnun.’ N gəli mə n nwunnzinlin mín nyunnun yueli'n yé mín nyin'n tikeli ə.”

¹² Bé nwan: “Bian sə'n wə nin?”

Yí nwan: “Mın nzi man.”

Falisifvə'n-mə 'ba bisa swanlan'n

mə Zozi tikeli yí nyin'n kosuan

¹³ Əhi a, be kə fa bian'n mə yí nyin nın a tike'n be kə hə *Falisifvə'n-mə aja su.

¹⁴ Ə 'ba yə sə'n kusu, Zufu'n-mə *ənwənmian ele cian nın anın yé Zozi fətəli ngetie'n ə falı ə tikeli bian nın anyın nın ə.

¹⁵ Əhi ati yé Falisifvə'n-mə le bisa bian'n ke ə kpınlin yəli dede mə sian ə nwun asi'n. Yí nwan: “Bian bie, be fəle yí Zozi, ə falı ngetie hanlin mín nyin'n, n nwunnzinlin mín nyunnun yé mín nyin'n tikeli ə. Sian diə mın nwun asi.”

¹⁶ Falisifvə'n mmie-mə nwan: “Swanlan sə'n, nán Nyanmian swanlan ə. Ə nni man ənwənmian ele cian'n mala nın asu.”

Mmie-mə kusu nwan: “Swanlan m'ə yə ete'n, ə yə se m'ə yə asinbenwə'n ninnge swa ə?” Bé nwan a nze man bé nwə'n. Be kə bu bé nwə'n nın.

¹⁷ Əse Falisifvə'n-mə kə bisa yí biekun ke: “Swanlan'n m'ə tikeli wó nyin'n, ε jənlın ke ə ti se?”

Yí nwan: “Nyanmian kpəmanfvə ə.”

18 Zufu mgbain'n-mo baba die, be nne be nni man ke yi nyin'n sinlin daba, nan sian'n ye yi nyin nin a tike o. Ehi ati, be ko fele yi si non yi nin.

19 Be nwan: "Emo awa'n mo be nwan yi nyin nin a sin'n, asu yi ahi? O yo se m'o nwun asi sian'n?"

20 Yi si non yi nin nwan: "Ye die, ye si ke ye wa nin ahi. Mo ye 'wu yi'n, anin yi nyin nin a sin."

21 Nan ke o kpinyin yoli dede mo yi nyin nin a tike'n, yi die ye nzi man. Ye swanlan'n mo o'a tike yi nyin'n, ye nzi man yi. Yi muonun ye o jin ebele nin o. Emo bisa yi, o ti man batonman!"

22 Be sulo Zufu mgbain'n-mo, yi ti ye o man be le kan ke be nzi man nin o. Afi Zufu mgbain'n-mo nwan swanlan m'o ko se ke Zozi ti *Kilisi'n, be 'fwan yi be asonin sua nin anun.

23 Yi so ati ye yi si non yi nin nwan o ti man batonman nan be bisa yi nin o.

24 Ese Falisifoe'n-mo ko fele bian'n biekun, be nwan: "Nian Nyanman elo kan ananhole. Nan ye die, ye si ke bian so'n ti etefoe."

25 Bian'n nwan: "Se o ti etefoe o, se o ti man etefoe o, min die, min nzi man. Min die mo min si'n y'o le ke daba min nnwun man asi, nan sian die, min nwun asi."

26 Be nwan: "Anin o yoli se kpa ye o tikeli wo nyin nin o?"

27 Bian'n nwan: "M'an han m'an hele emo daba angonmun, nan emo a ndie man. O yo se mo emo kulo ke min kan yi biekun o? Emo kusu kulo ke be yo yi menian o?"

28 O hanlin so ala, Falisifoe'n-mo ko bo yi amgba kpa. Be nwan: "Wo ye e ti swanlan so'n swanlan o, nan ye die ye ti *Moyizi menian."

29 Moyizi yê ye si ke Nyanmian jujoli heleli yí o. Nan svanlan ehi die, lika bəbə m'ə fi'n, ye nzi man.”

30 Bian'n nwan: “Nzuke asinbenwəon ejole die ahi? Emə nzi man lika m'ə fi'n kusv ə'a tike mɪn nyin'n!”

31 Ye si ke etefue'n-mə, Nyanmian ndie man bé. Nan menian mə bé nyin sə yí mə be yə like m'ə kulo'n yê o tie bé o.

32 Svanlan mə be 'wə yí a, anin yí nyin nin a sin'n, ye tli man ke svanlan a tike bie anyin'n lé.

33 Nan se bian ehi ti man Nyanmian svanlan an, ahan o ngvāla man like fii yə.”

34 Bé nwan: “Wó mə wó busufue nyəlie nin ati b'a wə wó anyinsinlinwafue'n, wó lili ε 'ba hele yé ngele?” Be kə fvan bian'n bé asənin sua nin anun.

35 Zozi kə ti ke b'a fvan bian'n bé asənin sua nin anun, o kə nwun yí, yí nwan: “Asv *Mān Baa'n, ε de yí di o?”

36 Bian'n nwan: “Yemɪnlɪn, kele mɪn svanlan sə'n maan n né yí n ní.”

37 Zozi nwan: “Wó nyin tua yí. Yí yê o le jujo kele wó nin o.”

38 Bian'n nwan: “Mɪn Mɪn, mɪn de mɪn di.” O kə kutv Zozi anyunnun ebele.

39 Zozi nwan: “Ndeε ebua nin ati yê m malɪ o. Mɪn 'ba nán mɪn man bé mə bé nyin a sin'n nwun asɪ. Yê bé mə be nwun asɪ'n kusv, mɪn man bé nyin'n sin.”

40 Anin *Falisifue'n mmie-mə nən yí wə ebele. Mə be tli ejole'n mə Zozi hanlɪn'n, be kə bisa yí ke: “Yí ti, anin yé kusv yé nyin a sin?”

41 Zozi nwan: “Se o ti ke emə anyin a sin an, ahan emə nyə man ete. Nan kemə emə nwan be nwun asɪ'n, yí ti yê o man emə te wə bé ete nin anun o.”

10

Zozi 'ba bu bva enianfɔɛ kpa nɪn anwɔn anyɪndala

¹ Ehi, mɔ Zozi hanlɪn sɔ heleli Falisifɔɛ'n-mɔ yueli'n, ɛsɛ ɔ kɔ tɔ sɔ kɛ: “Mɪn kan yɪ ananhɔɛ mɪn kele ɛmɔ kɛ, sɔanlan mɔ ɔ 'wɔlɔ mmɔa'n-mɔ tola nɪn anun an, ɔ nzɪn man anɔan nɪn anun, nan ɔ bu lika fɔfɔɛ ɔ wɔlɔ tola nɪn anun'n, sɔanlan sɔ'n, anɪn ɔ ti awofɔɛ, kodiawu y'ɔ le yɪ.

² Nan sɔanlan m'ɔ kɔ sɪn anɔan nɪn anun'n, yɪ yê ɔ ti bva enianfɔɛ kpa nɪn ɔ.

³ Yɪ dɪɛ sɛ ɔ 'wɔlɔ tola nɪn anun an, sɔanlan'n m'ɔ sisa tola'n tike anɔan'n man yɪ, yê mmɔa'n-mɔ kɔsɔ ti yɪ nɪn'n. Bva enianfɔɛ'n fa mmɔa'n-mɔ anun kɔn biala dunman'n feɛɛ yɪ ɛsɛ ɔ fa bé fite awulo.

⁴ Mɔ bé kwalaa bɛ kɔ yue fite'n, ɔ li bé nyunnun yê mmɔa'n-mɔ si yɪ sɔ ɔ. ɔ sanlɪn kɛ mmɔa'n-mɔ sɪ yɪ nɪn'n.

⁵ Sɔanlan mɔ bɛ nzɪ man yɪ'n, bɛ nzɪ man yɪ sɔ lé. Sɛ bɛ nwun yɪ a, bɛ nwanndi yɪ, ɔ sanlɪn kɛ bɛ nzɪ man yɪ nɪn'n.”

⁶ Zozi buli anyɪndala sɔ'n heleli bé, kɔsɔ b'a ndɪ man yɪ bɔ.

⁷ Kɛmɔ b'a ndɪ man yɪ bɔ nɪn ati, Zozi kɔ han kɔ hele bé biekun kɛ: “Mɪn kan yɪ ananhɔɛ mɪn kele ɛmɔ kɛ, mmɔa'n-mɔ tola nɪn anɔan'n y'ɔ le mɪn.

⁸ Bé kwalaa mɔ bɛ lili mɔa mɪn nyunnun'n, awofɔɛ nɔn kodiawu y'ɔ le bé. Yê mmɔa'n-mɔ a ndie man bé nɪn'n bɔbɔ.

⁹ Anɔan'n y'ɔ le mɪn. Sɔanlan m'ɔ kɔ wɔlɔ mɪn nɪn'n, ɔ 'nyan nguan. ɔ kwalaa ɔ wɔlɔ fite kɛ ɔ kulo ɔ, ɛsɛ ɔ 'nyan like di.

10 Awofube'n-mo die, mmua'n-mo awue, non be ehuan, non be busu ebo ati ala ye be ba o. Nan min die, m mali ke m 'ba maan menian'n-mo nyan ngvan, min man be nyan yi dede o bu su.

11 "Bua enianfue kpa'n y'o le min. Bua enianfue kpa'n, o de yi mmua'n-mo ati ewue o wu maan be nyan ngvan.

12 Swanlan m'o ti man bua enianfue kpa'n, mo yi die o kan mmua'n-mo o kponnde yi esika'n, se o nwun ke bedi'n le ba a, o yaci mmua'n-mo ebele nwanndi maan bedi'n wulu be nun o ci bie o bo be asanndie.

13 Swanlan so'n yaci mmua'n-mo ebele nwanndi, o sanlin ke yi esika kponnde ati ye o le kikan be o. Be nwon njian man yi.

14 Bua enianfue kpa'n y'o le min. Min si min mmua'n-mo, be kusu be si min

15 ke min si si min mo min kusu min si yi'n. Min wu min mmua'n-mo dunman nun min man be nyan ngvan.

16 N ne mmua mmiekun-mo, be non man tola ehi anun bie. O se ke n gokuan be non. Be 'ba ti min nin'n. Mmua kpule'n 'ba yo kon. Ye swanlan kusu kon ye o 'nian be su o.

17 "Min si kulo min, o sanlin ke min fa min ngvan'n min man nan m'an nyan yi biegun.

18 Swanlan fi nguala man ke o tua min de min ngvan nun o. Min muonun ye min fa min man o. Min kuala ke min fa min ngvan'n min man, ese min kuala ke min nyan yi biegun. Like mo min si nwan n yo nin anin."

19 Ehi ka kusu anwon, Zufu'n-mo anvan a nze man.

20 Mmie-mə dəvən nwan: “Svanlan'n mə wawε ετε wə yí nun mə yí ti nnvən man εbele'n, nzuke ati yê εmə le tie yí ejəle nun ə?”

21 Mmie-mə kusv nwan: “Svanlan mə wawε ετε wə yí nun'n, ejəle sva, ə ngvəla man yí kan. Asv svanlan mə wawε ετε wə yí nun'n kvəla anyinsinlinwafvε anyin tike?”

Zufv mgbain'n-mə nne nni man ke Zozi ti Nyanmian Awa

22 Əhι, εyεε mεε nun anun, mə be 'di Nyanmian awulo nun anwvən *Anwvntie feti'n wə Zoluzalemv'n,

23 anin Zozi nanndι Nyanmian awulo nun abalanda'n mə be fele yí Salomv'n abalanda nun anun.

24 Zufv'n-mə kə yia yí nvvən εbele, bé nwan: “Cian benin kpa bəbə yê ε 'man yé ahvnlın tə yé kunnun ə? Se *Kilisi'n, yé Belemgbin Ngvəndefvε'n y'ə le wə a, kan yí ananhəle kele yé.”

25 Zozi nwan: “M'an han m'an hele εmə daba, nan εmə nne nni man. Junman'n mə mın di wə mın Sι dunman nun'n di mın adanzie.

26 Nan kemə εmə nnvən man mın mmvə'n-mə anun bie nin ati, εmə nne mın nni man.

27 Mın mmvə'n-mə tie mın nın'n, mın sι bé yê be si mın sv.

28 Mın man bé ngvən m'ə le man ayuelie. Be nwu man lé, yê svanlan fí ngvəla man bé de fi mın sa nun.

29 Mın Sι mə ə'a fa bé ə'a man mın'n, ə ti kpili tala ninnge'n kvəlaatin. Ninnge'n mə mın Sι le yí'n, svanlan ngvəla man ke ə tva yí de bie ə.

30 Mın nvən mın Sι, ye ti svanlan munmuan kvn.”

31 Əhι mə Zozi hanlın nin ati, Zufv'n-mə kə siva nyəbvε biekun ke be 'kə a hun yí.

³² Ehi a, Zozi nwan: “Mín Si a man mín tunmin maan m'an li junman dɔvɔn kpa m'an hele emɔ, nan nunhan benin ati yê emɔ kulo ke be 'tutu nyɔbue be kun mín ɔ?”

³³ Zufu'n-mɔ nwan: “Nán ke junman kpa bie mɔ a li ati yê yé nwan ye 'kun wó ɔ, nan a han amannɛ ejɔle wɔ Nyanmian anyunnun. Ɔ sanlɔn ke kulo sɔanlan mgban ti ke wó, ε bu wó nwɔn ke ε ti Nyanmian.”

³⁴ Zozi nwan: “B'a hele wɔ emɔ mala kalata nɔn anun ke Nyanmian nwan:

Emɔ ti ke mín Nyanmian muonun.

³⁵ Ejɔle kɔsɔ mɔ Nyanmian Ehele Ejɔle'n kɔ han'n, ye ngɔala man nun kpe. Ye si ke bé mɔ Nyanmian a fele bé ɔ'a fa yí Nɔan Ejɔle'n ɔ'a wula bé sa nun'n, yí nwan be ti ke yí.

³⁶ Nan se ɔ ti sɔ sakpa a, anɔn mín kɔsɔ mɔ Siε nɔn a sie mín kɔnɔn-ngɔnɔn mɔ ɔ'a sɔan mín ke m mála mân nɔn anun'n, se mɔn kan ke n di Nyanmian Awa a, anɔn m'an nyan amannɛ ɔ? Ɔ yɔ se mɔ emɔ kan ke m'an han ejɔle ete m'an tia Nyanmian ɔ?

³⁷ Se mɔn nni man junman'n mɔ mín Si kulo nɔn an, emɔ nán be de mín be di.

³⁸ Nan se mɔn di junman sɔ'n, se emɔ nne man mín nni man bɔbɔ a, emɔ lé nyɔliε'n-mɔ mɔ mɔn yɔ'n lili be lí, nán emɔ a nwun ke mín Si wɔ mín nun yê mín kɔsɔ n wɔ yí nun.”

³⁹ Mɔ Zozi hanlɔn sɔ yueli'n, be 'kponnde be ci yí biekun. Ɔ fi bé nun ebele ɔ kɔ nwanndi, bé sa a ngan man yí.

⁴⁰ Ehi anzin, Zozi kɔ sa kɔ hɔ asue Zuludɔn nɔn anzin elɔ biekun. Ɔ kɔ hɔ kɔ tanlan lika mɔ Zɔan sɔnɔnɔn menian'n-mɔ daba'n.

41 Menian dɔvɔn kpa kɔ kpu yí elɔ, bé nwan: “Zɔvan a nyɔ man asinbenwɔn like fíí, nan kɔsvɔ bian ehi anwɔn ejɔle m'ɔ hanlɔn'n, ɔ ti ananhɔle.”

42 Ebele, menian dɔvɔn leli yí lili.

11

Lazaa ewue'n

1 Anɔn bian kɔvɔn wɔ Betanin kulo nɔn asɔ, be fele yí Lazaa. Lazaa sɔ'n nɔvɔn yí nianman mmalasua nnyuan yê be ti Betanin ebele ɔ. Kɔvɔn li Mali yê kɔvɔn kɔsvɔ li Maati.

2 Mali sɔ'n, yí yê ɔ 'ba fa anatɔli ɔ nwnnzɔn yé Mɔn aja'n-mɔ anwɔn, ese ɔ fa yí ti enyuan'n ɔ cici nɔn ɔ. Be wɔ ebele dede a, cɔan kɔvɔn Lazaa kɔ fɔke.

3 Yí nianman mmalasua nnyuan'n kɔ yɔ svanlan kɔ hɔ kɔ tɔ Zozi. Yí nwan: “Yé Mɔn, wɔ manngvɔn'n mɔ e kulo yí'n nɔn a fɔke. Yí ti, yí nianman mmala'n-mɔ nwan m mála m mɔ wɔ amannɛ.”

4 Mɔ Zozi tɔli ejɔle sɔ'n, yí nwan: “Lazaa efɔke'n mɔ ɔ'a fɔke'n, ɔ ti man efɔke mɔ ɔ 'kun yí ɔ. Nan ɔ nanndi yí efɔke sɔ nɔn asɔ, Nyanmɔan 'ba man yí Wa'n yɔ yí tunmin'n nɔvɔn yí anunminnyanmɔvɔn'n kele mân'n.”

5 Zozi kulo Lazaa nɔvɔn yí nianman mmalasua'n-mɔ kpa, nan kɔsvɔ,

6 m'ɔ tɔli ke Lazaa a fɔke'n, ɔ lili cɔan nnyuan biekun yí bɔsvɔ ebele.

7 Yí cɔan nnyuan nɔn asɔ, ɔ kɔ han kɔ hele yí menian'n-mɔ ke: “Be mán ye sá ye hó Zude mân nɔn anun elɔ biekun.”

8 M'ɔ hanlɔn sɔ'n, yí menian'n-mɔ nwan: “Kpain, ɔ hycli man fíí ye hɔli elɔ ahan be 'tɔvɔ ebuɛ be kun wɔ, yê ese wɔ nwan ye hó elɔ biekun'n?”

⁹ Zozi nwan: “Alíe kún m'ò kò hún'n, nán dǎe bulu nún nnyuan yê ò wò nun ò? Svanlan m'ò nanndi alíhian nún anun'n, yí ja mgbula man, ò sanlín kè mán nún anun tí yuein.

¹⁰ Nan svanlan m'ò nanndi kǎngǎe'n, yí ja kpula ò tǎ asi, ò sanlín kè awosin nún anun, svanlan nnwun man asi.”

¹¹ M'ò hanlín sǎ yueli'n, ɛɛ yí nwan: “Yé manngun Lazaa a lafi, yí tí, mún 'kò a tinnge yí.”

¹² Yí menian'n-mǎ nwan: “Sɛ nafɛɛ ala yê ò lɛ dafi a, anún yɛ 'kò a yǎ nzu? Ò 'ba jasú.”

¹³ ɛjǎɛ sǎ'n mǎ Zozi hanlín'n keke kè Lazaa a wu, nan kúsv yí menian'n-mǎ diɛ, bɛ júnlín kè nafɛɛ mgbán yê ò lɛ dafi ò.

¹⁴ Yí sǎ ati, Zozi kpacılı nún hanlín helelı bɛ yuein kè: “Lazaa a wu.

¹⁵ ɛmǎ dunman nún ati, ò yǎ mún fɛ kpa kè m'an ngǎ man ɛlǎ ndɛ ò. Ò sanlín kè yí ewue nún anzin ɛjǎɛ mǎ ò 'ba a'n, ò 'ba man ɛmǎ de mún di. Nan ɛmǎ mán yɛ hǎ ɛlǎ.”

¹⁶ Kè yí nvan 'tǎ ala, yí menian'n-mǎ anun kún, bɛ fɛɛ yí Toma, bɛ fɛɛ yí biekun Didimún, yí bu y'ò le kè nda, ò kò jasú, yí nwan: “Mún manngun-mǎ, sɛ yí sǎ a, bɛ mán yé kúsv yɛ hǎ bie maan bɛ hún yé kvalaa.” Kè ò hanlín sǎ yueli'n, yê bɛ hǎlı ò.

¹⁷ Mǎ Zozi 'ju Betanin'n, anún b'a sie Lazaa ò'a lí ɛɛ nnan.

¹⁸ Betanin nún Zoluzalemún kúsv afian a nwa man. Cilo nsan yê ò wǎ bɛ afian ò.

¹⁹ Yí tí, ò man Zufu'n-mǎ dǎvn fi Zoluzalemún bɛ walı Betanin kulo nún asú ɛbɛɛ, bɛ 'ba a cíci Maati nún Mali alva.

²⁰ Mǎ Maati tí kè Zozi lɛ ba'n, ò hǎlı kpalı yí atún. Mali diɛ, ò halı awulo ɛbɛɛ.

21 Mɔ Maati tuli Zozi'n, yí nwan: “Yé Mɔn, se ɔ ti ke ε wɔ ewa a, ahan mɔn nianman nun a nwu man.”

22 Nan kɔsu mɔn si ke kikaala mɔ ye wɔ nun'n muonun, like biala mɔ ε kɔ bisa Nyanmian'n, ɔ 'fa man wɔ́.”

23 Zozi nwan: “Wɔ́ nianman'n, ɔ 'ba jasɔ.”

24 Maati nwan: “Mɔn si ke cian mɔ mân'n kɔ yue'n, mɔn nianman'n fi ewue nun 'jasɔ.”

25 Zozi nwan: “Sɔanlan'n m'ɔ cin menian ɔ man bé ngvan'n y'ɔ le mɔn. M'ɔ kɔ le mɔn kɔ li'n, se ɔ wu bɔbɔ a, ɔ 'nyan ngvan.”

26 Yé sɔanlan mɔ yí anyɔnwɔsɔse nun ɔ kɔ le mɔn kɔ li'n, ɔ nwu man kɔn lé. Asɔ ε de ejɔle sɔ'n di ɔ?”

27 Maati nwan: “Yuo o, mɔn de mɔn di ke *Kilisi'n y'ɔ le wɔ́, Nyanmian Awa'n m'ɔ se ke ɔ ba mân nun anun'n y'ɔ le wɔ́.”

28 Mɔ Maati hanlin sɔ yueli'n, ɔ kɔ sa kɔ hɔ awulo kɔ tu yí nianman bala Mali asule, yí nwan: “Yé Mɔn a a, yí nwan ε bála.”

29 Mɔ Mali tuli ejɔle sɔ'n, ɔ kɔ jasɔ, ɔ kɔ fa atɔn'n, ɔ le kɔv Zozi.

30 Anɔn Zozi wɔlvli man kulo nun anun, lika kɔnmgba'n mɔ Maati yacili yí'n, ebele ye ɔ halɔ ɔ.

31 Mɔ Zufu'n-mɔ mɔ be gua awulo ebele be le cɔci Mali alɔa'n nwanlin ke ɔ'a jasɔ, ɔ le kɔ nde-nde'n, bé kɔsu be kɔ jasɔ be kɔ si yí sv. Be jɔnlin ke Mali le kɔ seka nun asɔ elɔ 'kɔ sun.

32 Mɔ Mali juli lika mɔ Zozi jin'n, ɔ kɔ kɔtu yí nyunnun ebele, yí nwan: “Yé Mɔn, se ɔ ti ke ε wɔ ewa a, ahan mɔn nianman nun a nwu man.”

33 Ke Mali 'kan sɔ nun ala, ɔ kɔ sɔsa yí sa kɔ gua yí ti ɔ non Zufu'n-mɔ kwalaa be le ye awóle. Mɔ Zozi

nwunlin ke be le yi awóle'n, ewue nun anwun eya ko hun yi dede yi nwun ko wusu yi.

34 Yi nwan: “Emo sieli yi nin?”

Be nwan: “Ye Min, bala ba nian.”

35 Mo be falu atin'n mo be 'ko'n, anin Zozi anyin emun le ba.

36 Ebele ala, Zufu'n-mo anun mmie-mo nwan: “Emo nian, o kulo Lazaa ejole kpa o!”

37 Mmie-mo kusu nwan: “Yi mo tikeli anyinsinlinwafue nin anyin'n, ahan o yoli maan Lazaa a wu man”

38 Mo be hanlin so'n, Zozi ko fe eya kpa, o ko kpulin yi konvin abu. O fi ebele yi nwan yo le seka nin asu. Seka so'n, b'a koto yi buka kun anun, b'a kpe anwan kun b'a to yi nwun ke sua ye b'a kunndo ebue kpili kun b'a fa b'a nyin yi anwan.

39 Zozi nwan: “Emo yi ebue'n mo nyin anwan'n.”

Mo Zozi anwan teli'n, Maati nwan: “Ye Min, ke ye wo nun'n, mun junlin ke o le ban. O sanlin ke, ke be sieli yi'n, yi ele nnan ahi.”

40 Zozi nwan: “M'an ngan m'an ngele man wo ke se e de di a, e 'nwun Nyanmian anunminnyanmun nin o?”

41 Ehi a, be ko kunndo ebue'n mo nyin anwan'n. Zozi ko to yi ti anwunno, yi nwan: “Min Si, mun 'da wo asi ke a tie min ejole nin o.”

42 Min si ke e tie min dahuu, nan ke e ko yo nan be mo b'a ta b'a si b'a yia min nin a le a li ke wo ye e swanlin min'n, yi ti ye o man mun kan so o.”

43 Mo Zozi hanlin so yueli'n, o tianlin nun sele kpa, yi nwan: “Lazaa, fi elo fite!”

44 Ebele ala, Lazaa fi seka nin anun ko fite. O 'fite a, anin etanlan'n mo be falu be sieli yi'n te fufu yi nwun.

M'ò fiteli'n, Zozi nwan: “Emò nyánnji yí nwun etanlan'n, nán be yáci yí maan ɔ h́.”

45 Asinbenwun like sò'n m̀ Zozi yòlì'n, ɔ man Zufu'n-m̀ m̀ be walì Mali alba εciε'n, bé d̀un be leli yí be lili.

46 Bé nun mmie-m̀ k̀sv̀ h̀li t̀li *Falisifue'n-m̀ be hanlìn like sò'n m̀ Zozi yòlì'n heleli bé.

47 Ehi a, Falisifue'n-m̀ nun Nyanmian *teeyifue mgbain'n-m̀ k̀ b̀b̀ Zufu mgbain abulasu'n m̀ be di bé mân nun anun ejòle nun amannie, bé kwalaa be k̀ yia, bé nwan: “Bian ehi muonun, ye 'yò yí se? Asinbenwun ninngè m̀ò le yò'n ti man nzemunde.

48 Se ye yaci yí maan ɔ di junman sò ehi a, menian'n-m̀ kwalaa 'ba le yí di, ese ɔ 'ba man *L̀m̀un mgbain'n-m̀ kpati seci Nyanmian awulo'n nun yé mân'n!”

49 Bé nwan a ndò man, bé nun k̀n k̀ jasv̀, be fele yí Kayifu. Afue sò nun anun, yí yê anun ɔ ti *Teeyifue Kpain nun ɔ. Yí nwan: “Emò ndi man ejòle b̀ fíí!

50 Asu emò nnwun man ke se s̀anlan k̀n wu menian'n-m̀ kwalaa ati a, ɔ ti kpa tala ke mân b̀ndun'n k̀ b̀ ɔ?”

51 Ejòle'n m̀ Kayifu hanlìn'n, nán ke yí muonun yí ngèle yê anun ɔ le fa kan sò ɔ. Nan kemò afue sò nun anun yí yê anun ɔ ti teeyifue kpain'n, yí sò ati yê Nyanmian man ɔ hanlìn ke ɔ di ke Zozi wu maan Izalaye mân nun anun menian-m̀ kwalaa nyan bé ti ɔ.

52 Nán ke Izalaye mân nun anun menian'n-m̀ k̀nm̀gba ala yê ɔ 'wu man bé ɔ, nan ɔ 'wu nán ɔ kokuan Nyanmian amma'n-m̀ kwalaa m̀ b'a b̀ asanndie nun anwan.

⁵³ Ǿ fi cɪan sɔ'n, Zufu mgbain'n-mɔ nwan be 'kun Zozi.

⁵⁴ Ehi ati, Zozi a nvite man bagua nun kɔn Zufu'n-mɔ afian. Ǿ non yɪ menian'n-mɔ hɔli kulo'n mɔ be fɛle yɪ Efalayimɔn nin asu. Ǿ mantan ewâ. Ǿ non bé, be tanlanlɪn ebɛle kaan.

⁵⁵ M'ɔ ka kaan nán Zufu'n-mɔ a li bé feti'n mɔ be fɛle yɪ *Paki'n, menian dɔn kpa lili mɔa Zoluzalemɔn be hɔli tuli bé nwɔn efian.

⁵⁶ Mɔ be wɔ Nyanmian awulo nin anun ebɛle'n, anɪn be le kpɔnnde Zozi. Be le bisa bisa bé manngɔn'n-mɔ ke: “Ǿ ti se, asu ɔ 'ba a feti elie'n bie anaan ɔ ngɔ a man ɔ?”

⁵⁷ Ǿ 'ba yɔ sɔ'n, anɪn Nyanmian tɛyɪfɔe mgbain'n-mɔ non Falisifɔe'n-mɔ a man atɪn ke sɔanlan kɔn biala m'ɔ sɪ lika mɔ Zozi wɔ'n, ɔ héle bé maan be hó hyɪ yɪ.

12

Mali 'ba gua Zozi aja anwɔn anatɪli (Matie 26.6-13, Maaki 14.3-9)

¹ Ehi, m'ɔ anɪn ɔ ka cɪan nsian nán b'a li Zufu'n-mɔ feti'n mɔ be fɛle yɪ *Paki'n, Zozi kɔ sa kɔ hɔ kulo'n mɔ be fɛle yɪ Betanin nin asu. Ebɛle y'ɔ tinngeli Lazaa m'ɔ wuli'n fi ewue nun ɔ.

² M'ɔ juli elɔ'n, yɪ alie hɪnlɪn, nɔsɔba nun, yɪ manngɔn'n-mɔ kɔ tɔn alie be kɔ fa be kɔ sɔn yɪ eyɛfɔe. Anɪn Maati le sesie alie'n, bé mɔ be lila tɔbɪli nin anwɔn be le didi'n, Lazaa kɔsɔ wɔ bé nun bie.

³ Mmalasua'n-mɔ mɔ be sesie alie'n, Mali kɔsɔ wɔ bé nun ebɛle bie. M'ɔ be didili dede mɔ ɔ 'kɔ bie'n, Mali kɔ hɔ kɔ fa anatɪli bondoman kɔn. Anatɪli sɔ'n, be le baka bie be fɛle yɪ náá yê be fa be yɔ ɔ. Yɪ gua yɔ sɪ kpa. Anatɪli'n m'ɔ wɔ bondoman nin anun'n,

o ti elitili sin. Mali ko butu yi Zozi aja nun anwon, o ko fa yi ti enyuan'n ko cici. Anatili nun efanlan'n ko fa sua nun anun.

⁴ Anun Zozi swanlan'n mo be fele yi Zudası Isikalioı wo ebele. Yi ye cian bie o 'yi Zozi man o. M'o nwunlin yi so'n, yi nwan:

⁵ “Se o ti ke be tonunlin anatili ehi jete fufue eya nsan ye be falı yi esika'n be manlin ehianfoe'n-mo a, ahan o ti kpa.”

⁶ Nan ke ehianfoe'n-mo anwon ejunlian m'o junlin ti ye o man o le kan so o, nan awofue y'o le yi. Esika kaan mo be ko fa be ko hye be'n, yi ye o fa sie o. Be fa be man yi a, o di.

⁷ Nan mo Zozi tili ejole'n mo Zudası hanlin'n, yi nwan: “Yaci Mali maan o yo yi like'n m'o le yo'n. Afi, anatili ehi mo o'a butu yi min ja nun aso ewa'n, cian mo n go wu'n, ebial'e'n mo be 'bia min'n ye o le di moa bia min nun o.

⁸ Ehianfoe'n-mo die, cian daa emo nun be wo ewa. Nan min die, min nun emo le ndanlan man ewa dede o nga man ebele.”

⁹ Mo Zufu'n-mo don tili ke Zozi wo Betanin'n, be ko kpo yi elo. Koso nan ke Zozi angunmin ati ye be holi o, nan be nwan be 'ko a nian Lazaa mo o'a hun yi'n.

¹⁰ Nyanman *teeyifue mgbain'n-mo nwan be 'kun Lazaa koso.

¹¹ O sanlin ke yi dunman nun ati, Zufu'n-mo don nzi man be so kun, nan Zozi ye be de yi be di o.

*Zozi 'ba wolv Zoluzalemv nulo nun anun
(Matie 21.1-11, Maakı 11.1-11, Luku 19.28-40)*

12 Zozi lali Betanin, mɔ yí alíe hɔnlɔn'n, meninsɔnman'n mɔ be walɔ *Pakɔ elie'n, be kɔ tɔ ke Zozi le ba Zoluzalemɔn.

13 Be kɔ hɔ kɔ kpɔkpe aye male, be kɔ fa be kɔ le Zozi atɔn. Be 'kɔ a, anɔn be le tɔan be te be fele yí. Bé nwan:

“Hozanna!

Nyanmɔn yíla Izalaye Belemgbin'n m'ɔ le ba wɔ Yé Mɔn Nyanmɔn dunman nun'n!”

14 Zozi kɔ nyan afunlunmun baa kɔn ɔ kɔ fu kɔ tanlan sɔ ke be heleli yí daba wɔ *Ehele Ejɔle nɔn anɔn'n. Bé nwan:

15 *Zoluzalemɔn menian, nán be sulo.*

Emɔ nían, emɔ belemgbin'n tɔ

afunlunmun baa kɔn sɔ, ɔ le ba.

16 Ehi, alimɔa nɔn anɔn, Zozi menian'n-mɔ a ndɔ man ejɔle sɔ'n-mɔ abɔ. Nan mɔ Zozi fi ewue nun tingeli mɔ Nyanmɔn wulali yí anɔnminnyanmɔn yueli'n, afi sian'n, be nwunlin ke yí nwɔn ejɔle fɔ́n yê Ehele Ejɔle'n hanlɔn nɔn ɔ, like mɔ be yɔli yí'n manlɔn ejɔle sɔ'n kpɔnlɔn sɔ.

17 Mɔ Zozi feleli Lazaa m'ɔ tingeli yí fi ewue nun'n, bé kwalaa mɔ anɔn be wɔ ebele'n, be lili mɔ be nwunlin yí nɔn anwɔn adanzie.

18 Nzɔle ehi ati y'ɔ man menisɔnman'n walɔ kpali yí atɔn ɔ.

19 Mɔ Falisifue'n-mɔ nwunlin yí sɔ'n, bé nwan: “Ebia-mɔ, emɔ nían, y'a fe mgban ɔ, se ye hyɔli yí ngelemɔ nun an, ahan ye nyanlɔn sɔ nvasɔe. Nan kikaala ke ye wɔ nun'n die ɔ'a kpa yí nwɔn. Be nían, mân bɔndɔn'n kwalaa si yí sɔ!”

Zozi 'ba han yí ewue nun anwɔn ejɔle

20 Bé mǎ be wali Zoluzalemǎn ebéle feti nun anun ké be 'ba a sǔ Nyanmian'n, *Gelekǔ ngókǔn wǎ bé nun.

21 Gelekǔ sǎ'n-mǎ hǎ tǔli Zozi sǔanlan'n kǔn, be féle yí Filipǔ. Ǔ fi Galile mǎn nun anun, kulo'n mǎ be féle yí Betisayida nun asǔ. Gelekǔ sǎ'n-mǎ nwan: “Nja bian, ye kulo ké ye nwun Zozi anwǎn.”

22 Mǎ Filipǔ tǔli ejǎle sǎ'n, ǎ kǎ hǎ kǎ tǔ Andele, ǎ kǎ bǎ yí amannǔe. Bé munnyuan be kǎ hǎ kǎ tǔ Zozi be kǎ han be kǎ hele yí.

23 Mǎ Zozi tǔli ejǎle sǎ'n, yí nwan: “Sian dié, mǎle'n m'ǎ sé ké be wula Mǎn Baa nun anunminnyanmǎn nun a ju.

24 Nan mǔn kan yí ananhǎle mǔn kele emǎ ké *bele baa'n mǎ be kǎ lua'n, sé ǎ'a mgbǎle man asié nun abǔ a, ǎ ngǔala ǎ nvifi man ǎ nzu man mma. Cian daa ǎ la ebéle kǔnlǔn-ngǔnlǔn.

25 Sǔanlan m'ǎ ti ahyǔan ǎ kulo yí kunnun'n, ǎ nnyan man ngǔan. Nan sǔanlan m'ǎ eyuadi éte éhi anun ǎ kulo éhǔnlǔn-mǎ ǎ bǔka bé'n, ǎ 'nyan nyanmiansǔ ngǔan m'ǎ le man ayuelǔe'n.

26 Sǔanlan biala m'ǎ kulo ké ǎ yǎ mǔn sǔanlan'n, ǎ sí mǔn sǔ. Yí dié anǔn lika mǎ n di'n, yí kǔsǔ, ǎ tanlan ebéle bie. Sǔanlan m'ǎ sǔ mǔn'n, mǔn Sǔ 'man yí asasǔe.

27 “Kǔkaala dié, mǔn ti anun a séci mǔn. Nan kǔsǔ nzu ejǎle dié yê mǔn 'kan ǎ? N ze ké, mǔn Sǔ, de mǔn fi yal'e'n m'ǎ le 'ba tǔ mǔn wǎ dǎe éhi anun anaan? Céce, mǔn ngan man sǎ, ǎ sanlǔn ké yí ti yê m malǔ ǎ.

28 Mǔn Sǔ, wula wǎ dunman nun anunminnyanmǎn!”

Zozi hanlǔn sǎ ala, anǔe bie kǎ te anwunno éle. Anǔe sǎ'n nwan: “Mǔn dunman'n, m'an wula yí

anunminnyanmɔn dada angɔnmɔn, εσε μελε'n m'ɔ
 λε ba nin anun, mɔn 'wula yɪ biekuɔn.”

29 Meninsɔnman'n mɔ be jijin εβελε mɔ be tɪli anɪε
 sɔ'n, bε nun mmie-mɔ nwan: “Nyanmɪan'n λε kan
 nun.”

Mmie-mɔ kɔsɔ nwan: “Nyanmɪansɔ bɔfɔε kɔn a
 han εjɔλε a hele yɪ.”

30 Zozi nwan: “Nán mɪn ti yê anɪε sɔ nun a te ɔ, nan
 εmɔ ati ɔ.

31 Bελε mɔ mân'n ndεε ebua cɪan nin a ju ɔ.
 *Abɔnsanmɔn m'ɔ ti mân nin asɔ kpain'n, sian dɪε,
 be 'ba ju yɪ be tɔ gua sɔ.

32 Nan mɪn kɔsɔ, se be sinnze mɪn anwunno yue
 a, m 'ba hyɔɪn menian'n-mɔ kɔvalaa mɔn ba mɪn
 nwɔn.”

33 ɔ hanɪn sɔ ɔ heleɪ ewue εhɔλε kɔn'n mɔ ɔ 'fa
 wu'n.

34 Kε yɪ nɔan 'tɔ ala, menian'n-mɔ nwan: “Mala
 kalata nin anun, ye tɪli ke bε nwan *Kilisi'n mɔ ɔ
 'ba le yé ti'n, ɔ nwu man lé. Nan ɔ yɔ se mɔ wɔ
 nwan *Mân Baa'n, be 'ba sinnze yɪ anwunno ɔ?
 Mân Baa'n muonun, ɔ ti yɪ dɪε se?”

35 Zozi nwan: “Kɪkaala dɪε, kanlannɪε'n te wɔ εmɔ
 afian εwa. Kεmɔ εmɔ te nwun asɪ'n, εmɔ nánndɪ
 atɪn'n mɔ n geleɪ εmɔ nin asɔ. Nán awosin'n ba a,
 anɪn εmɔ a mminlin man. ɔ sanɪn ke sɔanlan m'ɔ
 nanndɪ awosin nun'n, ɔ nzɪ man líka m'ɔ λε kɔ ɔ.

36 Kεmɔ εmɔ te le kanlannɪε nin εwa'n, εmɔ lé yɪ be
 lí, nán εmɔ a kaci kanlannɪε nin anun menian.” Mɔ
 Zozi hanɪn εjɔλε sɔ'n yueli'n, ɔ fi bagua nun ɔ nɔn yɪ
 menian'n-mɔ hɔɪ fɪalɪ kaan.

37 ɔ yɔɪ asinbenwɔn ninngε'n dɔɔn menian'n-mɔ
 anyunnun εβελε, nan kɔsɔ b'a nne man yɪ b'a nni
 man.

38 ɔ man ejɔle'n mɔ Nyanmian Kpɔmanfɔe *Ezayi hanlɪn'n, kpɪnlɪn sɔ. Ezayi hanlɪn kɛ:

*Yɛ Min, ejɔle'n mɔ ye hanlɪn'n,
nwan yɛ ɔ leli lili ɔ? Wɔ anwɔnsɛle'n
mɔ a yi a hele'n, nwan yɛ ɔ buli yi like ɔ?*

39 Bɛ ngɔala man kɛ bɛ de bɛ di, afi Ezayi hanlɪn biekun kɛ:

*40 Nyanmian a sin bɛ nyɪn'n,
ɔ man bɛ nnwun man asi kɔn.
ɔ'a kaci bɛ ajɔnlɪn'n,
ɔ man bɛ ndi man yi ejɔle'n kɔn.
Afi, bɛ ti a,
bɛ 'sa bɛ nzin bɛ ba yi nwɔn
ɔ fa bɛ ɛɛ'n-mɔ ce bɛ.*

41 Ezayi lili mɔa nwunlin Zozi anunmin-nyanmɔn'n daba, yi ti yɛ ɔ man ɔ hanlɪn yi nwɔn ejɔle nɪn ɔ.

42 Nan kɔsɔ Zufɔ mgbain'n-mɔ anun, mmie-mɔ dɔɔn leli Zozi lili. Nan *Falisifɔe'n-mɔ dunman nun, bɛ ngan man, bɛ sulo kɛ bɛ kɔ fɔan bɛ asɔnɪn sua nɪn anun.

43 Afi sɛ menian'n-mɔ bɔ bɛ dunman kpa a, bɛ kulo bɛ tala kɛ Nyanmian kɔ bɔ bɛ dunman kpa'n.

44 Mɔ Zozi fi meninsɔnman nɪn anun ɔ 'ba hɔ'n, ɔ tɪanlɪn nun hanlɪn kɛ: “Sɔanlan biala m'ɔ de mɪn di'n, nɔn mɪn ngɔnmɪn yɛ ɔ de mɪn di ɔ, nan anɪn ɔ de sɔanlan'n kɔsɔ m'ɔ sɔanlɪn mɪn'n di.

45 Sɔanlan m'ɔ kɔ nwun mɪn'n, anɪn ɔ ti kɛ ɔ'a nwun m'ɔ sɔanlɪn mɪn'n.

46 M malɪ mɔn nɪn anun kɛ kanlannɛ, ɔ man sɔanlan biala m'ɔ de mɪn di'n, ɔ nga man awosin nun.

47 “Sɔanlan m'ɔ kɔ ti mɪn ejɔle'n, mɔ ɔ'a nne ɔ'a nni man'n, nɔn mɪn yɛ mɪn 'bua yi ndɛɛ ɔ. ɔ sanlɪn kɛ m

malı ke m 'ba le mân nun ati nguan, m'an mma man ke m 'ba tua mân'n nyɔliε εte nun anwɔn kale.

48 Svanlan m'ɔ kɔ ju mín kɔ tɔ, m'ɔ nne man mín εjɔlɛ'n nni man'n, ɔ le yí ndεε ebuafɔε. Cian m'ɔ li sian nun anun, ninngɛ'n mɔ mɔn kekele εmɔ'n, yê be 'fa be bua yí ndεε ɔ.

49 Afɔ nán mín ngɔnmɔn mín tunmin yê m'an fa m'an han εjɔlɛ nun ɔ. Nan Siε'n m'ɔ svanlɔn mín'n, yí muonun yê ɔ heleli mín εjɔlɛ'n m'ɔ di mɔ mɔn kan'n, ɔ nɔn ninngɛ'n m'ɔ di mɔ mɔn kekele nun ɔ.

50 Yê mɔn sɔ ke like m'ɔ kɔ hele'n, ɔ man be nyan nguan m'ɔ le man ayueliε. Yí ti, mɔ mɔn kan mɔn kekele εmɔ'n, ke Siε'n heleli mín'n yê mɔn kan nun ɔ.”

Zozi 'ba nwunnzin yí menian'n-mɔ aja nun anwɔn

13

1 Mɔ anɔn Zufɔ'n-mɔ 'ba li bé fetɔ'n mɔ be fεle yí *Pakɔ'n, Zozi sɔ ke dɔε'n mɔ ɔ 'fa jasɔ asɔ εwa kɔ yí Sɔ anwɔn εlɔ nun a ju. Yí mele kaan'n m'ɔ lili yí asɔε nun asɔ εwa'n, ɔ hulolɔ yí menian'n-mɔ dede ɔ juli yí ayueliε.

2 Ehi, nɔsvaba nun, anɔn Zozi nɔn yí menian'n-mɔ lɔlɔ tɔbɔli nun anwɔn, be le didi. Simɔn Isikaliɔtɔ awa Zudasɔ wɔ bé nun εbele bie. ɔ 'ba yɔ sɔ'n kɔsv, anɔn *Abɔnsanmɔn nun a fa a wula Zudasɔ ahɔnlɔn nun dada ke ɔ yí Zozi mán.

3 Zozi diε, ɔ sɔ ke ɔ fi yí Sɔ anwɔn εlɔ yê ɔ walɔ ɔ, ɔ di ke ɔ sá hɔ yí nwɔn εlɔ. Eεε ɔ sɔ ke Nyanmɔn a fa ninngɛ'n kɔalaa a wula yí sa nun.

4 Anɔn Zozi wula taladiε nnyuan, kɔn wɔ yí bu yê kɔn wɔ sv. Zozi fi tɔbɔli nun anwɔn ɔ kɔ jasɔ, ɔ kɔ yɔ yí anwunno taladiε'n m'ɔ wula sɔ'n kɔ gua yí εbele, ɔ kɔ ha yí bu diε'n. ɔ kɔ fa duku kɔn ɔ kɔ kpe yí bu.

⁵ Ɔ kɔ hɔ kɔ kaci nzue kɔ gua basi kɔn anun, ebele ala, ɔ kɔ bɔ yɛ bu, ɔ le nwunnzin yɛ menian'n-mɔ aja nun anwɔn. Ɔ 'nwunnzin anɔn ɔ le fa duku'n m'ɔ kpe yɛ bu'n cici.

⁶ M'ɔ nwunnzinlin bɛ ja'n-mɔ anwɔn dede m'ɔ tɔli Simɔn Pɛli'n, Simɔn Pɛli nwan: “Yɛ Mɔn, wɔ yɛ ɛ 'nwunnzin mɔn ja nun anwɔn ɔ?”

⁷ Zozi nwan: “Like'n mɔ mɔn yɔ'n, ɛ nyan tɔli man yɛ bu, nan cɛn bie dede ɛ 'ba ti yɛ bu.”

⁸ Pɛli nwan: “Cɛcɛ, mɔn dɛ mɔn mman ɛ nnwunnzin man mɔn ja nun anwɔn lɛ.”

Mɔ Simɔn Pɛli hanlin sɔ'n, Zozi nwan: “Simɔn Pɛli, sɛ a mman m'an nnwunnzin man wɔ ja nun anwɔn an, anɔn ɛ nɔn mɔn le kpaci.”

⁹ Simɔn Pɛli nwan: “Sɛ yɛ sɔ a, anɔn nwunnzin mɔn sa'n-mɔ anwɔn nɔn mɔn ti nun asu buka su.”

¹⁰ Zozi nwan: “Svanlan m'ɔ kɔ bia kɔ yue'n, ɔ nwunnzin yɛ ja nun anwɔn ala anɔn ɔ'a yue, ɔ sanlin ke yɛ nwɔn ti bɔkɔ-bɔkɔ. Emɔ kɔsu, bɛ nwɔn a ti, kɔsu nɔn emɔ kwalatin ɔ.”

¹¹ Zozi sɛ svanlan'n m'ɔ le 'ba yɛ yɛ man'n, yɛ ti yɛ ɔ le kan ke nɔn bɛ kwalatin yɛ bɛ nwɔn a ti ɔ.

¹² M'ɔ nwunnzinlin bɛ ja'n-mɔ anwɔn yueli'n, ɔ falɔ yɛ taladiɛ'n m'ɔ yɛli'n ɔ wulali, ɔ sali hɔli lali tɔbɔli nun anwɔn. Yɛ nwan: “Like'n mɔ m'an yɔ emɔ'n, asu emɔ ti yɛ bu ɔ?”

¹³ Yɛ bu y'ɔ le ke, emɔ fele mɔn Kpain, eɛ emɔ fele mɔn Minlian, ɔ ti ananhɔle, ɔ sanlin ke n di yɛ sɔ sakpa.

¹⁴ Nan sɛ mɔn mɔ n di emɔ kpain, eɛ n di emɔ amin'n, sɛ m'an nwunnzin emɔ aja'n-mɔ anwɔn an, ɔ sɛ ke emɔ kɔsu anɔn kɔn biala nwunnzin ehɔlin-mɔ aja nun anwɔn.

15 M'an yɔ sɔ m'an hele emɔ ke emɔ kusɔ nían sɔ be yɔ bie be mán bé manngɔn'n-mɔ.

16 Nan mun kan yí ananhɔle mun kele emɔ ke akɔa'n tɪ man kpili ndala man yí mɪn'n. Yê sɔanlan mɔ be kɔ sɔan yí'n, ɔ tɪ man kpili ɔ ndala man sɔanlan'n m'ɔ sɔanlɪn yí'n.

17 Sian diɛ mɔ emɔ a tɪ yí sɔ'n, sɛ emɔ fa sɔ a, nyila 'kan emɔ.

18 “Nán emɔ kɔvalaa anwɔn ejɔle yê mun kan ɔ. Mun si emɔ mɔ m'an fele bé'n. Nan ejɔle'n mɔ *Ehele Ejɔle'n hanlɪn'n, ɔ di ke ɔ kpɪn sɔ. Be heleli ke:

*Sɔanlan'n m'ɔ nɔn mɪn le didi'n,
ɔ 'ba fa mɪn kaci yí kpɔfɔe.*

19 “Mun di mɔa mun kan ejɔle sɔ'n mun kele emɔ, yí diɛ, cɪan mɔ ninngɛ sɔ'n-mɔ eyɔle kɔ ju'n, anɪn emɔ de sɔanlan ehɔle kɔn'n mɔ n di'n di.

20 Mun kan yí ananhɔle mun kele emɔ ke, sɔanlan biala m'ɔ kɔ le sɔanlan mɔ n gɔ sɔan yí'n, anɪn mɪn muonun yê ɔ'a le mɪn ɔ. Yê m'ɔ kɔ le mɪn'n, anɪn ɔ tɪ ke sɔanlan'n m'ɔ sɔanlɪn mɪn'n yê ɔ'a le yí ɔ.”

Zozi 'ba han ke Zudasɪ 'ba yɪ yí man

(Matie 26.20-25, Maaki 14.17-21, Luku 22.21-33)

21 Mɔ Zozi hanlɪn sɔ yueli'n, yí lɔa bɔli yí nɔwɔn, nán ɔ'a se ke: “Mun kan yí ananhɔle mun kele emɔ ke emɔ anun kɔn 'ba yɪ mɪn maan be cɪ mɪn.”

22 Yí menian'n-mɔ anyɪn totua bé nyunnun, be nzɪ man sɔanlan'n mɔ Zozi le kan yí nɔwɔn ejɔle'n.

23 Zozi menian'n-mɔ anun kusɔ, kɔn wɔ nun, yí diɛ Zozi kulo yí kpa. Kɔn sɔ'n lali yí nɔwɔn ebele.

24 Ebele ala, Simɔn Pɪeli kɔ bɔ yí anyɪan ke ɔ bɪsa Zozi maan ɔ héle sɔanlan'n m'ɔ le kan yí ejɔle'n.

25 Kεmɔ sʋanlan sɔ'n kʋsʋ nzɪ man mɔ ɔ 'ba yɪ Zozi man'n, yɪ kʋsʋ ɔ kɔ fa yɪ ti kɔ bɔ Zozi anwʋn ɔ kɔ bisa yɪ kε: “Anɪn, Yé Mɪn, nwan sʋanlan dɪε ɔ?”

26 Zozi nwan: “Mɪn fa mɪn kpaʋn'n mɪn bɔ tolo nɪn anun, nan sʋanlan mɔ n gɔ fa n gɔ man yɪ'n, yɪ dein yɪ ɔ.” Kε yɪ nʋan 'tɔ ala, ɔ kɔ fa kpaʋn'n kɔ bɔ tolo nɪn anun ɔ kɔ man Simʋn m'ɔ fi Isikaliɔtɪ nɪn awa Zudasɪ.

27 Mɔ Zudasɪ 'de kpaʋn nɪn ala, *Abɔnsanmʋn, mɔ *ebele anɪε nɪn anun bε fεε yɪ *Satan'n, kɔ wʋlʋ yɪ nɪn. Nán Zozi a se yɪ kε: “Like'n mɔ ε 'yɔ'n, yɔ yɪ ndε-ndε.”

28 Like ati m'ɔ man ɔ hanlɪn sɔ'n, bε mɔ bε nʋn yɪ lε di alɪε'n, bε fɪí b'a ndɪ man yɪ bʋ.

29 Kεmɔ Zudasɪ yê ɔ fa bε esika'n sie'n, bε dɔʋn kpa bε jʋnlɪn kε Zozi nwan ɔ hɔ tó like mɔ bε 'fa bε di fetɪ'n, anaan ɔ hyé ehianfʋε'n-mɔ like.

30 Kε Zudasɪ leli kpaʋn nɪn ala, ɔ kɔ fite. Yɪ tɛmʋn sɔ nɪn anun, anɪn alíε lε san.

Zozi 'ba man yɪ menian'n-mɔ mala fɔfɔle

31 Kε Zudasɪ 'fite ala, Zozi nwan: “Sian dɪε, Nyanmɪan a wula *Mân Baa nɪn anunminnyanmʋn yê ɔ nanndɪ *Mân Baa nɪn asʋ, anunminnyanmʋn a han Nyanmɪan.

32 Sε ɔ nanndɪ Mân Baa nɪn asʋ anunminnyanmʋn a han Nyanmɪan an, Nyanmɪan kʋsʋ 'ba wula yɪ anunminnyanmʋn bie. ɔ 'ba yɔ yɪ sɔ kɪkaala.

33 “Mɪn mma-mɔ, mɪn 'tanlan εmɔ anwʋn εwa mεε kaan sʋa biegun. Εmɔ 'ba kpʋndε mɪn, nan mɔ n ganlɪn n geleli Zufʋ'n-mɔ, mɪn kan mɪn kele εmɔ kʋsʋ sian'n. Lɪka mɔ mɪn kɔ'n, εmɔ ngʋala man εlɔ bie kɔ.

³⁴ “Mun man emɔ mala fufɔle: emɔ hulo bé nwon. ɔ se ke emɔ kulo bé nwon ke m gbinlin n guloli emɔ'n.

³⁵ Se emɔ kulo bé nwon an, menian'n-mɔ kwalaa 'ba nwun ke emɔ ti mín menian sakpa.”

*Zozi 'ba han ke Pielɔ 'ba se ke ɔ nzi man yí
(Matie 26.31-35, Maaki 14.27-31, Luku 22.31-34)*

³⁶ Mɔ Zozi hanlin sɔ'n, Simɔn Pielɔ kɔ bisa yí ke: “Yé Mun, anin nin kpa yê e le kɔ ɔ?”

Zozi nwan: “Lika mɔ mun kɔ'n, e ngvɔla man mín sɔ si kikaala, nan cian bie dede e 'ba kpu mín.”

³⁷ Pielɔ nwan: “Yé Mun, nzuke ati yê mun ngvɔla man wɔ sɔ si kikaala ɔ? Wɔ dunman nun, se ɔ di mɔ mun wu bɔbɔ a, mun 'wu.”

³⁸ Ehi a, Zozi nwan: “Pielɔ, asu wɔ nwan e 'wu mín dunman nun sakpa? Nan nian, mun kan yí ananhɔle mun kele wɔ ke ɔ non dede mɔ akɔ'n 'bɔ kokolokoo'n, anin a han yí fã nsan ke e nzi man mín.”

14

Atin'n mɔ be fa be kɔ Siε nin anwon elɔ'n y'ɔ le Zozi

¹ Mɔ Zozi hanlin sɔ yueli'n, εε ɔ kɔ kpe yí nyin yí menian'n-mɔ elɔ, yí nwan: “Nán be man bé lɔa bɔ bé nwon, emɔ lé Nyanmian be lí, εε emɔ lé mín kusɔ be lí.

² Mín Si awulo elɔ, dabele ngɔnmun wɔ ebele. Mun 'kɔ a sesie lika mun man emɔ. Se ɔ ti man sɔ a, ahan n ganlin n geleli emɔ.

³ Se mun kɔ nán mun sesie lika'n yue a, mun 'sa mun ba, mun fa emɔ mun kɔ, nán lika mɔ n di'n, emɔ kusɔ tanlan ebele bie.

⁴ Lika mɔ mun kɔ'n, emɔ si yí atin'n.”

⁵ Mɔ Toma tili ejɔle sɔ'n, yí nwan: “Yé Mɔn, ye nzi man lika mɔ e le kɔ'n, ɔ 'yɔ se nán y'a nwun yí atin'n?”

⁶ Ehi a, Zozi kɔ bua yí ke: “Atin'n, nun ananhɔle'n nun ngvan'n y'ɔ le mín muonun. Svanlan fíi ngvɔala man ke ɔ sin lika fɔfɔle ɔ kɔ mín Si anwɔn elɔ sannan ɔ 'nanndi mín su.

⁷ Se ɔ ti ke emɔ si mín an, ahan emɔ 'si mín Si. Kusɔ kikaala die, emɔ a nwun yí, emɔ si yí.”

⁸ Filipɔ nwan: “Yé Mɔn, kele yé Si'e'n nán man yé ahɔnlɔn tó yé kunnun.”

⁹ M'ɔ hanlɔn sɔ'n, Zozi nwan: “Filipɔ, yí ti, dada angɔnmun ehi mɔ mɔn nun emɔ ti ewa'n, e nzi man mín? Svanlan m'ɔ kɔ nwun mín'n, anɔn ɔ'a nwun mín Si, nan nzuke ati yê wɔ nwan n géle emɔ Si'e'n?”

¹⁰ E nne nni man ke n wɔ Si'e'n nun anun yê Si'e'n kusɔ wɔ mín nun ɔ? Ejɔle'n mɔ mɔn kan mɔn kele emɔ kɔalaatin ewa'n, ɔ fi man mín muonun. Si'e'n m'ɔ wɔ mín nun'n yê ɔ le di junman sɔ nun ɔ.

¹¹ Se mɔn kan ke n wɔ Si'e'n nun anun yê Si'e'n kusɔ wɔ mín nun an, emɔ lé lí. Se yí bɔbɔ emɔ nne nni man an, emɔ nían asinbenwɔn ninng'e'n mɔ mɔn yɔ'n nán be lé be lí.

¹² Mɔn kan yí ananhɔle mɔn kele emɔ ke svanlan biala m'ɔ de mín di'n, asinbenwɔn ninng'e'n mɔ mɔn yɔ'n, yí kusɔ ɔ 'yɔ bie. Yí die'n bɔbɔ mɔ ɔ 'yɔ'n, ɔ 'tala mín die'n. ɔ sanlɔn ke mɔn kɔ Si'e'n nun anwɔn elɔ.

¹³ Like biala mɔ emɔ kɔ seɛle wɔ mín dunman nun'n, mɔn 'fa mɔn man emɔ, nán ɔ nanndi Baa nun asɔ menian'n-mɔ kwalaa a wula Si'e'n nun anunminnyanmun.

¹⁴ Emɔ seɛle like biala wɔ mín dunman nun an, mɔn 'yɔ mɔn man emɔ.”

Zozi 'ba han Wawε Nwannzan-nwannzan nin anwɔn ejɔle

¹⁵ Εσε Zozi Nwan: “Σε εμɔ kulo mίν sakpa a, εμɔ lí mίν mala nin asɔ.

¹⁶ Mίν 'ba σεε mίν Sι maan ɔ man εμɔ *Bukafɔε fɔfɔλε m'ɔ nɔn εμɔ 'tanlan dahuu.

¹⁷ Ɔ ti Wawε m'ɔ kan ananhɔλε. Mân nin anun menian'n-mɔ mɔ be nne man mίν be nni man'n, be ngɔala man ke be nyan yí, ɔ sanlɔn ke be nnwun man yí, εσε be nzi man yí. Nan εμɔ die, εμɔ si yí, ɔ sanlɔn ke ɔ nɔn εμɔ y'ɔ ti ɔ, εσε ɔ 'ba tanlan εμɔ anun.

¹⁸ Mίν ngɔ yaci man εμɔ angɔnmín ke awusian. Nan mίν 'ba sa mίν ba εμɔ anwɔn biegun.

¹⁹ Ɔ'a ha mεε kaan bie, mân nin anun menian'n-mɔ ngɔ nwun man mίν kún. Nan εμɔ die, εμɔ 'ba nwun mίν. Kemɔ mίν lɔlɔ n di asi'n, εμɔ kusɔ 'ba nyan nguan be tanlan asi bie.

²⁰ Σε cian sɔ'n ju a, εμɔ 'ba nwun ke n wɔ mίν Sι anun, εμɔ wɔ mίν nun, yê mίν kusɔ n wɔ εμɔ anun.

²¹ Like mɔ mún kekele εμɔ'n, sɔanlan mɔ yí nyɔn kɔ sɔ yí m'ɔ kɔ fa kɔ sie'n, yí yê anin mún si ke ɔ kulo mίν ɔ. Sɔanlan sɔ'n, mίν Sι 'kulo yí, mίν kusɔ mún 'kulo yí, mún 'yí mίν nwɔn mún kele yí.”

²² Mɔ Zudɔ (nán Zudasɔ Isikaliɔti ɔ) tɔlɔ ejɔle sɔ'n, yí nwan: “Yé Mίν, ɔ yɔ σε mɔ wɔ nwan ε nyi man wɔ nwɔn ε ngele man mân nin anun menian nga'n-mɔ mɔ be nne wɔ be nni man'n, nan yé ngɔnmín ala yê ε 'yí wɔ nwɔn kele yé'n?”

²³ Εχι a, Zozi kɔ bua yí ke: “Sɔanlan m'ɔ kulo mίν'n, ɔ di mɔ mún kan nin asɔ. Mún Sι 'kulo yí, εσε mún nɔn mίν Sι ye 'ba yí nwɔn nán ye nɔn yí tanlan.

²⁴ Sɔanlan m'ɔ ngulo man mίν'n, mɔ mún kan'n, ɔ nni man sɔ. Ejɔle kwalaa mɔ εμɔ ti ke mún kan'n,

ɔ fi man mɪn muonun, nan Siɛ'n m'ɔ sɔanlɪn mɪn'n, yɪ yɛ ɔ lɛ kan ɔ.

²⁵ “Mun kan ejɔlɛ sɔ'n mun kele emɔ wɔ abɛlɛ mɔ n de wɔ emɔ afian ɛwa'n.

²⁶ Nan mɪn dunman nun Siɛ'n 'ba sɔan *Bɔkafɔɛ'n, Wawɛ Nwannzan-nwannzan'n. ɔ 'ba hehele emɔ ninngɛ'n-mɔ kɔalaatin ɛsɛ ɔ 'ba man emɔ ati kacɪ ejɔlɛ'n kɔalaatin mɔ m'an han m'an hele emɔ'n.

²⁷ Mun yaci emɔ albacɪcɪɛ nun. Mɪn albacɪcɪɛ dɪɛ'n yɛ mun fa mun man emɔ ɔ. Albacɪcɪɛ'n mɔ mun fa mun man emɔ'n, ɔ nɔn eyuadi nun anun dɪɛ'n ti man kɔn. Nán bɛ man bɛ lɔa bɔ bɛ nwɔn, ɛsɛ nán bɛ sulo.

²⁸ “Emɔ a ti mɔ m'an han'n. M'an han m'an hele emɔ kɛ mun kɔ, nan kɔsɔ mun 'ba sa mun ba emɔ anwɔn biekun. Sɛ ɔ ti kɛ emɔ kulo mɪn sakpa a, ahan Siɛ nun anwɔn ɛlɔ mɔ mun kɔ'n, emɔ 'di yɪ nwɔn fɛ kpa. ɔ sanlɪn kɛ Siɛ'n ti kpili tala mɪn.

²⁹ M'an li mɔa m'an han ninngɛ sɔ'n-mɔ kɔalaa anwɔn ejɔlɛ m'an hele emɔ asannan nán bɛ eyɔlɛ tɛmɔn nun a ju sɔ. Yɪ dɪɛ, anɪn cɪan m'ɔ kɔ ju sɔ'n, emɔ de mɔ n ganlɪn'n bɛ dɪ.

³⁰ Mɪn nɔn emɔ yɛ lɛ njɔjɔ man dɔɔn kɔn. ɔ sanlɪn kɛ mán ɛhɪ asɔ kpain'n lɛ ba. ɔ le man tunmin fɪí wɔ mɪn sɔ.

³¹ Nan ɔ fata kɛ menian'n-mɔ nwun yɪ kɛ mun kulo Siɛ'n yɛ like mɔ mɪn Sɪ kɔ hele mɪn kɛ n yɔ'n yɛ mun yɔ ɔ. Yɪ ti, bɛ jásɔ maan yɛ hɔ.”

15

Divɪn baka kpa'n y'ɔ le Zozi

¹ Mɔ Zozi hanlɪn sɔ yuelɪ'n, ɛsɛ yɪ nwan: “Divɪn baka kpa'n y'ɔ le mɪn yɛ mɪn Sɪ y'ɔ ti divɪn baka sɔ nun ɛnɪanfɔɛ nɪn ɔ.

² Mín sa baa biala m'ò nzu man baa'n, mín Sɪ 'ko tɔ. Nan nunhan m'ò su'n, ɔ kpikpe nun kanlanman ɔ man ɔ yɔ kpa, nán ɔ'a hɔala mma biekun dɔɔn su.

³ Nan emɔ diɛ, ninnge'n-mɔ mɔ n geleli emɔ nun ati, emɔ anwɔn a ti dada angɔnmɪn.

⁴ Yí sɔ ati, emɔ fá bé nwɔn bɛ bó mín, nán mín kɔsɔ, mɪn nun emɔ a tanlan dahuu. Divɪn baka nun asa baa'n m'ò tua man yí nwɔn'n, ɔ ngɔala man baa su. Emɔ kɔsɔ, sɛ emɔ a nva man bé nwɔn b'a mmɔ man mín an, emɔ ngɔala man like kpa fíí yɔ.

⁵ “Divɪn baka'n y'ò le mín, yê mín sa mma'n-mɔ y'ò le emɔ. Nunhan mɔ ɔ'a fa yí nwɔn ɔ'a bɔ mín, m'ò nɔn mín ti daa, mɔ mín kɔsɔ mɪn nɔn yí ti'n, ɔ 'yɔ nyɔliɛ kpa dɔɔn. Afɪ sɛ n nnɔn man nun an, emɔ ngɔala man like kpa fíí yɔ.

⁶ Sɔanlan biala mɔ ɔ'a nva man yí nwɔn ɔ'a mmɔ man mín'n, anɔn ɔ ti kɛ baka nun asa baa'n mɔ b'a kpe b'a tɔ. ɔ 'yɔi bɛ fa bɛ tɔ sɪn nun bɛ yala yí.

⁷ Sɛ emɔ fa bé nwɔn bɛ bɔ mín, nán emɔ di mín ɛjɔlɛ nun asɔ a, emɔ sɛlɛ like biala mɔ emɔ kulo nun an, emɔ 'nyan yí.

⁸ Sɛ emɔ yɔ nyɔliɛ kpa dɔɔn an, ɔ ti mín Sɪ anun-minnyanmɔn ɛsɛ ɔ kele kɛ emɔ ti mín menian sakpa.

⁹ “Mɪn kulo emɔ kɛ mín Sɪ kulo mín'n. Yí ti, emɔ mán n gúlo bé daa.

¹⁰ Kɛ mɪn di mín Sɪ mala nun asɔ m'ò kulo mín'n, mín kɔsɔ, sɛ emɔ di mín mala nun asɔ a, mɪn 'kulo emɔ cɪan daa.

¹¹ M'an han sɔ m'an hele emɔ maan emɔ di fɛ nán ɛsɛ emɔ fɛ elie'n yɔ kpili kɛ mín diɛ'n.

¹² Mɪn mala'n y'ò le kɛ emɔ húlo bé nwɔn kɛ mɪn kulo emɔ'n.

13 Ehulo kpili kpa'n y'ɔ le sɔanlan m'ɔ wu yí manngɔn'n-mɔ dunman nun'n.

14 Se emɔ yɔ ninng'e'n mɔ m'an hele emɔ nun an, anin emɔ ti mín manngɔn.

15 Mɔn mmu man emɔ ke mín ngɔa. ɔ sanlɔn ke mɔnlian ngan man yí nwɔn ejɔle kwalaa ɔ ngele man yí akɔa ke m'an yɔ yí'n. Mɔn bu emɔ ke mín manngɔn. ɔ sanlɔn ke ninng'e'n kwalaaatin mɔ mín Sɪ heleli mín'n, m'an hele emɔ.

16 Nán emɔ yê b'a feleli mín b'a sie mín bé kpain ɔ. Nan mín muonun yê m'an fele emɔ mín nwɔn m'an wula emɔ junman nun ɔ. M'an yi emɔ ke emɔ hó, be hó lí junman be sú mma m'ɔ nzeci man lé. Like biala mɔ emɔ kɔ sele mín Sɪ wɔ mín dunman nun'n, ɔ 'fa man emɔ.

17 Like mɔ mun kpɔnnɔde emɔ elɔ'n y'ɔ le ke emɔ húlo bé nwɔn.”

Mân nun anun menian'n-mɔ kpɔ Zozi nɔn bé mɔ be de yí be di'n

18 Mɔ Zozi tuli yí menian'n-mɔ fɔɔ yueli'n, ɔ kɔ han kɔ hele bé biekun ke: “Se eyuadi'n kpɔ emɔ a, emɔ nwún yí ke be lili mɔa be kpɔli mín.

19 Se emɔ ti eyuadi'n die lili a, ahan eyuadi nɔn anun menian'n-mɔ kulo emɔ ejɔle, ɔ sanlɔn ke bé bie y'ɔ le emɔ. Nan kemɔ m'an nɔan eyuadi nɔn anun m'an yi emɔ, mɔ emɔ ti man eyuadi'n die kón'n, yí ti yê be kpɔ emɔ ɔ.

20 Emɔ káci mɔ n ganlɔn n geleli emɔ'n: ‘Akɔa biala ti man kpili ndala man yí mɔn'n’. Nan se b'a hele mín ahɔlɔwa a, be 'kele emɔ kɔsɔ bie. Se bé nyɔn sɔli mín ninng'e'n mɔ n geleli bé nun an, ahan bé nyɔn 'sɔ emɔ kɔsɔ die'n.

21 Mín dunman nun ati, be 'fa ninngé sò'n kwalaa be yò emò, ò sanlín ké be nzí man sʋanlan'n m'ò sʋanlín mín'n.

22 Sɛ ò tí ké m'an mma a ngan man ejòlé fíí m'an ngele man bé a, ahan bé nwɔn saun. Nan sian díe, mò m'an a a han ejòlé m'an hele bé, mò b'a nne b'a nni man'n, be nva man bé ete'n be nje man bé lé.

23 Sʋanlan m'ò kpò mín'n, anin ò kpò mín Sɪ.

24 Junman'n mò sʋanlan fíí lili man bie mân ehi anun lé'n, sɛ m'an nni man bie bé afian ewa a, ahan bé nwɔn saun. Nan sunnzun mò b'a nwun asinbenwɔn ninngé'n kwalaa mò m'an yò'n, be tɛ kpò mín nɔn mín Sɪ.

25 Ehiika kwalaa yòli sò, ò man ejòlé'n mò be heleli wò bé *Mala kalata nin anun'n kpɪnlɪn sʋ. Be heleli yí ké: *B'a kpò mín mgban.*

26 “Mín manngɔn-mò, *Bukafue'n mò mɪn 'ba sʋan yí'n, ò fí Sɪe nin anwɔn elò yê ò 'ba ò. Yí y'ò le Wawe'n mò kan ananhòlé'n. Sɛ ò ba a, ò 'ba lí mín nwɔn adanzíe.

27 Yê emò kʋsʋ 'ba lí mín nwɔn adanzíe, ò sanlín ké mɪn 'bò mín junman nin abʋ'n, emò nɔn mín yê ye sanlín nun ò.

16

1 “Mɪn kacɪ emò ké be lé 'ba hele emò ahɔlɔwa, yí díe sɛ mɛlé'n ju sʋ a, anin emò mminlín man bé dedi'n.

2 Be 'ba fʋan emò Zufʋ'n-mò asɔnin sua'n-mò anun. Eɛɛ bɔbɔ, ò 'ba ju mɛlé'n bie, bé mò be lé kun emò'n 'ba se ké anin be lé sʋ Nyanmian sʋa.

3 Be 'yò emò sò, ò sanlín ké be nzí man Sɪe'n, eɛɛ be nzí man mín.

4 Nan mun kan so mun kele emo, yi die cian mo be 'yo emo so'n, anin emo kaci ke n ganlin n geleli emo. M'an ngan m'an ngele man emo daba, afi anin mun nun emo yo san o.

Zozi 'ba han Wawe Nwanzan-nwanzan'n

junman nun anwon ejole

5 "Sian die, mun sa mun ko swanlan'n m'o swanlin min nun anwon elo, nan kusu emo mmisa man min ke: 'E le ko nin?'

6 Kemo m'an han m'an hele emo ke mun ko'n, emo alba a bo be nwon kpa.

7 Nan kusu mun kan yi ananhole mun kele emo ke o ti kpa man emo ke n go. Afi se m'an ngo man an, Bukafue'n ngo a man emo anwon. Nan se mun ko a, mun 'ba swan yi emo anwon.

8 Se o ba a, o 'yi ninng'e'n-mo yuein yuein kele eyuadi amma'n. Ninng'e so'n-mo, kun yo le ete eyole'n, kun yo le sese eyole'n, ye kun kusu yo le ndee ebua'n mo Nyanmian 'ba bu'n.

9 O 'ba hele be ke b'a yo ete, o sanlin ke b'a nne man min b'a nni man.

10 Ye, kemmo mun ko Sie nun anwon elo mo emo ngo nwun man min kun'n, o 'ba hele be ke sese eyole ye Sie'n le kponnde o.

11 Afi, ndee ebua'n mo Nyanmian 'ba bua'n yo le ke o'a bua man ehi aso kpain'n ndee dada angonmin.

12 "N ne ejole doun m'o fata ke mun kan mun kele emo, nan kusu emo ngwala man yi kwalaa fa sie kikaala.

13 Nan se Wawe'n m'o kan ananhole'n ba a, o 'ba hele emo ananhole atin'n. Nan yi ngonmun yi ti anun ejole ye o 'kan kele emo o, nan mo o'a ti o nun

mɔ ɔ 'ba a mân nun anun nun anwɔn ejɔle yê ɔ 'kan kele emɔ ɔ.

¹⁴ Ɔ 'ba wula mɔn anunminnyanmun, ɔ sanlin ke m'ɔ kɔ nwun yɔ mɔn nwɔn'n, yɔ nwɔn ejɔle yê ɔ 'kan kele emɔ ɔ.

¹⁵ Ninnge kwalaa mɔ mɔn Si le'n ti mɔn die. Yɔ sɔ ati yê ɔ man mun kan ke mɔ Wawɛ Nwannanzan-nwannan'n kɔ nwun yɔ mɔn nwɔn'n, yɔ nwɔn ejɔle yê ɔ 'kan kele emɔ ɔ."

Zozi 'ba han kele yɔ menian'n-mɔ ke

bé alvabɔ'n 'ba kaci fɛ elie

¹⁶ Ɛsɛ Zozi nwan: "Ɔ ngɔ hyɛ man, emɔ le mma nnwun man mɔn kɔn, ɔ cɛ kaan an, emɔ 'ba nwun mɔn biekun."

¹⁷ Mɔ yɔ menian'n-mɔ tɔli ejɔle sɔ'n, mmie-mɔ le kan yɔ bé afian ebɛle ke: "Anɔn ejɔle ehi, yɔ bu y'ɔ le benin? Ɔ le kan kele yɛ ke: 'Ɔ ngɔ hyɛ man, emɔ le mma nnwun man mɔn kɔn, ɛsɛ ɔ cɛ kaan an, emɔ 'ba nwun mɔn biekun,' ɛsɛ yɔ nwan: 'Mun kɔ mɔn Si anwɔn elɔ.'"

¹⁸ Bé nwan: "Ɔ ngɔ hyɛ man,' anɔn ejɔle ehi m'ɔ le kan'n, yɔ bu y'ɔ le benin? M'ɔ le kan'n, yɛ die ye ndi man yɔ bu."

¹⁹ Mɔ Zozi nwunlin ke be le kpɔnnɔde be bisa yɔ ejɔle'n, ɔ kɔ se bé ke: "Kɛmɔ m'an han ke: 'Ɔ ngɔ hyɛ man emɔ le mma nnwun man mɔn kɔn, ɛsɛ ɔ cɛ kaan an, emɔ 'ba nwun mɔn biekun,' yɔ ti yê emɔ le bisa bé nwɔn kosuan'n?"

²⁰ Mun kan yɔ ananhɔle mun kele emɔ ke emɔ le 'ba sun bé nyɔn emɔn be yɔ awɔle. Nan eyuadi amma'n-mɔ mɔ be nne man mɔn be nni man'n, be 'ba li fɛ. Emɔ alba 'ba bɔ bé nwɔn, nan kɔsu emɔ alvabɔ'n 'ba kaci fɛ elie.

21 Σε balasua kũn n̄wũnn̄zε dede n̄n̄n̄ ɔ 'ba wũ a, an̄n̄n̄ yí l̄ba a b̄ɔ yí n̄wũn̄. Ɔ sanl̄n̄ kε an̄n̄n̄ yí yal̄ε elie m̄el̄ε n̄n̄n̄ a ju. Nan s̄ε ɔ wũ yue a, an̄n̄n̄ yí l̄ba a fi yí yal̄ε'n̄ m̄ɔ ɔ'a n̄wũn̄ yí'n̄. Ɔ sanl̄n̄ kε ɔ'a wũ baa kũn̄ ɔ'a t̄v̄ as̄iε n̄n̄n̄ as̄v̄.

22 Yí s̄ɔ k̄ũs̄v̄ ala, kε yε w̄ɔ nun'n̄, εm̄ɔ al̄va a b̄ɔ b̄é n̄wũn̄, nan m̄ɔ yε 'ba n̄wũn̄ yé n̄wũn̄ bīekun'n̄, εm̄ɔ 'ba li f̄ε k̄pa, s̄vanlan̄ f̄í nḡɔ h̄vala man̄ εm̄ɔ f̄ε elie'n̄ yl̄.”

23 M̄ɔ Zozi hanl̄n̄ s̄ɔ yuel̄'n̄ εs̄ε yí n̄wan: “S̄ε cian̄ s̄ɔ'n̄ ju a, an̄n̄n̄ εm̄ɔ mm̄isa man̄ m̄ín like f̄í an̄wũn̄ kosuan̄ k̄ón. M̄un̄ kan̄ yí an̄anh̄ɔε m̄un̄ kele εm̄ɔ kε like biala m̄ɔ εm̄ɔ k̄ɔ s̄el̄ε w̄ɔ m̄ín dunman̄ nun'n̄, Siε'n̄ 'fa man̄ εm̄ɔ.

24 Kε m̄ m̄ɔli m̄ín junman̄ n̄n̄n̄ ab̄v̄ dede m̄ɔ ɔ'a ju b̄iɔɔ'n̄, εm̄ɔ s̄el̄el̄i man̄ like f̄í w̄ɔ m̄ín dunman̄ nun̄. εm̄ɔ s̄él̄ε, n̄n̄n̄ εm̄ɔ asa 'kan̄ yí. S̄ε εm̄ɔ asa kan̄ yí a, εm̄ɔ 'di f̄ε kp̄ili k̄pa.

25 “M'an̄ bu ej̄ɔε s̄ɔ'n̄-m̄ɔ k̄valaa anȳn̄ndala nun̄, m'an̄ hele εm̄ɔ. Nan ɔ 'ba ju m̄el̄ε'n̄ bie, m̄un̄ nḡɔ mm̄u man̄ yí anȳn̄ndala nun̄ k̄ón, nan m̄un̄ 'kan̄ m̄ín Si an̄wũn̄ ej̄ɔε'n̄ yuein̄ yuein̄ m̄un̄ kele εm̄ɔ.

26 Cian̄ s̄ɔ'n̄ ju a, yí k̄valaa m̄ɔ εm̄ɔ 'ba s̄el̄ε Siε'n̄, εm̄ɔ 'ba s̄el̄ε w̄ɔ m̄ín dunman̄ nun̄. M̄un̄ mm̄v̄t̄v̄ man̄ m̄ín Si'n̄ b̄ɔb̄ɔ n̄n̄n̄ ɔ'a fa ɔ'a man̄ εm̄ɔ.

27 Ɔ sanl̄n̄ kε, Siε'n̄ muonun̄ kulo εm̄ɔ. Ɔ kulo εm̄ɔ, af̄i εm̄ɔ kulo m̄ín, yê εm̄ɔ de di kε n̄ vi Nyanm̄ian̄ an̄wũn̄ εl̄ɔ yê m̄ mal̄i ɔ.

28 N̄ vi Siε n̄n̄n̄ an̄wũn̄ εl̄ɔ yê m̄ mal̄i m̄ân n̄n̄n̄ an̄un̄ ɔ. Sian̄'n̄ m̄un̄ jas̄v̄ m̄ân n̄n̄n̄ an̄un̄ m̄un̄ k̄ɔ Siε n̄n̄n̄ an̄wũn̄ εl̄ɔ.”

29 M̄ɔ yí menian̄'n̄-m̄ɔ t̄li yí s̄ɔ'n̄, b̄é n̄wan: “Sian̄ diε, ε l̄ε kp̄ac̄i nun̄ yuein̄ kan̄ kele yé, ε mm̄u man̄ yí anȳn̄ndala nun̄ k̄ón.

³⁰ Sian diε, ye si ke ε si ninng'e'n kvalaatin, ε nnwɔnnde man maan ye mmisa man wó bie anwɔn kosuan bɔbɔ nán a bua yé. Ehi ati, ɔ man ye de ye di ke ε fi Nyanmian elɔ sakpa.”

³¹ Zozi nwan: “Sian'n emɔ de di?”

³² Yaa! Mɛlɛ'n lɛ ba, ɔ'a ju bɔbɔ a yue, emɔ 'ba bɔ asanndiε be yaci mín ngɔnmɪn, emɔ anun kɔn biala 'ba nwanndi fia. Nan kusɔ cɛcɛ, ɔ nga man mín ngɔnmɪn, ɔ sanlɪn ke Siɛ'n nɔn mín y'ɔ ti ɔ.

³³ “Mɪn kan sɔ mɪn kele emɔ, nán mɪn man emɔ nyan albaciε, afi emɔ nɔn mín a yɔ kɔn. Emɔ lɛ 'ba nwun yalɛ mân nin anun, nan kusɔ emɔ bó mɔndɪnlɪn, nán be man bé nwɔn bubu bé, ɔ sanlɪn ke m'an li eyuadi nin asɔ kunnunmun.”

17

Zozi 'ba yɔ asɔnɪn man yímenian'n-mɔ

¹ Mɔ Zozi hanlɪn ehi yueli'n, ɔ kɔ tɔ yí nyɪn anwunno, yí nwan: “Mín Si, dɔε nin a ju. Wula wó Wa nin anunminnyanmɔn maan yí kusɔ ɔ wúla wó bie.

² Afi, a man yí tunmin dasannin biala asɔ ke bé mɔ a fa bé a man yí'n, ɔ mán be nyán ngɔn m'ɔ le man ayueliε'n.

³ Ngɔn m'ɔ le man ayueliε'n, y'ɔ le ke be nwún wó mɔ ε ti ananhɔlɛ Nyanmian'n kɔnmgbɔ cein, ɔ nɔn Zozi Kilisi, mɔ a sɔan yí'n.

⁴ M'an wula wó anunminnyanmɔn asɛ nin asɔ εwa. ɔ sanlɪn ke junman'n mɔ a fa a man mín ke n ní'n, m'an yue yí di.

⁵ Afi kɪkaala diε, Mín Si, anunminnyanmɔn'n mɔ anɪn n ne yí wó nwɔn elɔ asannan nán a sesie

mân'n, maan n nyán yí kũnmgba sɔ'n wɔ wɔ nyun-nun.

6 “Menian'n-mɔ mɔ a fa bé a man mín asɪe nɪn asu ɛwa'n, m'an man b'a nwun wɔ. Bɛ ti wɔ diɛ, yê a fa bé a man mín. Bé kɔsu, b'a li wɔ ɛjɔɛ nɪn asu.

7 Sian'n, b'a nwun kɛ yí kwalaa mɔ a fa a man mín'n, ɔ fi wɔ ɛɔ.

8 ɔ sanlɪn kɛ ɛjɔɛ'n mɔ a fa a wula mín sa nun'n, mín kɔsu m'an fa m'an wula bé sa nun, yê b'a sɔ nun. B'a nwun yí kɛ n vi wɔ nwɔn ɛɔ sakpa, yê b'a le b'a li kɛ a sɔan mín.

9 “Mɪn yɔ asɔnɪn wɔ wɔ dunman nun mɪn man bé. Mɪn nyɔ man asɔnɪn mɪn mman man eyuadi'n. Nan bé mɔ a fa bé a man mín'n, bé ti asɔnɪn yê mɪn yɔ ɔ. ɔ sanlɪn kɛ bɛ ti wɔ diɛ.

10 Like biala mɔ ɛ le yí'n ti mín diɛ, mín kɔsu mín diɛ'n kwalaa ti wɔ diɛ. Bɛ nwun mín anunmin-nyanmun'n wɔ bé nun.

11 Mín diɛ m'an jasɔ mân nɪn anun a yue, nan bé diɛ, bɛ tɛ wɔ nun. Mín diɛ mɪn ba wɔ nwɔn ɛɔ. Siɛ Nwannzan-nwannzan, wɔ dunman'n mɔ tunmin wɔ nun'n, fa nɪan bé mɔ a fa bé a man mín nɪn asu, maan bɛ yɔ kɔn kɛ mɪn nɔn wɔ, yɛ ti kɔn'n.

12 Mɔ anɪn mɪn nɔn bé wɔ mân nɪn anun'n, mɪn nɪan bé sɔ wɔ wɔ dunman nun. N nɪanlɪn bé sɔ kpa, bé bie fíí a mminlin man, sannan sɔanlan'n m'ɔ sɛ kɛ ɔ mínlin nán *Ehɛɛ ɛjɔɛ'n nɪn a kpɪn sɔ'n.

13 “Sian'n, mɪn ba wɔ nwɔn ɛɔ, nan kɛmɔ n dɛ wɔ mân nɪn anun ɛwa'n, yí ti yê ɔ man mɪn kan sɔ maan bɛ di fɛ kpili kpa kɛ mín nɪn ɔ.

14 M'an fa wɔ ɛjɔɛ'n m'an man bé, yê mân nɪn anun menian'n-mɔ lɛ kpɔ bé, ɔ sanlɪn kɛ bɛ ti kɛ mín, bɛ ti man mân ɛhɪ anun menian.

15 Mũn nzele man wó ke e yí bé fi mân nun anun, nan mín nwan e nían bé su, n'è man *Abòsanmòun nyan bé.

16 Bè ti ke mín, kemò n di man mân ehi anun svanlan'n, bé kusò, bè ti man mân ète ehi anun menian.

17 Kemò wó nun ejòle'n ti ananhòle'n, nanndi ananhòle nun asu maan bè káci wó menian kpa bókò.

18 Mũn svan bé mân nun anun ke e svanlun mín'n.

19 Bé dunman nun ati, mũn fa mín nwun mũn wula wó sa nun kpa bókò maan bé kusò bè kaci wó menian kpa bókò.

20 “Nán ke bé ngunmun bé ti ala yê mũn sele wó ò, nan bé kwalaa mò mín menian'n-mò kò han ejòle kò hele bé mò bè kò le bè kò li'n, mũn sele wó mũn man bé kusò.

21 Mũn sele wó ke e mán bè yó kun. Mín Si, man bè nun yé, ye yó kun ke mũn nun wó, ye ti kun'n. Man bè yó kun nán eyuadi nun a le a li ke wó yê e svanlun mín ò.

22 Anunminnyanmòun'n mò e falı manlun mín'n, m'an fa m'an man bé, yí diè anun bé kwalaa bè yó kun ke mũn nun wó ye ti kun'n.

23 Man mũn nun bé, ye yó kun ke wó kusò e nun mín, ye ti kun'n. Man bè yó svanlan kun bókò, nán eyuadi nun a nwun ke a svan mín, esè e kulo bé ke e kulo mín'n.

24 “Mín Si, kemò a fa bé a man mín'n, mín kusò mũn kulo ke lika mò n di'n, bé kusò bè tanlan ebele bie, nán b'a nwun mín anunminnyanmòun'n, anunminnyanmòun'n mò e falı manlun mín'n. Ò sanlun ke e lili mò a e hulolı mín asannan nán a sesie mân'n.

25 Mın Si, wó mɔ ε ti sɛsɛfʊɛ, eyuadi amma'n nzi man wó, nan mın diɛ, mın si wó. Yê mın menian'n-mɔ kʊsʊ si ke a sʊan mın.

26 M'an man b'a nwon wó, ɛɛ mın 'ba man bɛ nwon wó kpa biekun. Yı diɛ, anın ehulo'n mɔ ε kulo mın'n tanlan bɛ nun, nán mın kʊsʊ mın nun bɛ a yɔ kʊn."

18

Zufv mgbain'n-mɔ 'ba man bɛ ci Zozi

(Matie 26.47-56, Maaki 14.43-50, Luku 22.47-53)

1 Mɔ Zozi sɛleli nzɛɛ sɔ'n m'ɔ yueli'n, ɔ nun yı menian'n-mɔ bɛ hɔli asue baa'n mɔ bɛ fɛɛ yı Sedʊnlɔn nun anzin ɛɔ. Asue sɔ'n mantan Zoluzalɛmʊn. Yı nzin ɛɔ, tola kʊn wɔ ɛbɛɛ, ɔ nun yı menian'n-mɔ hɔli wʊlʊli nun.

2 Zudası mɔ ɔ 'ba yı yı man'n, ɔ si lika sɔ'n, afi ɔ yɔ a, Zozi nun yı menian'n-mɔ kɔ yia ɛɔ.

3 Yı ti, Zudası li *Lɔmʊn nun Zufv nzalafv dɔʊn anyunnun, bɛ kɔ a kɔ ju ɛbɛɛ. Zufv nzalafv sɔ'n-mɔ, Nyanmian *tɛɛyifvɛ mgbain'n-mɔ nun *Falisifvɛ'n-mɔ yê bɛ yili bɛ ɔ. Mɔ bɛ 'ba'n, bɛ le kʊan ninngɛ, kanlanniɛ nun tɛɛ.

4 Nan Zozi diɛ, ɔ si yı kwalaa mɔ ɔ lɛ 'ba tv yı'n sie. ɔ fi tola nun anun kɔ fite, yı nwan: "Ɛmɔ lɛ kpɔnndɛ nwan?"

5 Bɛ nwan: "Yɛ lɛ kpɔnndɛ Zozi m'ɔ fi Nazalɛti'n."

Zozi nwan: "Mın ahı." Zudası m'ɔ lɛ yı yı man'n, anın ɔ nun bɛ yê bɛ jijin ɛbɛɛ ɔ.

6 Kɛ Zozi 'se kɛ: "Mın ahı" nun ala, nzalafv'n-mɔ kɔ bɔ si, bɛ kwalaa bɛ kɔ hyɔin bɛ kɔ hɔ bɛ nzin bɛ kɔ han bɛ kɔ gua ası.

7 Mɔ Zozi nwonlin yı sɔ'n, yı nwan: "Ɛmɔ lɛ kpɔnndɛ nwan?"

Bé nwan: “Zoji m'ò fi Nazale'ti'n.”

⁸ Zoji nwan: “M'an se emò ke y'ò le mín. Nan se mín yê emò le kpòndè mín sakpa a, anin emò yáci menian ehi-mò maan be hó.”

⁹ Zoji hanlín sò maan ejòlè'n m'ò hanlín yí mele m'ò s'elè Nyanmian man yí menian'n-mò'n kpínlín sù. Yí nwan: “Bé m'ò a fa bé a man mín'n, m'an mminlin man fíí.”

¹⁰ Anin Simò'n Pìelì le dadìe, ò kò hyùn kò kpe Nyanmian tēyifue kpain nín akua nín anzò fama'n. Akua sò'n, be fèlè yí Malikusi.

¹¹ Mò Zoji nwunlin yí sò'n, yí nwan: “Simò'n Pìelì, fa wó dadìe'n wula yí bua nín anun. E jònlín ke yalè'n m'ò mín Sì nwan n nwún yí'n, mìn ngò nwun man yí ò?”

Bé 'ba fa Zoji be fite Nannan Hannin anyunnun

¹² Ehi a, *Lòmùn nzalafu'n-mò nòn bé kpain'n, nòn Zufu'n-mò nzalafu diè'n-mò kò hyì ZOZI, be kò cici yí.

¹³ Be nòn yí kò li m'ò kò hò Nannan Hannin awulo. Hannin sò'n ti *tēyifue kpain daba. Kayifu m'ò ti Nyanmian tēyifue kpain afue sò nín anun'n, ò ja Hannin awa balasua.

¹⁴ Kayifu kòsù yê ò hanlín helelì Zufu'n-mò ke: “Sè sòanlan kòn wu a, ò ti kpa tala ke m'ân b'òndín'n kò b'ò'n.”

Pìelì 'ba han ke ò nzi man Zoji

(Matie 26.69-70, Maaki 14.66-68, Luku 22.55-57)

¹⁵ Mò be nòn Zoji 'kò Nyanmian tēyifue kpain nín awulo elò'n, Simò'n Pìelì nòn Zoji sòanlan'n kòn biekun be sili yí sù. Zoji sòanlan sò'n, tēyifue kpain'n sì yí. Mò be 'wòlò awulo nín akunnun elò'n, ò wòlòlì elò bie.

16 Nan Pielɩ dɩɛ, ɔ halɩ gua sɔ ɛlɔ anwan nɩn anwɔn ɛbɛɛ. Zozi swanlan kɔn'n mɔ tɛɛyɩfɩɛ kpain'n sɩ yɩ'n kɔ fite. ɔ kɔ han kɔ hele balasua'n m'ɔ sisa anwan'n ɔ kɔ man Pielɩ kɔ wɔlɔ.

17 Afanian'n m'ɔ nɩan anwan nɩn asɔ'n kɔ bisa Pielɩ kɛ: “N ja bian, asɔ wɔ kɔsɔ, ɛ ti man bian sɔ'n swanlan ɔ?”

Simɔn Pielɩ nwan: “Cɛɛɛ, nán yɩ swanlan y'ɔ le mɩn.”

18 Kɛmɔ anɩn ɛyɛɛ wɔ nun'n, ngɔa'n-mɔ nɔn nza-lafɔ'n-mɔ a huan sɩn bɛ jijin yɩ nwɔn bɛ ɛ ti. Pielɩ kɔsɔ kɔ a kɔ jinlan bɛ nwɔn ɛbɛɛ ɔ ɛ ti bie.

19 Mɛɛ sɔ'n, anɩn Nyanmɩan tɛɛyɩfɩɛ kpain'n ɛ bisa Zozi yɩ menian'n-mɔ nɔn yɩ ninngɛ'n m'ɔ kekele nɩn anwɔn kosuan.

20 Zozi kɔ bua yɩ kɛ: “M'an han yɩ bagua nun m'an hele mán'n bɔndɩn'n. Mɩn ninngɛ'n kwalaa mɩn kekele yɩ cɩan daa lika mɔ Zufɔ'n-mɔ yia'n, bɛ asɔnɩn sua'n-mɔ anɩn ɔ nɔn Nyanmɩan awulo nɩn anɩn. Mɩn ɛjɔɛ'n kwalaa mɔ mɩn kan'n, nán nɩɩalɛ nun ɔ.

21 Nan nzukɛ ati yê ɛ tɛ bisa mɩn yɩ nwɔn kosuan ɔ? Bisa bɛ mɔ n ganlɩn ɛjɔɛ'n n geɛɛɛ bɛ mɔ bɛ tɩɩ'n. Bɛ dɩɛ, bɛ sɩ ɛjɔɛ'n mɔ n ganlɩn n geɛɛɛ bɛ'n kpa bɔkɔɔ.”

22 Zozi anwan a ndɔ man, nzalafɔ'n-mɔ anɩn kɔn m'ɔ mantan yɩ nwɔn ɛbɛɛ'n kɔ kpɛ yɩ nyɩn nɩn asɔ. Yɩ nwan: “Asɔ, kɛ bɛ kan ɛjɔɛ bɛ keɛ Nyanmɩan tɛɛyɩfɩɛ kpain nɩn anɩn?”

23 Zozi nwan: “Sɛ m'an han ɛjɔɛ ɛtɛ a, keɛ mɩn ɛjɔɛ ɛtɛ ɛhɔɛ kɔn mɔ m'an han'n. Sɛ kɔsɔ m'an ngan man ɛjɔɛ ɛtɛ a, anɩn nzukɛ ati yê ɛ kpacɩ mɩn nyɩnsɔ ɔ?”

24 Ehi a, Hannun ngɔ man be ngɔ nyannji man Zozi, ɔ kɔ man be kɔ fa yɛ be kɔ hɔ kɔ wula Nyanman tɛɛyɛfɔe kpain Kayifu asa nun.

*Pielɛ 'ba han biekun ke ɔ nzi man Zozi
(Matie 26.71-75, Maaki 14.69-72, Luku 22.58-62)*

25 ɔ 'ba yɔ sɔ'n, anin Pielɛ te jin sɛn nun anwɔn ebele. Bɛ mɔ be jijin sɛn nun anwɔn ebele'n kɔ bisa yɛ ke: “Asu wɔ kusu wɔ, e ti man bian sɔ'n sɔanlan'n bie ɔ?”

Pielɛ nwan: “Cɛcɛ, nán yɛ sɔanlan'n bie y'ɔ le mín.”

26 Tɛɛyɛfɔe kpain nun akua'n kun mɔ yɛ abie y'ɔ le nunhan'n mɔ Pielɛ kpɛli yɛ nzu'n nwan: “Asu m'an nnwun man wɔ nun yɛ tola nun anun elɔ ɔ?”

27 Eɛe Simɔn Pielɛ nwan nán yɛ ɔ. ɔ 'kan sɔ nun ala, kokolokoo! Akɔ kun kɔ bɔ.

Be 'ba fa Zozi be fite Lɔmɔn Kɔnmanna Pilati anyunnun

(Matie 27.1-2,11-14, Maaki 15.1-5, Luku 23.1-5)

28 Ngɛlemɔ tutun kpa, ke alɛ'n hinlin ebele ala, bɛ nun Zozi fi kpain Kayifu awulo ebele, be kɔ fa yɛ kɔ hɔ *Lɔmɔn kɔnmanna nun awulo elɔ. Kemɔ ɔ ti man Zufu'n, se Zufu'n-mɔ wɔlɔ yɛ awulo elɔ a, anin efian a han bɛ, be ngɔala man *Paki'n bie di, ehi ati b'a nwɔlɔ man elɔ bie.

29 Be manlin *Pilati muonun fiteli walɛ bɛ nwɔn ebele, nán ɔ'a bisa bɛ ke: “Bian ehi a yɔ nzu mɔ emɔ le 'ba sanman yɛ ɔ?”

30 Bɛ nwan: “Se ɔ ti man etefɔe a, ahan ye nva man yɛ ye mmele man wɔ.”

31 Pilati nwan: “Emɔ muonun nun yɛ hɔ, be hɔ búa yɛ ndɛɛ ke emɔ mala'n kele'n.”

Mɔ Zufu'n-mɔ tɛli ejɔle sɔ'n, bɛ nwan: “Ye le man atin ke ye kun yɛ.”

³² Ejɔle mɔ Zozi hanlɪn heleli ehuan ehɔle kun'n mɔ be 'ba hun yɪ'n, ke ɔ yɔli mɔ ejɔle sɔ'n kpɪnlɪn su nun anɪn.

³³ Ehi a, Pilatɪ kɔ wɔlv sua nun anun elɔ ɔ kɔ fele Zozi ɔ kɔ bisa yɪ ke: “N ja bian, asv Zufv'n-mɔ belemgbin'n y'ɔ le wɔ ɔ?”

³⁴ Zozi nwan: “Wɔ muonun wɔ ti anun yê a bɔ mɔ ε le kan sɔ anaan, menian yê b'a han mɪn nwɔn ejɔle b'a hele wɔ, yɪ ti yê ɔ man ε le bisa mɪn kosuan sɔ nun ɔ?”

³⁵ Pilatɪ nwan: “E nɪan an, anɪn Zufv y'ɔ le mɪn ɔ? Wɔ mân nun anun menian'n-mɔ nun tɛɛyɪfve mgbain'n-mɔ yê b'a fa wɔ b'a bele mɪn ɔ. Nan ε yɔli nzu?”

³⁶ Mɔ Zozi tɪli ejɔle sɔ'n, yɪ nwan: “N dɪ man mân ehi anun belemgbin. Nan se n dɪ mân ehi anun belemgbin an, ahan mɔ Zufv mgbain'n-mɔ 'ci mɪn'n, mɪn ngva'n-mɔ hunlɪn leli mɪn maan b'a ngvala man mɪn ci. Nan kusv ɔ ti man sɔ, mun nni man belemgbin mân ehi anun.”

³⁷ Pilatɪ nwan: “Yɪ ti, belemgbin y'ɔ le wɔ sakpa?”

Zozi nwan: “Wɔ nwan wɔ sv ε le kan, belemgbin y'ɔ le mɪn. Be wɔli mɪn, m mali mân nun anun ke mun 'ba han ananhɔle nun anwɔn ejɔle. ɔ man svanlan biala m'ɔ ti ananhɔle'n svanlan'n, ɔ tie ejɔle'n mɔ mun kan'n.”

³⁸ Mɔ Pilatɪ tɪli ejɔle sɔ'n, yɪ nwan: “Apii, ananhɔle'n y'ɔ le nzu?”

Pilatɪ 'ba man atɪn ke be hɪn Zozi

(Matie 27.15-26, Maakɪ 15.6-20, Luku 23.13-25)

Ke Pilatɪ hanlɪn sɔ yuelɪ'n, ɔ kɔ sa kɔ hɔ Zufv'n-mɔ anwɔn elɔ, yɪ nwan: “Mɪn dɪe, mun nnwun man like mɔ yɪ ti yê ɔ di ke be kun svanlan sɔ nun ɔ.

39 Nan ɔ ti mala wɔ emɔ afian ewa, se be 'di *Paki biala a, bé mɔ be kɔ gua bé fiadi'n, mɔn yi kɔn. Yí ti, asu emɔ kulo ke mɔn yaci Zufu'n-mɔ belemgbin nɔn ɔ?"

40 Mɔ be tili ejɔle sɔ'n, be kɔ tetian nun, bé nwan: “Cee, nán yí yê ye kulo ke e yaci yí ɔ! Nan yé die, Balabasí yê ye kulo ke e yi yí ɔ!” Balabasí sɔ'n kusu a, ɔ ti kodiawu.

19

1 Ehi a, Pilatí kɔ man nzalafu'n-mɔ atɔn ke be fá Zozi be hó fín yí mgbele.

2 Nzalafu'n-mɔ kɔ fin Zozi mgbele ese be kɔ nwɔn abotile ke mmelemgbin'n-mɔ die'n, be kɔ bɔ Zozi ati. Abotile sɔ'n, be le eminlan mmowe yê b'a nwɔn ɔ. Be kɔ wula yí taladie kɔkɔle kusɔ be kɔ buka sɔ.

3 Be cɔn be mantan yí, anɔn bé nwan: “Zufu'n-mɔ belemgbin, ahɔn ɔ! Zufu'n-mɔ belemgbin, ahɔn ɔ!” Anɔn be 'kpe yí nyun nɔn asu.

4 Be wɔ ebele kaan an, ese Pilatí kɔ fite biekun, yí nwan: “Emɔ Zufu'n-mɔ, be nían, mɔn fa yí mɔn bele emɔ mɔn man emɔ nwun ke mɔn nnwun man like mɔ ɔ'a yɔ m'ɔ di ke be kun yí ɔ.”

5 Ke Pilatí 'kan sɔ ala, nzalafu'n-mɔ nɔn Zozi kɔ fite, yí mmowe abotile'n bɔ yí ti, yí taladie kɔkɔle'n wula yí. Pilatí nwan: “Sɔnlan nɔn ahɔ ɔ!”

6 Mɔ Nyanmian *teeyifɔe mgbain'n-mɔ nɔn bé nzalafu'n-mɔ nwunlin yí'n, be le tetian nun kpa, bé nwan: “Be búbɔ yí kulɔwa sɔ, be búbɔ yí kulɔwa sɔ!”

Mɔ Zufu'n-mɔ hanlɔn sɔ'n, Pilatí nwan: “Emɔ muonun fá yí hó búbɔ yí kulɔwa sɔ, nan mɔn die, mɔn nnwun man ete mɔ ɔ'a yɔ ɔ.”

7 Zufu'n-mɔ nwan: “Ye le yé mala kɔn, mala sɔ'n keke ke nán be kan ejɔle ete be tia Nyanmian Kpili. Yí

kusu ɔ'a han ejɔle ete ɔ'a tia Nyanmian, afi yi nwan ɔ ti Nyanmian Awa, yi ti, ɔ se ke be kun yi.”

⁸ Mɔ Pilati tili ejɔle sɔ'n, esulo hanlin yi biekun kpa.

⁹ Ɔ kɔ sa kɔ wɔɔ awulo elo, ɔ kɔ bisa Zozi ke: “E fi nin?” Zozi ngɔ te yi sɔ.

¹⁰ Pilati nwan: “Mɔn yê e le kpinlin mɔn'n? E nzi man ke mɔn kɔala ke mɔn man be yaci wɔ, ese mɔn kɔala ke mɔn man be bubɔ wɔ kɔɔwa sɔ ɔ?”

¹¹ Mɔ Pilati hanlin sɔ'n, Zozi nwan: “Se nán tunmin'n mɔ Nyanmian fali manlin wɔ nun ala a, e le man tunmin fi kɔn mɔn sɔ. Yi sɔ ati, Kayifo m'ɔ yili mɔn manlin wɔ'n, yi ete die mɔ ɔ'a yɔ'n tala wɔ die'n.”

¹² Ebele ala, Pilati le kpɔnnde atin ɔ yaci Zozi. Mɔ Zufɔ'n-mɔ nwunlin yi sɔ'n, be le tetian nun sele kpa, bé nwan: “Se e yaci sɔanlan ehi a, anin nán wɔ manngɔn y'ɔ le *Sezaa, afi sɔanlan biala m'ɔ bu yi nwɔn ke ɔ ti belemgbin'n, anin ɔ kpɔ belemgbin Sezaa.”

¹³ Mɔ Pilati tili ejɔle sɔ'n, ɔ kɔ man be kɔ fa Zozi be nun yi kɔ fite Zufɔ'n-mɔ anyunnun. Yi muonun kusu ɔ kɔ tanlan yi bia nun asɔ, lika mɔ be tanlan be di ejɔle'n. Lika sɔ'n, be le nyɔɔve ndetele kpa yê b'a fa b'a sise asie nin anwɔn ke kalo. *Ebele anie nin anin, be fele yi “gabata”.

¹⁴ Cian sɔ'n kusu, yi alie cin an, anin ɔ ti Zufɔ'n-mɔ enwɔnmian ele cian. Anin senze nin a ju bé ti afian. Pilati kɔ fa kɔ tɔ Zufɔ'n-mɔ anyunnun, yi nwan: “Emɔ belemgbin nin ahi o!”

¹⁵ Mɔ Pilati hanlin sɔ heleli bé'n, be le tetian nun, bé nwan: “Be hún yi! Be hún yi! Be búɔ yi kɔɔwa sɔ!”

Pilatı nwan: “Yí ti, be búbɔ emɔ belemgbın'n kulɔwa sɔ?”

Ɛbele ala, Nyanmian tɛɛyɪfɔe mgbain'n-mɔ nwan: “Yé belemgbın nın ala y'ɔ le *Sezaa, se ɛ yi yí a, ye le man belemgbın fí kón.”

¹⁶ Ke be hanlın sɔ yueli'n, Pilatı manlın nzalafv'n-mɔ atın ke be búbɔ Zozi kulɔwa sɔ. Ɛhi a, be kɔ sɔ Zozi be non yí kɔ hɔ.

Nzalafv'n-mɔ 'ba bubɔ Zozi kulɔwa sɔ

(Matie 27.32-44, Maaki 15.21-32, Luku 23.26-43)

¹⁷ Ɛhi, Zozi muonun sɔ yí kulɔwa'n fi kulo nın asɔ ɔ kɔ fite kɔ hɔ lika kón. Lika sɔ'n, *ebele anie nın anun be fele yí “Gɔlɔgota”, yí bu y'ɔ le ke “tile kangɔ lika.”

¹⁸ Ɛbele, nzalafv'n-mɔ kɔ bubɔ Zozi kulɔwa nın asɔ. Lika kɔnmgba sɔ'n, be kɔ bubɔ kodiawu nnyuan kɔsu kulɔwa sɔ, kɔn wɔ yí bɛ sɔ, kɔn kɔsu wɔ yí fama sɔ, yɛ Zozi wɔ bé afian.

¹⁹ Pilatı kɔ man be kɔ hele kalata be kɔ bɔ Zozi kulɔwa nın ati sɔ ke: “Zozi m'ɔ fi Nazaletı, Zufv'n-mɔ belemgbın.”

²⁰ Zufv'n-mɔ dɔun kınngalı ejɔle sɔ'n mɔ be heleli'n, ɔ sanlın ke lika mɔ be bubɔli Zozi kulɔwa nın asɔ'n mantan kulo'n kɔkɔ. Ejɔle sɔ'n kɔsu, b'a hele yí *ebele anie nun, b'a hele yí *latin anie nun, ɛse b'a hele yí *geleki anie nun.

²¹ Mɔ Nyanmian tɛɛyɪfɔe mgbain'n-mɔ nwunlin ɛhele sɔ'n, be hɔli tɔli Pilatı a, bé nwan: “Pilatı, ahan a ngele man yí ke ‘Zufv'n-mɔ belemgbın’, nan ahan ɛ heleli yí ke ‘sanlan ɛhi nwan ɔ ti Zufv'n-mɔ belemgbın.’ ”

²² Pilatı nwan: “Mɔ m'an hele'n, be ngaci man yí kón.”

23 Ehi, be ka bobo Zozi kolowa nin asu, be ka hye yi taladie'n-mo anun nnan be ka fa. Be nun kon biala ka nyan m'o fata o. O ka ha yi bubu'n. Taladie so'n kusu, o fa yi anwunno dede m'o ju yi asi'n, o le man mgbalie, be nwonlun yi wolologo konmgba.

24 Mo nzalafu'n-mo hyeli yi taladie ehunlun-mo anun yueli'n, be wo ebele kaan an, nunhan kon ka fa ka tu yi manngon'n-mo anyunnun ke: "Ebia-mo, taladie kon ehi m'o wo ewa'n, nan be man ye sosua nun, nan be man ye hyun tondo ye nwun swanlan m'o ka nyan yi o."

*Ehele Ejole nin anun, b'a hele ke:

*B'a hye min nwon ninng'e'n-mo b'a fa,
ye b'a hyun tondo b'a fa min taladie'n.*

Ke o yeli mo ejole so'n kpunlun so nin anun. Mo nzalafu'n-mo yeli nin anun.

25 Anin Zozi anin'n nun yi nin anianman bal-asua'n non Kolopasi ayi Mali ye Mali m'o fi Magidala'n, be kwalaa be jijin Zozi kolowa nin anwon ebele.

26 Mo Zozi nwunlin ke swanlan'n m'o kulo yi'n jin yi nin anwon ebele'n, o ka fele yi nin o ka han ka hele yi ke: "M mo, e 'nwun wo wa."

27 M'o hanlin so yueli'n, o kpeli yi nyun swanlan'n m'o kulo yi'n kusu anwon elo a, yi nwan: "E 'nwun wo nin." O fi ebele, yi swanlan'n fali yi nin hali yi awulo.

Zozi ewue nun

(Matie 27.45-56, Maaki 15.33-41, Luku 23.44-49)

28 Mo Zozi hanlin so yueli'n, sian'n yi muonun o nian an, anun yi nwun ejole'n mo Ehele Ejole'n hanlin'n kwalaa a kpun so. Ebele ala, yi nwan: "Nzuhoe le kun min."

29 Anun bua kɔn jin ebele, vinegɔli yi yɪ. Mɔ Zozi hanlin sɔ nun ala, nzalafv'n-mɔ kɔ nɪan ebele be kɔ fa eminlan kɔn be kɔ bɔ vinegɔli sɔ nun anun. Be kɔ sinnze yɪ baka kɔn ati. Baka sɔ'n, be fele yɪ *Izɔpu. Be kɔ fa be kɔ han Zozi anvan.

30 Mɔ vinegɔli'n hanlin yɪ nvan yueli'n, yɪ nwan: “Sian dɪe, ɔ'a yue.” Ke ɔ hanlin sɔ mɔ ɔ 'si yɪ ti asi ala, ɔ kɔ ha nun.

Nzalafv kɔn 'ba wɔ Zozi anvɪn nun acɔ

31 Cian mɔ be hunlin Zozi'n, yɪ alɪe cɪn an, ɔ ti ɛnwɔnmɪan elie cɪan. Yɪ sɔ ati, bɛ mɔ b'a bubɔ bɛ kɔlɔwa sɔ'n, Zufv'n-mɔ ngulo man ke bɛ fuin'n ka ebele dede *ɛnwɔnmɪan elie cɪan'n ju. Afɪ cɪan sɔ'n ti cɪan kpili kpa. Ehi kvalaa ati, Zufv'n-mɔ selesi *Pilati ke ɔ mán nzalafv'n-mɔ búbu menian sɔ'n-mɔ aja'n, nán be yɪ bɛ kɔlɔwa nun asɔ.

32 Nzalafv'n-mɔ walɪ a, menian nnyuan'n mɔ b'a bubɔ bɛ kɔlɔwa sɔ Zozi anwɔn ebele'n, be kɔ li mva be kɔ bubu kɔn nun aja'n, ɛsɛ be kɔ bubu kɔn'n kɔsɔ dɪe'n.

33 Bɛ nwan be 'bubu Zozi dɪe'n, be 'ju yɪ nwɔn ebele a, anɪn ɔ'a wu. Yɪ ti, b'a mmubu man yɪ ja'n.

34 Ke ɔ yɔli sɔ'n, nzalafv'n-mɔ anun kɔn falɪ yɪ acɔ'n walɪ Zozi anvɪn nun anun. Ebele ala, moja nɔn nzue fi nun kɔ fite.

35 Svanlan'n m'ɔ le kan ɛjɔle ehi kvalaatin'n, ɔ'a nwun ninnge sɔ'n-mɔ yɪ muonun yɪ nyɪnsɔ. Yɛ yɪ ɛjɔle'n m'ɔ le kan'n kɔsɔ ti ananhɔle. ɔ si ke ɔ le kan ananhɔle, ɔ 'kan maan ɛmɔ kɔsɔ de di.

36 Ninnge sɔ'n yɔli sɔ, ɔ man *Ehele ɛjɔle'n lika m'ɔ le kan ke: *B'a mmu man yɪ bowe kɔnmgbɔ cein anun,* ɔ kpɪnlɪn sɔ.

³⁷ Εσε b'a hele wə lika fufəle ke: *Be 'ba kaci bé nyin swanlan'n mə be wəli yí nyin nin anun acə nin anwɔn ɛlə.*

Zozi esie'n

(Matie 27.57-61, Maaki 15.42-47, Luku 23.50-56)

³⁸ Ehi anzin, Zozeɸu m'ɔ fi Alimate kulo nin asu'n, ɔ həli seleti Pilatu ke ɔ 'fa Zozi fuin'n ɔ 'kə a sie yí. Zozeɸu sɔ'n, Zozi swanlan kɔn y'ɔ le yí, nan kusɔ, kemə ɔ sulo Zufu mgbain'n-mə nin ati, ɔ nyi man yí nwɔn ɔ ngele man. Ke ɔ hanlin sɔ nin ala, Pilatu kə man yí atin. Zozeɸu kə a kə fa Zozi fuin'n kə hɔ.

³⁹ Ninkodemɔn mə cian kɔn kəngəe ɔ wəli Zozi anwɔn ebele'n, yí kusɔ ɔ 'ba a, ɔ le alufanlan kə yə tonun abulasan.

⁴⁰ Bé menian nnyuan, be kə fa Zozi fuin'n, be kə fa kisaan be kə fufɔ yí nwɔn. Be kə fa alufanlan sɔ'n be kə gugua kisaan nin anun ke Zufu'n-mə 'sie swanlan an, be yə yí'n.

⁴¹ Lika mə be bɔbɔli Zozi kɔlɔwa nin asu'n, tola kɔn wə yí nwɔn ebele. Tola sɔ nin anun, seka fufəle kɔn wə ebele, be sieli man swanlan fíi nun lé.

⁴² Kemə alíe cɔn an, anin ɔ ti Zufu'n-mə enwɔnmian elie cian'n, mə ese seka'n kusɔ mantan bé nwɔn ebele ala'n, ɔ man be həli sieli yí nun.

20

Zozi fi ewue nun ɔ 'ba tinngɛ

(Matie 28.1-8, Maaki 16.1-8, Luku 24.1-12)

¹ Ehi, məle'n ngelemə tutun kpa, anin mán nin anun yueli man titi, Mali m'ɔ fi Magɔdala'n kə jasɔ kə hɔ Zozi seka nin asu ɛlə. ɔ 'kə a ju a, b'a kunndo ɛbɔta'n m'ɔ nyin seka nin anwan'n.

² Ehi a, ɔ le enwanndie ɔ kɔ hɔ kɔ tɔ Simɔn Pɛli nɔn sɔanlan'n mɔ Zozi kulo yí'n, yí nwan: “B'a yí yé Mɔn yí sɛka nɔn anun, yɛ nnwun man lika mɔ bɛ nɔn yí a hɔ ɔ.”

³ Mɔ bɛ tɛli ɛjɔlɛ sɔ'n, sɔanlan sɔ'n nɔn Pɛli, bɛ kɔ jasɔ bɛ kɔ fa Zozi sɛka nɔn asɔ atɔn'n, bɛ lɛ kɔ a nɔan.

⁴ Bɛ munnyuan bɛ 'kɔ a, anɔn bɛ lɛ nwanndi. Nan kemɔ sɔanlan kɔn'n kɔala nwanndi tala Pɛli'n, ɔ kɔ yaci yí kɔ hɔ, ɔ kɔ li mɔa kɔ ju sɛka nɔn asɔ ɛɔ.

⁵ Kɛ ɔ 'ju ɛbɛlɛ ala, ɔ kɔ han yí nɔwɔn asɔ kɔ nɔan kunman nɔn anun. Ɔ 'nɔan an, ɛtanlan'n mɔ bɛ falɔ bɛ sieli Zozi'n gua ɛbɛlɛ, kɔsɔ ɔ'a nju man kunman nɔn anun.

⁶ Simɔn Pɛli juli ɛbɛlɛ a, ɔ kɔ ju kunman nɔn anun. Ɔ 'nɔan an, kisaan'n mɔ bɛ falɔ fɔfɔli Zozi anwɔn'n gua asɔ ɛbɛlɛ.

⁷ Ɛsɛ ɔ 'tɔ yí nyɔn an, ɔ kɔ nwun ɛtanlan'n mɔ bɛ falɔ guali yí ti'n, b'a bubu ɔ gua yí lika diɛ angɔnmɔn.

⁸ Kaan cɛ, sɔanlan'n m'ɔ lili mɔa juli sɛka nɔn asɔ'n kɔsɔ kɔ ju nɔn. Kɛ sɔanlan sɔ'n 'nwun yí sɔ ala, ɔ'a nwun kɛ Zozi fi ewue nɔn ɔ'a tinngɛ. Ɛbɛlɛ ala, ɔ kɔ le Zozi kɔ li.

⁹ (Mɛlɛ sɔ'n kɔsɔ, Ɛhɛlɛ Ɛjɔlɛ'n lika'n m'ɔ keke kɛ sɛ Zozi wu a, ɔ 'tinngɛ'n, anɔn yí menian'n-mɔ tɛli man yí bɔ.)

¹⁰ Yê bɛ munnyuan bɛ salɔ hɔli awulo ɔ.

*Zozi 'ba yí yí nɔwɔn keke Mali m'ɔ fi Magɔdala'n
(Matie 28.9-10, Maaki 16.9-11)*

¹¹ Mɔ Zozi menian nnyuan'n 'sa kɔ awulo'n, anɔn Mali jin sɛka nɔn anwɔn ɛbɛlɛ, ɔ lɛ sun. Tɛmɔn mɔ ɔ 'su'n, ɔ kɔ han asɔ ɔ kɔ nɔan kunman nɔn anun.

12 Ɔ 'nɪan an, anɪn nyanmɪansɔ mmɔfɔɛ nnyuan, bɛ wowula taladiɛ nvufue hyhyɛɪn, bɛ titɪ lɪka mɔ bɛ tɔlɪ Zozi'n. Kɔn tɪ yɪ ja ngɔa yɛ kɔn tɪ yɪ ti sɔlɔ.

13 Mɔ mmɔfɔɛ'n-mɔ nwanlin Mali'n, bɛ nwan: “Balasua, nzuke ati yɛ ɛ lɛ sun ɔ?”

Mɔ Mali tɪlɪ kosuan sɔ'n, yɪ nwan: “B'a yɪ mɪn Mɪn ɛwa, mɪn nnwun man lɪka mɔ bɛ nɔn yɪ a hɔ ɔ.”

14 M'ɔ hanlɪn sɔ helelɪ mmɔfɔɛ'n-mɔ yuelɪ'n, Ɔ 'tɔ yɪ nyɪn yɪ nzin an, Zozi jin yɪ nwon ebeleɛ, nan kɔsɔ Mali a nnwun man kɛ yɪ ɔ.

15 Zozi kɔ bisa yɪ kɛ: “Balasua, nzuke ati yɛ ɛ lɛ sun ɔ? ɛ lɛ kpɔnnɛ nwan?”

Mali jɔnlɪn kɛ sɔanlan'n m'ɔ di tola nɪn anun junman nɪn ɔ. Yɪ nwan: “Yɛmɪnlɪn, sɛ wɔ yɛ a yɪ yɪ ɛwa a, anɪn kele mɪn lɪka mɔ ɛ sielɪ yɪ'n maan n gɔ n vɔ.”

16 Mɔ Mali hanlɪn sɔ yuelɪ'n, Zozi kɔ fɛlɛ yɪ: “Mali!”

Mali kɔ kpɛ yɪ nyɪn ɔ 'nɪan an, Zozi jin yɪ nwon ebeleɛ. Ebeleɛ ala, Mali kɔ tɪan kɔ kpayɪ yɪ: “*Labunin, wɔ ahi?” (Labunin'n tɪ *ebele anɛ, yɪ bɔ y'ɔ le kɛ sɔanlan m'ɔ kan Nyanmɪan anɔan ɛjɔlɛ kele menian.)

17 Sian'n mɔ Mali hanlɪn sɔ yuelɪ'n, ɔ kɔ tutu ɔ 'kɔ a tɔ yɪ nun. Zozi nwan: “N'ɛ kan mɪn, ɔ sanlɪn kɛ n vɔlɪ n gɔlɪ man mɪn Sɪ anwɔn ɛlɔ. Nan kɔ, kɔ han kele mɪn menian'n-mɔ kɛ mɪn fɔ mɪn kɔ mɪn Sɪ m'ɔ tɪ ɛmɔ kɔsɔ Asi nɪn anwɔn ɛlɔ, mɪn fɔ mɪn kɔ mɪn Nyanmɪan m'ɔ tɪ ɛmɔ kɔsɔ Nyanmɪan nɪn anwɔn ɛlɔ.”

18 M'ɔ hanlɪn sɔ yuelɪ'n, Mali kɔ hɔ kɔ tɔ Zozi menian'n-mɔ, ɔ kɔ bɔ bɛ amannɛ, yɪ nwan: “Anianman-mɔ, m'an nwan yɛ Mɪn!” Ebeleɛ ala, ɔ

kɔ sʊsɔ sʊ kɔ han mɔ Zozi hanlɪn helelɪ yɪ'n kɔ hele bɛ́.

Zozi 'ba yɪ yɪ nwɔn kele yɪ menian'n-mɔ

(Matie 28.16-20, Maaki 16.14-18, Luku 24.36-49)

¹⁹ Mɔlɛ cɪan kɔnmgba sɔ'n nɔsɔba, kemɔ Zozi menian'n-mɔ sulo Zufɔ mgbain'n-mɔ nɪn ati, bɛ kwalaa bɛ kɔ tʊ bɛ nwɔn anɔan nɪn sua kɔn anun. Bɛ wɔ ebele kaan ala, Zozi kɔ fite bɛ nɪn ebele, ɔ jin bɛ kwalaa bɛ afian, yɪ nwan: “Emɔ mán bɛ lɔa cícɪ bɛ nwɔn!”

²⁰ M'ɔ hanlɪn sɔ yuelɪ'n, ɔ kɔ fa yɪ sa'n-mɔ anun nɔn yɪ nɪn nɪn anun kafɔan'n kɔ hele bɛ́. Mɔ menian'n-mɔ nwunlin yɛ Mɪn'n, bɛ lili fɛ kpili kpa.

²¹ Eɛɛ bɛ wɔ ebele kaan an, Zozi nwan: “Emɔ mán bɛ lɔa cícɪ bɛ nwɔn! Kɛ mɪn Sɪ sɔanlɪn mɪn'n, mɪn kɔsɔ mɪn sɔan emɔ.”

²² Mɔ Zozi hanlɪn sɔ mɔ yɪ nɔan tɔlɪ'n, ɔ kɔ fita bɛ nwɔn, yɪ nwan: “Emɔ nyán Wawe Nwanzan-nwanzan'n.

²³ Menian mɔ emɔ kɔ fa bɛ etɛ'n kɔ hye bɛ́'n, bɛ 'nyan etɛ face, nan bɛ mɔ yê emɔ a nva man bɛ́ etɛ nɪn a nje man bɛ́'n, bɛ nnyan man etɛ face.”

Zozi 'ba yɪ yɪ nwɔn kele Toma

²⁴ Mɔ Zozi 'ba yɪ menian'n-mɔ anwɔn ebele'n, anɪn Toma (mɔ bɛ fɛlɛ yɪ Nda'n) nnɔn man ebele bie. Toma sɔ'n, ɔ wɔ Zozi menian bulu nɔn nnyuan nɪn anun.

²⁵ Mɔ Toma hɔlɪ dede m'ɔ walɪ'n, yɪ manngɔn'n-mɔ nwan: “Y'a nwun yɛ Mɪn!”

M'ɔ tɪlɪ ejɔlɛ sɔ'n, ɔ ngɔ le ngɔ li man, yɪ nwan: “Mɪn dɪɛ, sɛ m'an nnwun man yɪ sa nɪn anun kafɔan'n, sɛ m'an nva man mɪn sa'n m'an ngan man yɪ kafɔan'n, eɛɛ sɛ m'an nva man mɪn sa'n

m'an nwula man yí nvɪn nɪn anun an, mɪn nne mɪn nni man lé.”

²⁶ Eɬɪ anzin məle kɔn, ɛsɛ Zozi menian'n-mə kə hə kə yia sua sɔ nɪn anun biekun, bɛ kə tɔ bɛ nwɔn anɔan nɪn. Sian diɛ, anɪn Toma wə bɛ nɪn ɛbɛle bie. Bɛ wə ɛbɛle kaan an, Zozi kə fite bɛ, ɔ jin bɛ afian ɛbɛle. Yí nwan: “Emə mán bɛ lɔa cíci bɛ nwɔn!”

²⁷ M'ə hanlɪn sɔ yueli'n, ɔ kə kpɛ yí nyɪn Toma anwɔn ɛɔ, yí nwan: “Toma, fa wɔ sa'n bala nán kan mɪn sa nɪn anun nɪan, ɛsɛ tɪngɛ wɔ sa'n fa wula mɪn nvɪn nɪn anun. N'ɛ su akpɔlɔwa, nan de di.”

²⁸ Mə Toma nwunlin yí sɔ'n, yí nwan: “Mɪn Mɪn, mɪn Nyanmɪan!”

²⁹ Zozi nwan: “Kɛmə a nwun mɪn'n, sian diɛ, ɛ de di? Nyila hán bɛ mə b'a nnwun man mɪn kɔsɔ b'a le mɪn b'a li'n.”

Kalata ɛɬɪ abɔ'n

³⁰ Yí menian'n-mə anyunnun, Zozi yɔli asinbenwɔn ninngɛ mmiekun-mə dɔɔn mə b'a ngɛle man yí kalata ɛɬɪ anun.

³¹ Nan mə b'a hɛle yí kalata ɛɬɪ anun'n, b'a hɛle maan ɛmə de di kɛ Zozi yê ɔ tɪ *Kilisi'n, yí yê ɔ tɪ Nyanmɪan Awa nɪn ɔ. ɔ man sɛ ɛmə de yí di a, ɛmə 'nyan ngɔan wə yí dunman nɪn.

21

Zozi 'ba yɪ yí nwɔn kele yí menian'n-mə anun nsɔ.

¹ Eɬɪ anzin, cɪan kɔn Zozi kə yɪ yí nwɔn biekun kə hele yí menian'n-mə. ɔ 'ba yɔ sɔ'n, anɪn yí menian'n-mə wə Galile asue'n mə bɛ fɛle yí Tibeliadi nɪn anɔan. ɛ 'nwun kɛ ɔ kpɪnlɪn yɪli yí nwɔn heleli bɛ'n.

² Anin Simōn Pīeli nūn Toma mō be fele yí Nda'n, o nūn Natanaye m'ō fi Kana, Galile mân nūn anun'n yê bian Zebede amma'n-mō, o nūn Zozi menian nnyuan bieken, bé kwalaa be gua asue nūn anvan ebele.

³ Be wō ebele kaan an, Simōn Pīeli nwan: “Mín nianman-mō, mīn 'kō a gua dada.”

Pīeli anvan a ndō man, bé kwalaa bé nwan: “Ye nūn wō kō.” Ebele ala, be kō hō be kō fū elee kūn anun. Cian sō'n kōngōe, be ngō hyi man ejue fíí.

⁴ Be guali dada'n dede mō alíe hūnlūn'n, Zozi kō a asue nūn anvan ebele, nan kusu yí menian'n-mō a nnwun man ke yí o.

⁵ Ehi a, Zozi kō bisa bé ke: “Mín mma-mō, emō a hyi ejue o?”

Bé nwan: “Ceece.”

⁶ Zozi nwan: “Emō gúa dada nūn elee'n fama sū, nán emō 'ba hyi ejue.” Mō yí menian'n-mō tili ejole sō'n, be kō li sū. Be kō gua dada'n. Sakpa kusu, be 'gua yí ebele a, be kō hyi ejue ngōnmīn, be nnwun man ke be kpīn be yō yí o. Be cūn yí a, o njūn man.

⁷ Mō sūanlan'n mō Zozi kulo yí'n nwunlin yí sō'n, yí nwan: “Yé Mīn o!”

Mō Simōn Pīeli tili ke yí nwan: “Yé Mīn o!”, o kō wula yí taladie'n, afi anin yí nwūn gua sū. Ebele ala, o kō hulu kō tō asue nūn anun.

⁸ Lika mō be wō'n kusu nūn fie a nwa man. O 'ba yō kō yō metili eya kūn. Zozi menian nga'n-mō hali elee nūn anun, be hyūhyūnlūn dada'n dede be wali sili asi, ejue yí yí tekēe.

⁹ Mō be sili asi'n, be 'nīan an, anin b'a huan sīn ebele, ejue la sū yê kpaūn kusu la yí nwūn ebele.

¹⁰ Zozi nwan: “Ejue'n mō emō a hyi yí kikaala'n, be fá bie be bála.”

11 Simɔn Pɪɛli kɔ fɔ ɛɛɛ nɪn anɪn, ɔ kɔ hyɔɪn dada'n mɔ ejue mgbili mgbili yi yɪ'n kɔ gua asi, Yɪ kɔvalaa tɪ ejue ɛya kɔn abulanun nɔn nsan. Bɛ hyɪli ejue nwala kpa, kɔsɔ dada nɪn a ndɪtɪ man.

12 Zozi nwan: “Ɛmɔ bɔla a li like.” Yɪ menian sɔ'n-mɔ fɪi a ngɔala a mmisa yɪ bɔbɔ kɛ: “Nwan sɔanlan dɪɛ y'ɔ le wɔ?” , ɔ sanlɪn kɛ bɛ kɔvalaa bɛ sɪ kɛ yɛ Mɪn ɔ.

13 Zozi kɔ hɔ sɪn nɪn anwɔn ɛɔ, ɔ kɔ hɔ kɔ fa kpaɔn'n nɔn ejue'n kɔ hye kɔ man bɛ.

14 Kɛ Zozi fi ewue nɪn tinngeli'n, yɪ kpɛ nsan asɔ mɔ ɔ 'yɪ yɪ nwɔn kele yɪ menian'n-mɔ nɪn ahi.

Zozi 'ba han ejɔɛ kele Pɪɛli

15 Mɔ bɛ lili like'n yueli'n, Zozi kɔ bisa Simɔn Pɪɛli kɛ: “Zɔan awa Simɔn, asɔ ɛ kulo mɪn kpa tala ehulo'n mɔ menian ɛhi-mɔ fa kulo mɪn nɪn ɔ?”

Simɔn nwan: “Yuo o! Yɛ Mɪn, ɛ sɪ kɛ mɪn kulo wɔ.”

Zozi nwan: “Sɛ ɛ kulo mɪn an, anɪn nɪan mɪn mmɔa mma'n-mɔ asɔ.”

16 Bɛ wɔ ɛbɛɛ kaan an, ɛsɛ Zozi kɔ fɛɛ Simɔn Pɪɛli biekun, yɪ nwan: “Zɔan awa Simɔn, asɔ ɛ kulo mɪn ɔ?”

Yɪ nwan: “Yuo o! Yɛ Mɪn, ɛ sɪ kɛ mɪn kulo wɔ.”

Zozi nwan: “Anɪn nɪan mɪn mmɔa'n-mɔ asɔ.”

17 ɔ wɔ ɛbɛɛ kan an, ɛsɛ ɔ kɔ fɛɛ Simɔn Pɪɛli biekun, yɪ nwan: “Zɔan awa Simɔn, asɔ ɛ kulo mɪn ɔ?” Yɪ kpɛ nsan nɪn asɔ mɔ Yɛ Mɪn hanlɪn kɛ: “Zɔan awa Simɔn, asɔ ɛ kulo mɪn ɔ?”

Pɪɛli anwɔn kɔ bubu yɪ, yɪ nwan: “Yɛ Mɪn, ɛ sɪ ejɔɛ biala, ɛ sɪ kɛ mɪn kulo wɔ.”

Zozi nwan: “Anɪn nɪan mɪn mmɔa'n-mɔ asɔ.”

18 Mɪn kan yɪ ananhɔɛ mɪn kele wɔ kɛ, daba, mɔ anɪn ɛ ti kpafɛɛ'n, wɔ ngɔnmɪn yɛ ɛ fa wɔ beleti'n ɛ cɪ wɔ nwɔn sɔ, ɛ kɔ lika mɔ ɛ kulo ɔ. Nan mɔ ɛ

'ba yɔ awulɔwa'n, ε 'ba kuku wɔ sa'n-mɔ asu maan sɔanlan fufɔle fa beleti'n cɪ wɔ nwon su, ɔ fa wɔ kɔ lika mɔ ε ngulo man ke ε kɔ'n.

¹⁹ Zozi le kan sɔ kele ke be 'ba cɪcɪ Pɪɛli, be kele yɪ ahulɔwa dede be kun yɪ, nán ɔ fa ewue sɔ'n ɔ wula Nyanmian anunminnyanmɔn. Mɔ Zozi hanlin sɔ yueli'n, yɪ nwan: “Simɔn, si mɪn sɔ!”

²⁰ Pɪɛli kɔ tu yɪ nyɪn yɪ nzin, ɔ 'nɪan an, anɪn sɔanlan'n mɔ Zozi kulo yɪ'n si bé su. Sɔanlan sɔ'n y'ɔ le mɔ be 'di *Pakɪ alɛ'n m'ɔ hyali yɪ nwon Zozi anwon ebele ɔ bisali yɪ ke: “Yé Mɪn, nwan sɔanlan dɛ yê ɔ 'ba yɪ wɔ man ɔ?”

²¹ Mɔ Pɪɛli nwunlin ke sɔanlan sɔ'n si bé su'n, ɔ kɔ bisa Zozi ke: “Yé Mɪn, yɪ dɛ, nzu ejɔle yê ɔ 'tu yɪ ɔ?”

²² Zozi nwan: “Se mɪn kulo ke ɔ nyan ngvan dede ɔ ju mɪn ewale cɪan an, asu wɔ ejɔle wɔ nun ɔ? Wɔ lɪlɪ si mɪn sɔ!”

²³ Ejɔle'n kɔ te anianman'n-mɔ afian elɔ ke bé nwan Zozi sɔanlan sɔ'n dɛ ɔ ngɔ wu man lé. Kusɔ Zozi a ngan a ngele man Pɪɛli ke ɔ ngɔ wu man le, nan Zozi nwan: “Se mɪn kulo ke ɔ nyan ngvan dede ɔ ju mɪn ewale cɪan an, asu wɔ ejɔle wɔ nun ɔ?”

²⁴ Zozi sɔanlan sɔ'n lɪlɪ yê ɔ'a nwun ejɔle sɔ'n-mɔ ɔ'a hɛle ɔ'a sie ɔ. Yê ye sɪ ke ejɔle'n mɔ ɔ'a han'n tɪ ananhɔle.

Kvalaa kvalaa

²⁵ Zozi yɔli asinbenwon ninnge dɔɔn kpa mmiekun-mɔ. Nan se be le tua kun biala be kele a, yɪ nwon kalata mɔ be 'kele'n, mɪn de mɪn di ke ɔ nzɔn man mân nɪn anun.

Anyin

Anyin: Nyɔhyɛ Fɔfɔlɛ'n New Testament

copyright © 1997 Wycliffe Bible Translators, Inc.

Language: Agni Sanvi

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source files
dated 26 Apr 2025

b4bf56fc-6e3d-5a7c-9f55-25d2c3645a88